


Ellen G. White Estate

A photograph of a white lighthouse on a hill overlooking the ocean at dusk. The lighthouse is illuminated from within, and the sky is a mix of blue and purple. Palm trees are visible in the foreground. The title text is overlaid on the image.

# ANG DALAN PADULONG KAY CRISTO

ELLEN G. WHITE



---

# **Ang Dalan Padulong Kay Cristo**

---

**Ellen G. White**

**Copyright © 2012  
Ellen G. White Estate, Inc.**



## **Information about this Book**

### **Overview**

This eBook is provided by the [Ellen G. White Estate](#). It is included in the larger free [Online Books](#) collection on the Ellen G. White Estate Web site.

### **About the Author**

Ellen G. White (1827-1915) is considered the most widely translated American author, her works having been published in more than 160 languages. She wrote more than 100,000 pages on a wide variety of spiritual and practical topics. Guided by the Holy Spirit, she exalted Jesus and pointed to the Scriptures as the basis of one's faith.

### **Further Links**

[A Brief Biography of Ellen G. White](#)  
[About the Ellen G. White Estate](#)

### **End User License Agreement**

The viewing, printing or downloading of this book grants you only a limited, nonexclusive and nontransferable license for use solely by you for your own personal use. This license does not permit republication, distribution, assignment, sublicense, sale, preparation of derivative works, or other use. Any unauthorized use of this book terminates the license granted hereby.

### **Further Information**

For more information about the author, publishers, or how you can support this service, please contact the Ellen G. White Estate at [mail@whiteestate.org](mailto:mail@whiteestate.org). We are thankful for your interest and feedback and wish you God's blessing as you read.



## Contents

Information about this Book .....	i
PANGUNA	
KILALA MO SIA? .....	iv
Ang Paghigugma sang Dios sa Tawo .....	5
Ang Dios Gugma .....	6
Na Angot Kita sa Iya .....	6
Ngaa si Kristo Nagkari .....	10
Ang Kinahanglanon Sang Isa Ka Makasasala Sa Kay Cristo ...	13
Paghinulsol .....	18
Pagtuad .....	31
Pagkabalaan .....	36
Pagtuong Pagdawat .....	41
Ang Sanghid sa Palangakuan sang Gintutun-an .....	47
Ang Pagtubo sa kay Cristo .....	55
Ang Buhat kag ang Kabuhi .....	63
Ang Kinaalam sang Dios .....	70
Ang Kalabanan sang Pangamuyo .....	77
Ano ang Himuon sang Pangduhaduha .....	88
Ang Pagkalipay sa Ginoo .....	96

## **PANGUNA KILALA MO SIA?**

Kilaja mo si Jesus, ukon may ihibalo ka nahanungod sa Iya? Ining mabakal nga diotay nga tulun-an sinuhat sang isa nga naka kilala kay Jesus subong man sang pila nga nakakilala sa Iya sa kasaysayan sang mga katawohan. Sia (babae) nakahangup sang kahulugan sang mga tinaga: ”Kag amo ini ang kabuhi nga wala sing katapusan nga ang mga tawo magkilala sa imo nga Ikaw lamang ang matuodnga Dios kag kay Jesu-Cristo nga imo ginpadala.” Juan 17:3. Sia sa Iya kaugalingon ginabaton niya nga saad sa Juan 1:12. “Apang may yara gid man nga nagbaton kag nagto-o sa Iya. Cani ini sila ginhatagan sing kinamatarung nga mangin-anak sang Dios tubtub sa Ila nga nagatu-o sa Iya pangalan.”

Sa pagbasa mo sining talaksan ayhan mahaylo ka kaanggid sang kadamuan nga mga tawo sa atubangan ni Cristo. Ayhan matukiban mo si Cristo nga nagatindug sa atubangan mo nga nagapauntay sa Iya duha ka butkon, nga nagasiling: “Makapanabat Ako sang imo katapusan nga kinahanglanon, tawhanon ukon kalagnon.”

**ANG DALAN PADULONG KAY CRISTO,**  
nabantala sa kapin sa 135 ka hambal sang tawo. nakabaligya sang kapin sa 50 ka nga mga huad. Ining balhag nagapakilala nga basi amo ang inakadaku nga binalhag sa isang tulun-an nga matino-ohon sa bugos nga kasaysayan. Ang padayon sing pagkakinahanglanon sini nagapakilala sang Iya pagkawalay katapusan kag ang pagkamasinakupon sang Iya malinaw, matadlong kag walay dagta nga balita.

Ang Mga Manogbangbantala

Timaan:Ang mga hinambiton sa balaan nga Kasulatan halin sa Maayong Balita nga Biblia( Hiligaynon) sa pahanungod sang  
[1] Philippine Bible Society, Manila, Philippines.



## Ang Paghigugma sang Dios sa Tawo

Ang tinuga kag bugna nagsinanto sa pagsaksi sang paghigugma sang Dios. Ang aton Amay sa langit amo ang ginhalinan sang kabuhi, sang kinaalam kag sang kalipay. Tan-awa ang makatilingala kag magayon nga mga bagay sang kinaugali. Hunahunaa ang ila makatalanghaga nga pagpaigo sa ila mga kinahanglanon kag kahimayaan, indi lamang sa tawo. kundi sa tanan nga nagapangabuhi nga mga tinuga. Ang silak sang adlaw kag ang ulan, nga nagapalipay kag nagapabaskug sang kalibutan, ang mga kabakulorankag kadagatan kag ang mga kadagatan, tanan naga pulong sa aton sang paghigugma sang Manunoga. ‘Ang Dios amo ang nagasangkap sang mga matagadlaw nga kinahangalanon sa lya mga tinuga. Sa maanyag nga mga tinaga sang Manogsalmo—

“Ang tanan nga mga butang nagatulok nga may paglaum sa Imo;  
Kag ginhatagan Nimo sila sing kinahanglanon ini. Qinhata-  
gan mo  
sila sing tanan kag ginahimu-an mo ang tanan sa ila kaugalin-  
gon.”

Mga Salmo 145:15,16

Ginhimo sang Dios ang tawo himpit sa pagkabalaan kag malipayon; kag ang maanyag nga kalibutan, subong sang paghalin sini sa kamut sang Manunoga, indi nagpakita sing pagkakigas sang pagkagabok ukon hlandong sang panghimalaut. Ang paglapas sang kasugo-an sang paghigugma — nga amo ang nagdala sang kalisud kag kamatayon. Apang bisan sa tunga sang kasakit nga bunga sang sala, ang paghigugma sang Dios napahayag. Nasulat nga ginpanghimulauton sang Dios ang duta bangud sa tawo, Genesis 3:17. Ang suyak kag ang tunukon nga tanum — ang mga kabudlayan kag mga huol nga nagabuhat sing kinabuhi isa sang pagpangabudlay kag pagkabalaka ginhiwat para sa iya kaayohan subong bahin sang paghanas nga kinahanglanon sa tuyo sang Dios para pagtib-ong sa

[2]

iya gikan sa kalaglagan kag kahuluy-an nga gindihon sang kasalanan. Ang kalibutarrbisan nahulog sa sala, indi man tanan kasakit kag kapiutan. Sa iya kaugalingon ang ginlalang may yara nga mga pasayud sang paglaum lag kasulhay. May yara nga mga pasayud sang paglaum kag katawhayan. May yara mga bulak sa mga tunukon nga tanum, kag ang mga tunuk natabunan sang mga rosas.

### **Ang Dios Gugma**

“Ang Dios gugma” amo ang nakasulat sa tagsa ka nagahumlad nga bukol sang tanan nga Iya ginlalang kag sa tagsa-tagsa ka utbong sang nagatubo nga hilamon. Ang maanyag nga mga pispis nagapagansal sang taliwala sa ila nga masinadyahon nga mga ambahanon, ang mga bulak nga gindu-agan sang mahinalongon sa ila kahimpitan nga nagapaamyon sang hangin, ang mga mataas nga mga kahoy sang kagulangan kaupod sang ila bugana kag malagtung nga kadahunan — tanan nagapanaksihon sang mapinalanggaon nga pinaka Amay nga pag amlig sang aton Dios kag sa kalangkag sa paglipay sa Iya mga kabataan.

Ang tinaga sang Dios nagapakilala sang Iya kinaugali. Sa Iya kaugalingon nagapahayag Sia sang Iya walay dulunan nga paghigugma kag kalu-oy. Si Moises nagapangabay, “Kon mahimo ipakita sa akon ang Imo himaya,” ang Ginoo nagsabat, “Paagihon Ko sa Imo atubangan ang bug-os ko nga katahum.” Exodo 33:18,9. Amo ini ang Iya himaya. Ang Ginoo nag-agi sa atubangan ni Moises, kag nagsiling, “Ako ang Ginoo. Ako amo ang Dios nga maloloy-on kag mainawaon, indi madali mangakig, kag nagapakita sang malig-on nga gugma kag katutum. Naga tuman ako sang akon saad sa mga linibo kag nagapatawad Ako sang mga kalautan, kalainan kag sala.” Exodo 34:6,7. Sia indi madali maakig, mahigugmaon kag maluloy-on, “sanglit nahamuot Sia sa pagkaluoy.. “Jonas 4:2 Miques 7:8.

### **Na Angot Kita sa Iya**

Gin-angot sang Dios ang aton mga kasing-kasing sa Iya. paagi sa di-maisip nga mga tanda sa langit kag sa kalibutan. Paagi sa mga bagay sang kinaugali, kag ang labing madalum kag labing malolo

nga dutan-on nga kaangtanan nga mahangpan sang tawhanon nga tagipusoon, ginapangita Niya para ipahayag ang Iya kaugalingon sa aton. Apang ining mga butang indi makapangatubang sang Iya paghigugma. Maskin pa ining tanan nga mga pamatuod ginpahayag na, ang kaaway sang kaayohan gintakpan niya ang mga huna-huna sang mga tawo, para nga magtan-aw sila sa Dios nga may kahadluk; ginahunahuna nila Sia nga maid-id kag dimapinatawaron. Si Satanas amo ang nagaganyat sa Ila sa paghunahuna nga ang Dios isa sa nagakabuhi nga may pinasahi nga nagapangibabaw nga kinabatan nga amo ang matul-iron nga kinamatarung — isa ka walay kalooy nga hukom, isa ka mapiguson, matul-id nga manugsokot. Ginalarawan niya ang Manunuga nga isa ka nagakabuhi nga nagabantay nga may mahisaon nga pagtan-aw para magmutik sang mga kasawayan kag sala sang mga tawo para makamitlang Sia sang paghukom sa Ila. Para magihit ining madalum nga langdong, sa paagi sa pagpahayag sa Kalibutan sang walay dulonan nga gugma sang Dios, bangud sini si Jesus nagkari sa pagpangabuhi upod sa mga tawo.

Ang Anak sang Dios nagkari gikan sa langit para ipakita ang Amay, “Wala sang bisan sin-o nga nakakita sa Dios, kondi ang bugtong nga Anak sang Dios, nga yara sa luyo sang Amay, amo gid lamang ang nakakita sa Dios, Sia amo ang nagapahayag sa Iya.” [4] Juan 1:18. “Wala sang nakakilala sa Anak luwas sa Amay. Kag wala man nakakilala sa Amay luwas sa Anak kay bisan sin-o nga luyag ipahayag sang Anak ang Amay”. Mateo 11:27. Sang sa tion nga ang isa ka gintoton-an nagpangabay, “Ipakita sa amon ang Amay,” Si Jesus nagsabat, “Dugay na ang aton pag-inupdanay. Felipe, wala pa ikaw makakilala sa akon? Ang nakakita sa Akon nakakita sa Amay. Nga-a bala masiling ka, “ipakita sa amon ang Amay?” Juan 14:8,9.

### *Ang Bulahaton ni Jesus*

Sa pagsaysay Niya sang Iya dutan-on nga bulahaton, si Jesus nagbutyag, “Ang Espiritu sang Ginoo yari sa Akon.

“Kagginpili Niya Ako sa pagwali Sang Maayong  
Balita sa mga imol Qinpadala Niya Ako sapagbantala

Sang Kahilwayan sa mga bihag. Sa pag ayo sa mga bulag.  
Sa paghilway sa mga ginapigos. “

**Lucas 4:18.**

Amo ini ang Iya tulomanon. Nagpanglakaton Sia kag naghimo sang maayo nga buhat kag sa pag-ayo sang tanan nga ginapigus ni Satanas. May yara nga mga bugos nga minuro sa diin nga wala ikaw mabatian ni isang ugayong sang may nagamasakit sa bisan kay sin-o nga puluy-an. Ini gin-agihan Niya kag ginpa-ayo tanan nga ila masakiton. Ang Iya mga binuhatan naghatag sing pamatuod sang Iya nga langitnon nga katungdanan. Gugma, kaawa, kag kalulo, ini sila nakita sa tagsa ka hulag sang Iya kinabuhi; ang Iya tagipusoon nagpadulong nga may malum-ok nga kahanuklog sa mga anak sang tawo. Nagpakatawo Sia, agud madab-ot Niya ang mga kinahanglanon sang tawo. Ang mga labing kubos kag manubo indi mahadlok sa pagpalapit sa Iya. Bisang mga gamay nga kabataan nag-amag sa Iya. Naluyag sila magsaka sa Iya mga tuhod kag nagtan-aw sang Iya mabinalak-on nga guya, malulo nga may paghigugma.

[5]

### *Malolo Siya*

Si Jesus indi nagpugong sang ni isa ka tinaga sang kamatuoran, apang gihapon ginbungat Niya ini sa paagi nga mahigugmaon. Ginagamit Niya ang daku gid nga paghalong kag mapasunairon, mainawa-on nga pagpakisayud sa mga tawo. Indi Sia nagbinarubal, indi gid nagbungat sang isa ka indi kinahanglanon nga mahapdi nga tinaga, ni naghatag sang indi nagakabagay nga kahapdi sa isa ka mabinyagong nga tawo. Indi Sia nagmulay sang kaluyahon sang tawo. Nagpulong Sia sang kamatuoran apang sa gihapon ginapalabay Niya ang mga pagpasalimpapaw, pagpangduhaduha, kag kalainan; apang may mga luha sa lya tingug sang nagbungat Sia sang may nakasamad nga kasawayan. Naghibi Sia nahanungud sang Jerusalem, ang dakbanwa nga lya nga ginmahal nga amo ang nagbalibad sa pagbaton sa lya, nga amo ang dalan, ang kamatuoran kag ang kabuhi. Ginsikway nila Sia subong Manluluwas, apang gintalupangud Niya sila nga may kahanuklog nga pagkalolo. Ang lya kabuhi isa sang kaugalingon nga pag-antus kag mabinalak-on

nga pagtatap sa lya mga tinuga. Ang tagsa ka tawo himili sa lya mga mata. Samtang Sia sa gihapon nagdala sang lya kaugalingon nga may langitnon nga pagkadungganon. Nagtalupangod Sia nga may pinakamalolo nga pagatamud sa tagsa nga katapu sang panimalay sang Dios. Sa tanan nga mga katawohan nakita niya ang mga tawo nga nahulog sa sala nga amo ang lya katungdanan luwason.

### *Ginpahayag Niya ang Dios*

Amo ini ang gawi ni Cristo nga ginpahayag Niya ang lya Kinabuhi. Amo ini ang ugali sang Dios. Amo ini ang gikan sa tagiposoon sang Dios nga Amay nga ang sapa sang langitnon nga pagkahanuklog makita sa kay Cristo, nagailig patuhoy sa kaliwatan sang tawo. Si Jesus, ang mapinalangga-on mainawa-on nga manlu-  
luwas amo ang Dios “nagpakita sa dagway sang tawo.” 1 Timoteo 3:16

[6]

Bangud nga kinahanglan luwason kita si Jesus nagkabuhi kag nagantus kag nagpakamatay. “Nangintawo Sia sing Kasakit,” agud nga kita makapakigbahin sang dalayon nga himaya. Ang Dios nagpahanugot sa lya mahal nga Anak, nga puno sang bugay kag kamatuoran. sa pagkari gikan sa isa ka kalibutan nga may indi masaysay nga kahimayaan. tuhoy sa isa ka kalibutan nga nadagtaan kag nakigas sa kasal-anan. gindulman sang anino sang kamatayon kag panghimalaut. Gintugtan Sia sang Amay sa pagtaliwan gikan sa luyo Niya nga amo ang ginapasimba sang mga anghel para magantus sang pagkahuya, pagpasipala, pagpaubus, pagkaakig, kag kamatayon. “Ang silot sang lya pag-antus naghilway sa aton; ginayo kita tungod sang mga bunal nga lya na riaagum.” Isaias 53:5. Lantawa Sia sa banlas nga puok sa Getsemane, sa ibabaw sang krus! Ang himpit nga anak sang Dios gin-angkon Niya ang salabton sang kasal-anan. Sia sadtong sa gihapon isa ka kaupod sang Dios nagbatyag sa lya kaugalingon ang makakulugmat nga pagbulagay sang Dios kag tawo nahanungod sang sala nga nagpatunga sa ila nga duha. Ini nag-ahat pagowa sa may kakagha nga singgit sa lya mga bibig: “Dios ko, Dios ko, ngaa bala ginpatumbayaan Mo Ako?” Mateo 27:46. Amo yadto ang palas-anon sang sala, ang igbalatyag sang iya makakulogmat nga pagkalabing daku, sang lya pagbulag

sang kalag sang Dios — amo ini nga nagbigtas sang tagipusoon sang Anak sang Dios.

### *Ang Amay Nagahigugma sa Aton*

[7] Apang ining daku nga pag-antus indi ginhiwat tunud sa pagtubo sa tagipusoon sang Amay sang paghigugma sa tawo, indi sa paghimo sa Iya nga magmaluloy-on sa iban. Indi, indi! “Kay ginhigugma gid sang Dios ang kalibutan sa bagaynga ginhatag Niya ang Iya bugting nga Anak, agud nga ang tagsatagsa nga nagatuo sa Iya may Kabuhi nga walay sing katapusan.” Juan 3:16 Ang Amay nagahigugma sa aton, indi tungod sing daku nga Iya ginbayad kay nahamut-an Niya kita. Si Cristo amo ang alagyan nga paagi sa Iya kag makabuhos sia sang Iya walay dulonan nga paghigugma sa nahulog nga kalibutan. “Amo ini ang amon mensahi nga ang Dios nagahimo sang tanan nga mga tawo nga Iya man mga abyan paagi kay Cristo.” 2 Corinto 5:19. Ang Dios nagantus kaupod sang Iya Anak. Sa Iya kasakit sa Getseamane, ang Iya pagkamatay sa duog nga gintawag “Ang Bagol” (Calvario), ang tagipusoon sang Walay dulonan nga paghigugma nagbayad sang bili sang aton katubusan.

Si Jesus nagsiling, “Ang Amay nagahigugma sa Akon, kay handa Ako sa paghatag sang Kabuhi, agud nga Akon mabaton ini liwat.” Juan 10:17 Ang Iya buot isiling, “Ang akong Amay nagahigugma sa inyo sing daku nga tungod sina bisan pa Ako ginahigugma Niya sing labi bangud sa paghalad Ko sang Akon kabuhi Tal-us kag sumalakdag, sa pagpanabat sang inyo mga salabton nga mga kalapasan, napamahal Ako sa Akon Amay; bangud sa akon Pag-antus,ang Dios mahimo nga makatarungan, luwas pa sina, ang Manugpamatarung sa iya nga nagatuo sa kay Jesus.”

### **Ngaa si Kristo Nagkari**

[8] Wala sang iban kundi ang “Anak sang Dios, ang makaluwas sa aton; bangud nga Sia amo lang ang sa Dios makapahayag sa Iya. Sia lamang nga amo ang nakahibalo sang kataas kag kadalum sang paghigugma sang Dios, ang makapakilala. Wala na sang kubos pa sa pag-antus nga ginhimo ni Cristo sa pagsakdag sa makasasala nga nga tawo makapa-athag sang paghigugma sang Dios sa nalaglag nga mga katawohan.

“Kag ginhigugma gid sang Dios ang kalibutan sa bagay nga ginhatag Niya ang Iya Bugtong nga Anak.” Ginhatag niya sia indi lang magpapangabuhi kaupod sa iban nga mga tawo, kag pag-pasan sang Ila mga sala. kag mapakamatay subong sang Ila halad. Ginhatag Niya Sia sa nahulog nga katawohan. Si Cristo nagpakilala sa Iya kaugalingon kaupod sang kalabtanan kag mga kinahanglanon sa ng katawohan. Sia amo ang isa nga kaupod sang kalabtanan kag mga kinahanglanon sang katawohan. Sia amo ang isa nga kaupod sang Dios nagangot sang Iya kaugalingon sa kaliwat sang tawo paagi sa kaangtanan nga ini indi gid mabugto. “Si Jesus wala mahuya sa pagtawag sa Ila nga Iya mga utod”, nagadala sang aton katawohan nga dagway sa atubangan sang lingkuran sang Dios nga amay, kag sa sulod sang qalay katapusan nga mga panahon nga isa ka kaupod sang katawohan nga gintubud Niya - - - nga Anak sang tawo. kag ini tanan agud ang tawo ayhan itib-ong gikan sa kalaglagaan kag kahuyartan bangud sa sala nga basi magpanganinaw sia sa paghigugma sa Dios, kag makibahin sang himaya sang pagkabalaan.

Ang bili nga ginbayad sang aton pagtubos, ang walay dulongan nga pag-antus sang aton langitnon nga Amay sa paghatag sang Iya Anak para magpakamatay sa aton, makatib-ong sang aton panghunahuna nga-kon ano ang madangat naton paagi sa gahum ni Cristo. Subong nga ang binugna-an sang Apostol Juan nakatalupangud sang kataason, kadalumon, kasangkaron sang paghigugma sang Amay tuhoy sa nagapapas nga mga katawohan. siya napuno sang paghangad kag pagtamud; kag, gina' kulang sang bagay nga mga tinaga para magsaysay sang walay latid kag pagkalulo sang paghigugma nga ginapakita Niya sa bilog nga kalibutan. “Talungpanda kon daw ano ang paghigugma sang Amay sa aton! Ang Iya gugma para sa aton tama ka daku sa bagay nga ginatawag kita nga anak sang Dios.” Daw ano nga bili ini nga ginhamtang' paagi sa kasal-anan, ang mga anak sang tawo manginsakop ni Satanas. Paagi sa pagtu-o sa paghinulsol kag pag-antus ni Cristo, ang mga anak ni Adan, magmangin mga anak sang Dios. Sa pagbaton Niya sang katawohan nga kaundan, natib-ong ni Cristo ang katawohan. Ang nahulog nga katawohan sa sala nabutang sa diin, paagi sa pagangot sa kay Cristo, pat-ud nga sila manginbagay sang pangalan “mga anak sang Dios”.

[9]

Inang paghigugma walay kaubay. Mga anak sang langitnong H.ari! Hamili nga panakga! Palatukdan sang labing madalum nga pagpamalandong! Ang dimatupungan nga paghigugma sang Dios sa isa ka kalibutan nga indi nagahigugma sa Iya! Ining isipan may Iya nga gahum nga makalutas sa kalag, kag nagadala sang isipan sa pagkasakup sa pagbout sang Dios. Sa aton labing pagtuon sang langitnon nga pamatasan sa kapwa sang krus dugang pa nga mahangpan naton ang kaluoy, pagkalulo, kag kapatawaran nagsimpon sa timbangan sang katarungan, kag sa dugang nga mahangpan ang dimasaysay nga mga pamatuod sang isa ka paghigugma nga walay katapusan, lag mahanuklogon nga pagsakdag nga kapin pa sa kahanuklogon sang isa ka ginahidlaw nga iloy sa Iya nga malalison nga anak.

[10]



## **Ang Kinahanglanon Sang Isa Ka Makasasala Sa Kay Cristo**

Ang tawo sa panguna pa lamang napasangkapan sia sang lutaw nga ikasarang kag maayong timbang nga kaisipan. Sia amo ang lubos sa iya pagkinabuhi, kag paghangpanay nila sang Dios. Ang iya mga panghunahuna putli, ang iya mga handom, balaan. Apang sa kalalangan sang pagkamalalison ang iya ikasarang naginmalauton, kag ang pagkahadluk nagpaibabaw sa bahin sang paghigugma. Ang iya kinaugali nagluya tungod sang kasal-anan, nga di-mahimo niya sa iya ikasarang sa pagsumpong sa gahum sang kasal-anan. Ginhimo sia nga bihag ni Satanas, kag kon ang Dios indi nagpatunga nagpabilin sia subong pa sa gihapon. Ang tuyo ni Satanas nga balabagan ang buko sang Dios sa pagtuga sang tawo, kag pun-on ang kalibutan sang kalisdanan kag kalaglagaan. Kay itudlo niya ining tanan nga kalalat-an nga amo ang bunga sang hikut sang Dios sa pagtuga sang tawo.

Sang ang tawo wala pa sala, nagpadayon sia sang mabimayaon nga paghangpanay sa Dios. “Sia amo ang yabi nga nagbukas sang tanan nga tinago nga manggad sang kaalam kag ihibalo sang Dios. “Apang sa tapus ang tawo. indi na sia makatukib sang himaya sa pagkaisahan sa Iya. Ang makasasala indi na malipay sa atubangan sang Dios; luyag niya magpalayo sa pag-inupdanay sang mga balaan nga nagakabuhi. Kon sia matugtan nga magsulod sa langit, indi sia magmalipayon. Ang Espiritu sang dimaiyaiyahon nga paghigugma nga nagagahum didto - - - ang tagsa-tagsa ka tagipusoon nagasabat sa tagipusoon sang Walay Dulonan nga Paghigugma - - - indi makatandog sang isa ka nagasabat nga kwerdas sa iya kalag. Ang iya isipan, iya mga kawilihan, iya mga katuyuan mangindumu-luong sa aton mga nagapahulag sang mga matarung nga nagaluntad didto. Manginlibagon sia nga tingug sa tulalay sang langit. Ang langit manginduog sang pag-antus; maghandum sia nga magpanago gikan sa Iya, nga Amo ang kapawa, ang alibutod sang iya kalipayan. Indi ini paluyagluyag nga sugo sa bahin sang Dios nga sikwayon

[11]

ang makakasala sa langit: sila gintakpan sa gowa tungud sang ila kahimtarig nga indi bagay magkabuylog. Ang kahimayaan sang Dios maginmapanglamon nga kalayo. Malipay pa sila pagpili sang kalaglagaan, nga sila matago sa nawong ni Jesus nga nagpalamatay sa pagtubos sa ila.

Dimahimo sa atin nga ang kaugalingon makatalimwas gikan sa lungib sang kasal-anan sa diin kita nalugdang. Ang aton mga tagipusoon maJinauton, kag indi naton mabaylohan, “Sin-o ang makakuha sang matinlo gikan sa higko? Wala sang isa.””Gani, an? isa ka tawo maginkaaway sang Dios kon ang iya punghunahuna ginagamhan sang tawonhon nga kinaugali kag wala sia nagatuman sang kasugoan sang Dios, kag matuod gid nga indi sia makatanum sini. ”Job 14:4, Rom 8:7. Ang kinaalam, ang tinun-an, ang paggamit sang kabubut-on, ang pagpaninguha sang tawo, tanan ini may iya kadapatan apang ini sila walay mahimo. Makatubas ini sila sang pakita sa tawo, sang pagpatul-id sang kagawian, apang indi sila makailis sang tagipusoon; indi sila makapatinlo sang tuburan sang kabuhi. Kinahanglan may isa nga gahum nga nagahikut halin sa tagipusoon. nga among bag-ong kabuhi gikan sa ibabaw, sa wala pa ang tawo makabaylo halin sa sala pakadto sa pagkabalaan. Inang gahum amo si Cristo. Ang Iya bugay lamang makapapagsik sang patay nga mga ihibalo sang isa ka kalag, kag makapawili sa Dios, sa pagkabalaan.

[12] Ang manluluwas nagsiling, ” - - - wala sing isa nga makakita sang Ginharian sang Dios kon indi dia matawo liwat,” kon indi sia makabaton sang bag-ong tagipusoon, bag-ong mga handum, mga panapat kag handum, padulong sa bag-o nga kabuhi, indi sia makakita sang ginharian sang Dios.” Juan 3:3. Ang isipan nga ang kinahanglan lamang ang pag-uswag sang kinaayo nga dira sa tawo sa iya kinaugali, ini ang makapahawak nga pagdaya. “Pero ang tawo nga wala sa iya ang Espiritu indi makabaton sang mga butang nga ginhatag sang Espiritu sang Dios: Wala gid kahulogan ini nga mga butang sa iya kay kabuangan ini para sa iya, kay mahangpan lang ini sa esporotuhanon nga paagi.” “Indi ka magkatingala nga ako nagsiling sa imo, Dapat kamo tanan matawo liwat.” ” I Corinto 2:14; Juan 3:7. Ang bangud sa kay Cristo, riasulat, “Ang pulong amo ang ginhalinan sang kabuhi, kag ini nga kabuhi, nagdala sang kapawa sa mga tawo” - - - ang lamang nga “ngalan sa bilog nga kalibutan

nga ginahatag sang Dios sa mga tawo nga makaluas sa aton.” Juan 1:14; Binuhatan 4:12.

Indi tuman lamang nga makabatyag kita sang mapinalanggaon nga kaluoy sang Dios, para makita naton ang pagkamabinuligon sang Dios, malulo nga pagka Amay ang Iya kinaugali. Indi tuman lamang nga mahangup ang kinaalam kag kinamatarung sang Iya kasugoan, para makita nga ini napasad sa walay katapusan nga pagsulondan sang paghigugma. Si Pablo nga apostol nakita niya ini tanan sang siya nagtuaw, ” - - - nagasugot ako nga ang kasugoan maayo. “Ang kasugoan mismo balaan kag ang sugo balaan, matarung kag maayo.” Apang nagdugang sia, sa iya mapait nga kalisud sa tagipusoon kag nadula nga paglaum, “pero ako akon mamalatyon nga tawo, nga ginbaligya subong ulipon sa sala. “Roma 7:16,12,14 Nagahandum sia sang kaputlian, sang bagay nga matarung nga sa iya kaugalingon indi niya mahimo, kag sia naghilibion nga mabaskug, “O kailo man ako nga tawo, sin-o bala ang makahilway sa akon sa sining lawas nga nagadala sa akon kamatayon?” Roma 7:24. Amo ini ang pagbalakhuon nga nagataliwan gikan sa nabugatan nga tagipusoon sa tanan nga mga pungsod kag sa tanan nga panahon. Sa tanan, may isa lamang, ang kahusayan, “Yari ang Cordero sang Dios nga nagakuha sang sala sang kalibutan.” Juan 1:29.

[13]

Madamu ang mga larawan nga may ara magamit ang Espirirtu sang Dios sa paglaragway sang kamatuoran para ipahangup sa tawo nga nagahandum nga mahilway sa lulan sang kasal-anan. Sang sa tapus sang iya sala sa pagdaya kay Esau, si Jacob nagpalagyo gikan sa puluy-an sang iya amay, nabug-atan sia sang iya pagbatyag sang iya sala. Mamingaw kag tinapok ang iya kahimtangan napalayo siya gikan sa tanan nga mahal sa iya kinabuhi, ang isa ka panghunahuna, labi sa tanan nagtum-ok sang iya kalagm amo ang kahadluk nga ang iya sala nagbulag sa iya sa Dios, nga sia ginsikway sang langit. Sa iya kasulub-on naghigda sia para mapahuway sa hayag nga duta, sa palibut sa iya amo lamang ang mapung-aw nga mga banglid kag sa ibabaw, ang langit maaliwanag nga may bitu-on. Sa iya pagtulog, ang isa kamatalanhaga nga kasanag nagsilak sa iya pananamgo; Kag talupangda! gikan sa mga kapatagan sa diin sia naghigda may ara masangkad nga mahandungon nga mga hagdanan nga nagapadulong pasaka didto gid sa mga ganhaan sang langit, kag sa ibabaw sina ang manununda sang Dios nagaagi pasakapanaug, samtang gikan

sa kahimayaan sa ibabaw, ang langitnon nga tingug nabatian ang balita sang katawhayan kag pagla-um. Bangud sina ginapakilala sa kayjabob ang sabat sang iya kinahanglanon kag handum sang iya kalag - - isa ka Manluluwas. Sa kalipay kag pagpasalamat nakitan niya napahayag nga isa ka paagi nga diin siya nga makasasala makabalik magpakibahin sa Dios. Ang katingalahan nga hagdanan sang iya damgo nnagadagway kay Jesus nga Sia lamang ang paagi

[14] nga nagapatunga sa pagpaalinton sang Dios kag tawo.

Amo ini gihapon nga talandaan nga ginsambit ni Cristo sa ila sugilanon ni Nataniel, sang siya nagsiling, “Matuod gid. makita ninyo ang langit nga nabuksan kag ang mga anghel sang Dios nga nagasakapanaug sa ibabaw sang Anak sang Tawo!” Juan 1:51. Ang kalibutan ginsipak gikan sa langit, sang pagtalikud sang tawo sang Dios.. Sa tabuk sang kadadalman mga nagaulot, wala mahimo nga pagpakisayud. Apang sa paagi kay Cristo, ang kalibutan sa liwat ginangot sa langit. Sa lya kahimpitan gintaytayan ni Cristo ang kadadalman nga ginbuhat sang kasal-anan. para ang manugbantay nga manununda makapadayon sang ila paghirup sa tawo. Ginpahiugyon ni Cristo ang mga nahulog sa sala nga mga tawo bangud sa ila kaluyahon kag dikasarang sa Puno sang walay latid nga kagamhanan.

Apang walay kapuslanan ang mga handum sang mga tawo sa kauswagan, walay kapuslanan ang tanan nga kinabudlayan sa pagtibong sa katawohan, kon ginpabayaan nila ang isa nga Pamuno sang paglaum kag bulig sa nahulog nga kaliwatan. “Ang tagsa ka maayo nga dulot kag himpit nga bugay”(Santiago 1:17) nagagikan sa Dios. Wala sang tutuo nga pagkahimpit nga pamatasan nga luas pa nga gikan sa lya. Kag ang dalan lamang padulong sa Dios amo si Cristo. Nagsiling Sia, “Ako amo ang dalan, ang kamatuoran kag ang kabuhi; wala sang makapalapit sa Amay, kondi paagi sa Akon.” Juan 14:6.

Ang tagipusoon sang Dios nagahidlaw sa lya mga dutan-on nga anak kaupod sang isa ka paghigugma labi pa kagamhanan sa kamatayon. Sa paghatag Niya sa lya Anak ginbubo Niya sa aton tanan ang langit sa isa ka dulot. Ang kabuhi kag kamatayon kag pagtubos sang aton Tagluas, ang bahin sang mga manununda ang pagpakiluoy sang Espiritu. ang Amay nagahikut sa langit. kag paagi sa tanan nga bagay. ang walay untat nga kabalaka sang mga

langitnon nga nagakabuhi. - - - tanan ginpabulig sa pagsakdag sa kaluwasan sang tawo.

[15]

O magtalupangud kita sang magkahayanghag nga pagantus nga ginhimo para sa aton! Magkilala kita sang pagpangabudlay kag paghimud-os sa pagbayad sang langit para maggawad ang nalaglag, kag ibalik sila sa puloy-an sang Amay. Katuyuan nga labi ka dalisay, kag talatapan nga labi kagamhan dili nga mas-a magpalakat; ang lubos nga padya para sa matarung nga buhat, ang maagum sang langit, ang katilingban sang mga manununda, ang pagpakigbahin, kag paghigugma sang Dios sang Iya Anak, ang pagtib-ong kag dugang sang aton tanan nga kagamhan sa sulod sang walay katapusan nga panuigon - - - indi bala ini mga gamhanan nga manugpasilabo kag mga paisug para pagduso sa aton sa paghatag sang aton Manunuga kag Manunubos.

Sa isa ka bagay, ang paghukom sang Dios batok sa sala; ang indi malikawan nga silot, ang kahuloyan sang aton gawi, kag ang katapusan nga kalaglagan, nahamtang sa Kasulatan sang Dios pata pagpaandam sa aton batok sa pag alagad kay Satanas.

Indi bala kita magtamud sang pagkaawa sang Dios? Ano pa ang madugang nga mahimo niya? Ibutang naton ang aton kaugalingon sa tama nga kahalabtan sa Iya, nga nagahigugma sa aton sang pinasahi nga paghigugma. Paghimuslan naton ang paagi nga ginbugay sa aton nga para makabaylo sa Iya dagway, kag param-aguliay sa paghiupod sa mga Manununda, para magkahirupay kag magpakigbahin sa Amay kag sa Anak.

[16]

## Paghinulsol

Paano ang tawo mangimatarung sa Dios? Paano ang paghimo sing matarung sa isa ka makasasala? (Sa) paagi lamang kay Cristo nga kita makisantu sa Dios, kaupod sang pagkabalaan: apang paano kiya makapalapit sa kay Cristo? Madamu ang nagapangusisa sang amo man nga pamangkut katulad man sang panong nga katawohan sa adlaw sang Pentecostes, san-o sang namatbaton nga nakasala, sila nagsinggit sa ila hilibi-on, “Ano ang himuon naton? “Ang una nga tinaga ni Pedro amo ini, “Magbiya kamo sa inyo mga sala.” Binuhatan 2:37,38. Sa sunod nga malip-ot nga tion nagpabutyag sia, “Gani maghinulsol kamo kag magbalik sa Dios agud mapanas Niya ang inyo mga sala.” Binuhatan 3:19.

Sa paghinulsol kaupod ang pagkasubo sang pagkasala. Indi kita makasikway sang sala kon indi naton makita ang pagkabangis: tubtub kita makatalikud gikan sa iya sa aton tagipusoon, wala sang matuod nga pagbaylo sa kabuhi.

Madamu mapaslawan sa paghangup sang tunay nga kinaiya sang paghinulsol. Hubon sang katawohan nagapangalisud nga sila nakasala tubtub pa nga sila maghimo sang pagpatadlong, bangud nahadlok sila nga ang ila kasaypanan makadala sang pagantus sa ila kaugalingon. Apang indi ini paghinulsol sa kahulogan suno sa Biblia. Ginakalisud nila ang pag-antus, sa baylo sang sala. Tag-subong sini ang kasakitan ni Esau sang namarasman nga ang iya pananubli-on nadula sa iya sa katubtuban. Si Balaam, kinugmat sang manununda nga nagatindug sa iya a landas nga may espada nga nagabut, nagkilala sang iya kasal-anan, sa kahadluk nga madula niya ang iya kabuhi; apang wala sang matuod nga paghinulsol sang sala, wala pagbaylo sang katuyoan, wala sang pagbalhin sa pagkasala. Si Judas Escariote, sa tapus nagluib sang iya Ginoo, nagsinggit, “Nakasala ako sa pagtugyan sa kamatayon sining tawo nga wala sang sala.” Mateo 27:4.

Ang pagtuad ginpilit gikan sa iya makasasala nga kalag sa paagi sa makahaladluk nga pamatyag sang pagtamay kag isa ka makaku-

lugmat nga pagaabut sa adlaw sang paghukom. Ang mga bunga nga magowa sa iya, nagpuno sa iya sang kakugmat, apang wala sang madalum, makangilitngit nga kalisdanan sa iya kalag, nga ginluiban niya ang walang dagta nga Anak sang Dios, Kag ginsikway ang Isa ang Balaan sang Israel, Si Faraon, sang sia nagaantus sa mga pamatbat sang Dios, nagkilala sang iya sala para makapanginluas sa dugang pa nga silot, silot apang nagbalik sa iya pagpanghangkat sang langit, sa gilayon tapus nagauntat ang pesti. Ini sila tanan nagpanganduhoy sang kasal-anan apang indi nagkasubo sang ila kaugalingon nga sala.

Ugaling sang sa ang tagipusoon nagpasugot sa gahum sang Espiritu sang Dios, ang balatyagon mapahulag kag ang makasasala makahimutad sang isa ka butang sang kadudulman kag pagkabalaan sang kasuguan sang Dios, nga amo ang salandigan sang iya pangulohan, sa langit. kag sa duta. Ang “Pulong amo ang matuod nga kapawa nga nagahari sa kalibutan,” nagapaathag sa likum nga hulot sang kalag, kag natago nga mga butang sang kadudulman ginpahayag.” Juan 1:9. Ang pagsalig nagapangiyahan sa hunahuna kag tagipusoon. Ang makasasala may yara nga pamatyag sang kinamatarung ni jehova, kag nakasayud sang kalakugmatan sang pag atubang sa iya kaugalingon nga kasal-anan kag kangil-aran, sa atubang sang Tagapangtungkad sang mga tagipusoon. Nakita niya ang paghigugma sang Dios, ang kaanyag sang pagkabalaan, ang himaya sang pakaputli; ginahandum niya ang matinluan, kag makabalik sa magpagkighinuanon sa Langit. [18]

Ang pangamuyo ni David sa tapus sia nahulog sa kasal-anan nagapakita sang halimbawa sang matuod gid nga pagbakho sang kasal-anan. Ang iya paghinulsol matinutud-on kag mahanuot. Wala sia nagahimud-os nga pagahaganhaganon ang iya kalapasan; wala handum sa pagpanginluas sa makakulugmat nga Paghukom, amo ang nagpapisan sang iya pangamuyo. Si David nakakita sang tuman nga kadaku sang iya kalapasan. Nakita niya ang dagta sang iya kalag; nangil-ad sia sang iya kasal-anan. Indi lamang kapatawaran ang iya ginpangamuyo kondi ang pagkaputli sang tagipusoon. Naghandum sia sang kalipayan sang pagkabalaan - - para magbalik sa paghangpanay kag pagpakig-angot sa Dios. Amo ini ang bungat sang iya kalag:

“Bulahan ang tawo nga ang iya mga sala  
ginpatawad, nga ang iya mga paglapas ginpanas.

Bulahan ang tawo nga wala ginasubong sang  
Ginoong nga nakalumo sing malaut nga binuhatan, nga  
hilway sa tanan nga paglimbong.”

**Salmo 32:1,2.**

“Kaluoyi man ako O Dios, tungod sang Imo  
mapinadayunon nga gugma, panasa ang akon mga sala  
tungod sang imo dakunga kaiuoy Hugasi sing lubos ang  
akon kalautan, kag tinloi ako sa akon sala!

Ginaako ko ang akon mga kasaypanan,  
ginakilala ko ang akon mga sala sa tanan nga tion.

Nakasala ako sa imo, sa imo gid lang,  
kag ginhimo ko ang ginapakalain mo.

Gani matarung ikaw sa pagkamalaut sa akon:

[19] Malaut ako halin sa tion nga ginbun-ag ako.

halin pa sang adlaw sang akon  
pagkaiawo manginmakasasala ako —

Kuhaa ang akon sala. kag manginmantinlo  
ako; hugasi ako. kag manginmaputi pa  
ako sa niebe

Tugaha sa akon. O Dios, ang isa ka matinlo  
nga kasingkasing.

Kag hatagi ako sang isa ka bag-o kag  
mainunongon nga espiritu.

Indi ako pagtabuga sa imo atubangan.

indi pagkauhaa sa akon ang imo

Espiritu Santo.

luli sa akon ang kalipay sang imo kaluwasan,

kag himua ang akon espiritu nga

magmatinumanon —

Luwasa ang akon kabuhi. O Dios nga akon



Manluluwas. kag ibantala ko sang malipayon  
ang imo pagkamatarung.”

### Salmo 51:1-14.

Ang paghinulsol nga subong'sini, malayo sa aton ikasarang maabut sa paghimo, lamang ini gikan kay Cristo, nga nagkayab sa langit, kag naghatag sang mga bugay sa mga katawohan.

Sa pagkamatuud diri sini nga katuyuan sa diin madamu nagakasayup, kag tungod sini kinulang sila sa pag-agum sang bulig nga ginahandum ni Cristo nga idulut sa ila. Naghunahuna sila nga indi sila makapalapit sa kay Cristo kon indi sila una maghinulsol, kag ina nga paghinulsol amo ang maghanda para sa kapatawaran sang ila mga sala; ang matuod amo nga ang paghinulsol amo ang naga-pangin una sa pagpatawad sang mga kasalanan; sanglit lamang ang naboung kag mahinulsolon nga tagipusoon amo ang maghandum sa manluluwas. Apang kinahanglan bala nga ang makasasala mag hulat anay tubtub nga sia makahinulsol buot sia makalapit sa kay jesus? Ang paghinulsol bala mangin sablag sa tunga sang makasasala kag Manluluwas? [20]

Ang Balaan nga Kasulatan indi nagatudlo nga ang makasasala maghinulsol buot sia magsunod sang paghagad ni Cristo, “Kon kamo sa Akon. tanan kamo nga nagabudlayan kag ginabug-atan, kag papahuwayon ko kamo.”Mateo 1 1:28. Ang pagkabalaan ni Cristo amo ang naggikan sa kay Cristo nga nagtuytuy sa himpit nga paghinulsol. Gin paathag ni Pedro ining bagay sa iya pulong sa mga taga-Israel sang nagsiling sia “Kay ginbayaw sia sa tuo sang Dios subong nga Pangulo kag Manluluwas sang kahigayun sa pag hinolsol agud nga mapatawad ang ila mga sala.”Binuhatan 5:31. Indi kita makahinulsol kon wala ang Espiritu ni Cristo sa pagpukaw sang aton balatyagon sang sa mapatawad kita nga wala si Cristo.

Si Cristo ang pamuno sang tagsa ka tadlong nga buylo sang hulag. Sia lamang ang isa nga makatanum sa sulod sang tagipusoon sang kaakig batuk sa sala. Ang tagsa ka handum sa Kamatuoran kag kaputlian, ang tagsa kapamatbat sang aton pagkamakasasala, isa ka patunay nga ang Iya Espiritu nagahulag sa aton mga tagipusoon.

Si Jesus nagsiling, “Kon ako mabayaw nga gikan sa duta, buyokon ko ang tanan nga mga tawo sa akon.” Juan 12:32. Si

Cristo kinahanglan ipahayag sa makasasala subong nga Manluluwas nga nagahimugto bangud sang mga kasal-anan sang kalibutan; kag sang sa nagatalupangud kita sa Cordero sang Dios sa krus sang lugar “Ang Bagol,” sa diin ginlansang si Cristo, ang tanhaga sang kaluwasan nagsugod sa makasasala, si Cristo nagpahayag sang isa ka paghiguma nga dimapatihan: kag ang makasasala makatalupangud sining paghigugma, nagapahumok sang tagipusoon, nagabugyok sang, panghunahuna, kag naga bugna sang paghinulsol sa kalag.

[21] Matuod nga ang mga tawo kon kaisa nagakahuya sang ila makasasala ng mga kagawian, kag magbiya sang iban nga ila malaut nga mga ugali, sa wala pa sila kalibutan nga ginabutong sila pakadto sa kay Cristo. Apang kon san-o sila maghimud-os magbaylo, gikan sa maminatudon sa paghimo sang kinamatarung, ang kagamhanan ni Cristo, amo ang nagaganyat sa ila. Ang amo nga gahum nga indi nila mabatyagan nagahikut sa ila kabuhi, kag ang balatyagon napukaw kag ang gawi sang pangabuhi mapahamtang sing mahusay, kag sang si Kristo nagaagda nga maglantaw sa lya krus, sa pagtalupangud sa lya ang sin-o nga ginbuno sang ila mga kasal-anan, ang kasugoan maabut sa ila igbalatyag. Ang kalautan sang ila kinabuhi, ang madalum kag mabudlay mahukad nga sala sang pagkatawo, napahayag sa ila. Sila magsugod makahangup sang isa ka butang sang kinamatarung ni Kristo kag magtuaw, “Ano ang sala, nga nagakinahanglan sang tagsubong sina nga halad para sa katubosan sang iya himalaut? Ini tanan bala paghigugma, tanan ini nga pagantus, tanan ini nga pagkahuya nga ginapilit, nga indi kita mamatay, alang makaagum sang kabuhi nga walay katapusan?”

Ang makasasala mahimo magpamatuk sa sininga paghigugma, mahimo magbalibad sa pagpalapit sa kay Cristo; apang kon indi sia magsumpong, sia mabuyok sa kay Jesus; ang kinaalam sang kaisipan sang kaluwasan magtuytuy sa iya padulong sa tiilan sang krus sa paghinulsol sang iya mga sala, nga amo ang nagkabangdanan sang pagantus sang mahal nga Anak sang Dios.

Ang amo man nga langitnon nga kaisipan nga nagahikut sa mga bagay sang kinatubo, nagapamulongpulong sa mga tagipusoon sang katawohan, kag nagalalang sang dimapaathag nga kaibug sa isa ka bagay nga wala sila. Ang mga bagay sa sining kalibutan indi makapabusog sang ila handum. Ang Espiritu sang Dios nagapakiluoy sa ila nga magpangita sang mga bagay nga amo lamang makahatag

sang paghidaet kag kapahuwayan - - - ang bugay ni Cristo, ang himaya sang pagkabalaan. Sa paagi sang sa gihapon mga pagbuyok nga nakita kag indi makita, ang aton Manluluwas nagahikut tuhoy sa pagganyat sang mga panghunahuna sang mga tawo gikan sa dimakabusog nga mga kalingawan sa sala pakadto sa walay katapusan nga bugay nga mangin ila sa kay Kristo. Sa mga tawo nga nagalaghap sing awat lamang gikan sa nahubsan nga bubon nga walay tubig sining kalibutan, ang langitnon nga balita ginbantala, “Kari, ang bisan sin-o nga ginauhaw, batuna ang tubig sang kabuhi nga wala sing bayad, ang bisan sin-o nga luyag sini.” Bugna 22:1 7. [22]

Ikaw nga sin-o sa imo tagipusoon ginahidlaw sang isa ka bagay nga labing maayo pa sa mahatag sining kalibutan, kilalahon mo ining kahidlaw nga tingug sang Dios sa imo kabuhi. Pangayu-a sa lya nga tagaan ikaw sing paghinulsol kag ipahayag si Kristo sa imo, sa lya walay dulonan nga paghigugma, sa lya pagkahimpit kag pagkaputli. Sa kabuhi sang Manluluwas ang mga pagsulundan sang kasuguan sang Dios - - - ang paghigugma sa Dios kag sa tawo - - - ginsunod sa himpit. Ang pagkamabinuligon, maalwan nga paghigugma, amo ang lya kinabuhi. Amo ini sa aton paglantaw sa lya, katimbang sang kasanag gikan sa aton Manluluwas nga nagpanagunton sa aton, kag makita naton ang pagkamakasala sang aton mga tagipusoon.

Basi pa lang gindayawdayaw naton ang aton kaugalingon, kaanggid kay Nicodemus nga ang aton kabuhi matadlong, nga ang aton panggawi tama, kag indi kita nagahunahuna nga magpaubos sang aton tagipusoon sa atubangan sang Dios, subong isa nga nakilala naton nga makasala: apang kon ang kasanag gikan kay Cristo magsilak sa aton kabuhi, makita naton kon ano kahigko kita: mahimutaran naton ang aton maiyaiyahon nga katuyuan, ang aton pamatuk sa Dios, nga nagdagta sang tagsa ka buhat ang aton kabuhi. Sa sina mahibaluan naton nga ang aton nga kinamatarung pat-ud gid nga subong sang mahigko nga mga lapat, kag isa pa nga ang dugo ni Kristo, lamang makatinlo sa aton gikan sa kahigkuan sang kasalanan, kag makabag-o sang aton tagipusoon nga katulad sang lya dagway. [23]

Isa ka silak sang himaya sang Dios, isa ka igpat sang kaputlui ni Cristo, nga nagapanalupsop sa kinabuhi, nagahimo sang tagsa kapugtak sang dagta mahapdi sa iya pagkaathag, kag nagapahamtang sang hublas sang kasamaran sang dagway kag mga kakulangan sang tawhanon nga kinaugali. Amo ini ang nagpakita sang walay

napabalaan nga mga kaibug, ang pagkamaluibon nga tagipusoon, ang kahigkuan sang mga bibig. Ang mga buhat nga mabudhi-on sang makasasala sa pagkawalay pulos sang kasuguan sang Dios, napahayag sa iya panulok, kag ang iya balatyagong napilasan kag ginpapangalisud sa ubos sang nagausa nga gamhanan nga Espiritu sang Dios. Ang tawo mangil-ad sa iya kaugalingon sa iya pagtan-aw sang himpit nga walay higko nga gawi ni Cristo.

Sang si manalagna Daniel nagtalupangud sang masanag nga kapawa sang langitnon nga manugtunda nga ginpadala sa iya gindaug sia sang iya balatyagong, lag sang iya kaluyanon, kag kakulangan. Ginsaysay niya ang kahulugan sining makatilingala nga palananawon, nagsiling sia, “Nadulaan ako sing kusog, kag nagbaylo ang akon guya nga wala sang makakilala sa akon.” Daniel 10:8. Gani ang kaugalingon nga natandog subong sini magtamay sang iya pagmahikawon, mangil-ad sang iya pagkamakikaugalingon, kag magpakita. paagi sa kinamatarung ni Cristo, sa kaputli sang tagipusoon nga nagahilisanto sa kasogoan sang Dios kag ugali ni Cristo.

[24] Si Pablo nagsiling “nahanungud sang pagkamatarung sang tawo paagi sa pagtuman sang kasogoan” - - - kag tungod sang mga luwas nga binuhatan - - - sia “wala sangnakulang sa iya”(Filipos 3:6); apang sang ang balaan nga gawi sang kasogoan nahangpan kag nakita niya ang iya kaugalingon nga makasasala. Sa pagtulotimbang sang nasulat sa kasogoan subong man sang pagdapat sang katawohan sa ila adlaw-adlaw nga kinabuhi, nagbiya sia sa pagbuhat sang sala; apang sang pagpamulalong niya sa mga tulomanon, kag nakita niya ang iya kaugalingon subong man nga ang Dios nagatanaw sa iya, nagduko sia nga may kahuyam, kag nagtu-ad sang iya mga kasaypanan. Nagpabutyag sia, “Sang una anay, buhi ako sang wala pa sing kasogoan. Pero sang may kasogoan na nabuhi ang sala kag napatay ako.” Roma. 7:9. Sang natalupangdan niya ang balaanon nga kinaiya sang kasogoan, ang sala nagpakita sang iya matood nga makahadluk nga dagway, kag ang iya pagtamud sa kaugalingon nadula.

Ang Dios indi nagtamud sa tanan nga mga sala nga kaangay kadaku. May yara halintang sang kalapasan sa iya pagtimbang subong nga yara sa mga tawo; apang bisan ano nga paagi sa pagkadiutay sini ukon nga dimatarung nga buhat nakita sa mga mata sang tawo,

wala sang sala nga diutay sa panan-aw sang Dios. Ang patimbang sang tawo mainapinon, dihimpit; apang ang Dios nagatimbang sang tanan nga mga bagay sa ila matoodto-od nga kahimtangan. Ang palahubog ginatamay, kag ginsingnanan nga ang iya sala makasikway sa iya gikan sa langit; samtang ang bugal, pagkahikaw, kag pagkamaibugon sa masusun ginpabayaan sawayon. Apang ini nga mga sala amo ang labi ka nmkaalakig sa Dios: bangud ini sila makasablag sa pagkamaluloy-on Niya nga kinaugali, sa maalwan Niya nga paghigugma nga amo ang nagapalibot sang ulay nga kalibutan. Ang isa katawo nga nahulog sa pila ka labing hayag nga mga sala mahim ayhan nga makabatyag sang isa ka igbalatyag sang iya kinawala kag sang iya kinahanglanon sang bugay ni Cristo; apang ang bugal nagapangatarungan nga wala sia sang kinahanglan sa sina, ginatakan niya ang tagipusoon batuk, kay Kristo, kag ang walay dulonan nga mga pagkamaayo nga amo ang kabangdanan sang lya pagkari para idulot.

[25]

Ang makaluluoy nga manugsulat sang buhis nga nagpangamuyo, “O Dios kaluoyi ako nga makasasala!” (Lukas 18:13) ginbilang niya ang iya kaugalingon nga matuod gid nga makangingil-ad nga tawo, kag ang iban nagamulalong sa iya sa amo man nga pagtamud; apang ginbatyag niya ang iya kakulangan, kag sang iya lulan nga kasal-anan kag kahuloy-an naglapit sia sa atubangan sang Dios, nga nagapangayu sa imo kaluoy. Ang iya tagipusoon ginbuksan niya sa atubangan sang Dios para sa lya maanyag nga paghikot, .kag ipalayo sia sa gahum sang Espiritu Santo. Bangud sang nakahibalo, sang iya kadagtaan sa paghimutig sang walay kasawayan sang langitnon nga pagkabalaan. Wala sia kinahanglan kag wala sia sing mabaton.

Kon makita mo ang imo pagkamakasasala indi ka maghulat sa paghimo sa imo kaugalingon nga maglabing maayo. Rila nga mga tawo nga nagaisip nga indi sila tuman sing kinaayo para magpalapit kay Cristo. Nagaabut ikaw nga manginlabing maayo paagi sa imo mga paghimudos? “Mailisan bala sang isa ka Etiopeyanhon ang kolor sang iya panit ukon mabaylohan bala sang isa ka leopardo ang iya mga pintuk? Kon mahimo pa dayon kamo nga maghimo lamang sing malaut makatuon sa paghimo sing maayo.” Jeremias 13:23. May yara nga bulig para sa aton lamang halin sa Dios. Indi kita dapat maghulat sang makusog nga mga pabuyok sang kabubut-on, para sa labing maayo nga mga kahigayunan, ukon sang labing balaan

nga mga huyog. Wala kita mahimo sa aton kaugalingon. Magpalapit kita sa kay Cristo katulad karon sang aton hayag nga kahimtangan.

[26] Apang indi kita magpahanugot sa pagdaya sang aton kaugalingon batuk sa panghunahuna nga ang Dios sa daku Niya nga paghigugma kag kaawa, nga magluwas bisan pa sa nagasikway sang Iya bugay. Ang lubos nga pagkalaut sang sala mahimo makatulo-timbang lamang sa kapawa sang krus. Kon ang tawo magpilit nga ang Dios labi kaayo sa paghaboy sa makasasala palantawa sila sa duog nga ginatawag nga Calvario. Ginhiwat ini sanglit wala na sang iban nga paagi nga ang tawo maluwas, bangud kon wala ining halad, dimahimo nga ang mga tawo makapanginluwas sa nakadagta nga gahum sang sala. kag makabalik sa. pagpakigbahin sa mga langitnon nga nagakabuhi. — dimatabu sa ila sa liwat nga makaambit sang mabalaanon nga kinabuhi, gani tungod sini si Cristo nagpas-an sang kasal-anan sang mga malalison, kag nagantus sa baylo sang makasasala. Ang paghigugma kang ang pag-antus kag kamatayon sang Anak sang Dios nagapanaksihon sa makakulugmat kag kadakuon sang sala. kag nagapahayag nga wala sing pagpanginpadlos gikan sa iya gahum, wala pagla-um sing labing mataas nga kinabuhi. kon indi paagi sa pagkamasinulondon sang tawo kay Cristo.

Ang di-mahinulsol kon kaisa ginapatawad nila ang ila kaugalingon sa ila paghangkot sa nagaangkon nga sila mga Cristiano, “Katulad ako sing kaayo sa ila. Indi sila nagapamalibad sa ila kaugalingon, indi maligdong ukon mainamdamon sang ila pamatasan nga labi sang sa akon, nagahangad sila sang kalingawan kag nagapaayaw sang kaugalingon kaangay sang ginahimo ko. ” Bangud sina. ginabuhat nila ang kakulangan sang iban nga kapatawaran sang pagpatumbaya sang ila katungdanan. Apang ang mga sala kag kinalain sang iban indi makapasaylo sa isa ka tawo; bangud ang Ginoo indi naghatag sa atorTtang walay kasawayan nga tawohanon nga huaran. Ang himpit nga Anak sang Dios gindulot nga aton sulondon, kag sila nagasumbong sang sala nga banas sang nagaangkon nga sila Cristiano amo magpakita sang labing maayo nga kinabuhi, kag dungganon nga halimbawa. Kon sila may tuman gid kataas nga kaisipan sang kon manginCristiano, indi bala nga ang ila sala labi pa kadaku? Nahibal-an nila kon ano ang nagakaigo, kag nagbalibad sila sa paghimo.

Andaman ang pagpabuyanbuyan. Indi mo pagawatón ang tulongmanon sa pagsikway sang imo mga sala, kag paglaghap sang pagkaputli sang tagipusoon paagi sa kay Jesus. Amo ini sa diin ang linibo-libo nakasayup sa ila dalanon nga kalaglagan. Indi ako magpabilin dira sa kalip-ot kag sa pagpangduhaduha sang kinabuhi; apang may dira nga makangilidlis nga katalagman — ang katalagman nga indi tuman matungkad — sa pag-awat sang aton pagsugot sang pakiluoy sang tingug sang balaan nga Espiritu sang Dios, sa aton pagpili sa pagpangabuhi sa kasal-anan; sa tagsubong sini nga pagawat may katalagman. Ang kasal-anan, bisan diutay sa ano man nga paagi, mahimo mahiagum lamang sa katalagman sang walay katapusan nga pagkadula sang kalag. Ang isa ka bagay nga indi naton malutos, magalutos sa aton, kag ini maghikut sang aton kalaglagan.

[27]

Si Adan kag si Eva ginbaylo nila ang ila kaugalingon sa diin nga isa ka diutay nga bagay katulad sang pagkaon sang ginadili-an nga bunga sang kahoy, wala sang maggua nga makangilidlis nga kahulogan nga ginpahayag sang Dios. Tapat nga ining diutay nga butang amo ang kalapasan sang dimapagbaylo kag balaan nga Kasugoan, kag nagbulag sang tawo gikan sa Dios, kag nagbukas sang buluhosan sang kamatayon kag indi masaysay nga kalisdanan sa kalibutan. Mga panuigon, nag-alagi sa kaduta-an nga nagapadayon sa paghilibi-on sa ila pagpangalissud, kag ang bilog nga ginlalang nagaugayong kag nagapasakit dulungan subong sang babayi nga manugbata, tungod sang pagpamatuk sang tawo. Ang langit sa iya kaugalingon nagabatyang sang patubas sang pagkamasinumpongon sang tawo batuk sa Dios. Ang Calvaryo nagapahayag nga isa ka dulumdomon sang makatingala nga halad nga ginakinahanglan sa pagbayad sang paglapas sang langitnon nga kasugoan. Indi naton kabigon ang sala nga isa ka diutay nga bagay.

Tagsa ka binuhatan sa paglapas, tagsa ka pagpatumbaya ukon pagsikway sang bugay ni Cristo nagabalus sa imo kaugalingon; nga patig-a sang tagipusoon nagadagta sang kabubut-on, nagapabinhod sang ighalangup indi lang ginakulang ikaw sa paghuyog sa pagsugot, luwas pa sina indi ikaw makasarang magsunod sa malum-ok nga pagpakiluoy sang Espiritu sang Dios.

[28]

Madamo nga tawo ginapahipus nila ang ila natublag nga balatyangon sa pag-isip nga nabalhin nila ang padulong sang kalautan kon sila magpili; nga mahangpangan nila ang mga pangagda sang

kaaway, kag sa gihapon sa liwat kag liwat mabuyok. Nagahunahuna sila makahimo sang kasakitan sa balaan nga Espiritu sang Dios, sa pagkatapus isikway sang ila pangakud sa dapig ni Satanas, sa isa ka tion sa pagkakinahanglanon nga makangilidlis makabaylo sila sang ila kahuyogan. Apang indi mahapus ini mahimo. Ang ginagihan, ang tinun-an sang bilog nga kinabuhi nagdagway sang matul-id sa pamatasan nga lamang nga tawo maghandum sa pagbaton sang larawan ni Jesus.

Bisan isa ka sayup nga kinabatacan sang ugali, isa ka makasasala nga dalayon ginapakamahal, makapanas sa ulihi sang tanan nga gahum sang kamatuoran. Tagsa ka makasasala nga pagpaayon nagapapag-on sang pagkalas-ay sang kinaiya sang Dios. Ang tawo nagapakita sang maluib nga kaisdug, ukon mabundol kag walay kaangtanan sa baiaan nga kamatuoran amo ang nagaagum sang patubas sang iya kaugalingon nga ginpanggas. Sa bug-os sang Balaan nga Kasulatan wala dira sang labing makahaladluk nga pagpa-andam batuk sa pagpakadiutay sang kasal-anan nga makalabaw sa mga tinaga sang isa ka maalam nga tawo nga makasasala. “Ang mga sala sang malaut nga tawo kaangay sang isa ka si-ud. Madakpan sia sa si-ud sang iya kaugalingon.” Hulubaton 5:22.

[29] Si Cristo handa paghilway sa aton gikan sa saia, apang indi Sia makapilit sang kabubut-on; kagkon sa paagi sang dalayon nga paglapas ang kabubut-on bug-os nabuyuk sa kalautan kag wala kita handum nga maluwas, kop indi kita magbaton sang lya kaalwan, ano pa ang mahimo Niya? Ginlaglag naton ang aton kaugalingon sa paago sang aton pat-ud nga pagsikway sang lya pagpamapinalanggaon. “Magpamati kamo! Amo ini ang nahahamut-an nga tion, karon amo ang adlaw sang kaluwasan!” 2 Corinto 6:22. “Kon inyo mabatian ang tingug sang Dios karon nga adlaw, indi ninyo pagpatigaha ang inyo tagipusoon.” Hebreo 3:7,8.

“Ang tawo nagatulok sa gowa nga dagway pero Ako nagatulom sa tagipusoon.” I Samuel 16:7 — ang tagipusoon sang tawo kaupod sang iya nagasumpungangay nga mga balatyagon sang kalipay kag kasubo; ang masibod, mapamatukon nga kasingkasing, nga amo ang dalayunan sang madamu nga mga pagkahigko kag pagkabudhi. Nakasayod Sia sang ila mga tinutuyo sini, ang iya pagpanganyat, ang iya panapustapusan nga katuyuan kag mga panapat. Magpalapit ikaw sa lya kaupod sang imo kasing kasing nga sa subong sini puno



sang dagta. Katuiad sang manugdihon sang mga ambahanon, buksan mo ang iya mga hulot sa mata nga makakita sang tanan, kag magtu-aw, “Usisa-a ako O Dios, kag hibaloa ang akon paino-ino, tilawi ako, kag tungkara ang akon mga panghunhuna. Tan-awa kon may paglimbong ako, kag tuytoy i ako sa dalan nga walay katubtuban..” Salmo 139:23,24.

Madamo nagadawat sang makitarungon nga pagtuo, isa ka dagway nga maki-Dios samtang ang tagipusoon indi matinlu-an. Himu-a ini nga imo pangamuyo, “Tugaha sa akon, O Dios, ang isa ka matinlo nga kasingkasing, kag hatagi ako sang isa ka bag-o kag maininunogan nga espiritu.” Salmo 51:10.

Madamu nagabaton sang pagtuluohan sang mga manginalamon, isa ka pakita sang maka Dios, samtang ang kasingkasing mahigko gi-hapon. Amo ini ang imo kinahanglan ipangamuyo, “Tugaha sa akon, O Dios, ang isa ka matinlo nga kasingkasing, kag hatagi ako sang isa ka bag-o kag maininunogan nga espiritu.” Salmo 51:10. Magkabal-aka sing tampad sa imo kalag. Magpakaligdong ka, maghimud-os ka, kaangay sang imo himuon kon ang imo himatayon nga kabuhi amo sa katalagman. Ini isa ka butang nga kinahanglan husayon sa tampad sang Dios kag imo kalag, rhagkasugtanay tubtub sa katubtuban. Ang ginahuptan nga paglaum, kag wala ng iban, manginkalaglagan mo.

[30]

Magtuon ka sang Pulong sang Dios nga may pagampo. Inang Pulong nagapahayag sa imo, sa kasugoan sang Dios kag sa kabuhi ni Cristo, sang dungganon nga pagsulondan sang pagkabalaan, nga kon wala ini “kay wala makakita sa Ginoo kon indi paagi sini.” Hebreo 12:14. Sia, nagapamatuod nga kita may sala, Sia nagatudlo sang maathag sang dalan sa aton kaluwasan. Pamatii Sia, kaangay sang tingug sang Dios nga nagahambal sa imo kalag.

Sa tion nga matalupangdan mo ang makakulogmat nga dagway sang sala sa tion nga matanaw mo ang imo kaugalingon sa iya kamatuoran indi ka magdula sing paglaum. Ang makasasala amo ang tuyo ni Cristo luwason. Indi dapat himuon nga ang Dios maguliay sa aton, apang — O makatilingala nga paghigugma! — Ang Dios sa kay Cristo nga “nagahimo sang tanan nga tawo nga Iya mga abyan paagi kay Cristo.” 2 Corinto 5:19. Nagahinyo Sia paagi sa malum-ok nga paghigugma ang tagipusoon sang Iya mga anak nga nakasala. Wala sang dutan-on nga ginikanan makapaolub sang mga kasaypanan kag kasal-anan sang iya kabataan kaangay sa isa nga

[31] magpaghilway sa labi kapinalanggaon nga pakiluoy sa mga walay pat-ud, labi sa Iya. Ang bug-os nga mga panakda Iya mga paandam amo ang mga hutik sang Iya di-mabungat nga paghigugma.

Kon si Satanas magpalapit kag magiling sa imo ng ikaw daku nga makasasala, maagtulok ka sa imo Manunubus kag magpu-long ka sang Iya pagkadalayawon, Ang makabulig sa imo amo ang paglantaw mo sa Iya kapawa. Kilalahon ang imo sala, apang singganan mo ang kaaway nga “Si Cristo Jesus nagkari sa kalibutan sa pagluwas sang mga makakasala,” 1 Timoteo 1:15, kag ikaw ayhan maluwas sa Iya walay tupong nga paghiguma. Si Jesus nagpamangkut sa kay Simon sang isa kapamangkutanon bangud sa duha ka mangungutang. Ang isa nakautang sa iya sang diutay nga kabilogan kag ang isa naka-utang sa Iya sang labi ka daku nga kabilogan; apang ginpatawad sila nga duha, kag si Cristo nagpamangkut sa ka Simon, si sin-o sa mangungutang ang maghigugma sang labi sa’ ila agalon. Si Simon nagsasbat, “Sa banta ko ang nakautang sing daku, kag wala na pagpabayara.” Lucas 7:43... Kita makasasala nga daku apang si Cristo nagpakamatay para kita mapatawad. Ang takus sang iya halad tuman nga maidulot sa Amay sa aton pagsakdag. Ang mga ginpatawad sang daku maghigugma sa Iya sang labi kag magtindug sang labi ka malapit sa Iya trono sa pagdayaw sa Iya sang Iya daku nga paghigugma kag walay dulonan nga pag-antus. Ina kon mahangpan naton sing lubos ang paghiguma sang Dios nga makatalupangud kita sang pagkamakasasala sang sala. Kon makita naton ang kabala sang talikala nga gintunton para sa aton sang mahangpan naton ang isa ka butang nahanungud sang walay dulonan nga pagantus nga ginhimo ni Cristo sa aton kaayohan, ang tagipusoon matunaw sa

[32] may pagkahumok kag paghinulsol.

## Pagtuad

“Indi ka gid magmadinalag-on kon ginatago mo ang imo mga sala, pero kon itu-ad mo ang imo mga sala kag maghinulsol, ang Dios magakaluoy sa imo.” Hulubaton 28:13.

Ang mga Tulomanon sa pag-agum sang kaluoy sang Dios maayo kag matarung kag kasarangan. Wala kita ginpangitaan sang Dios sang malupigon nga bagay para nga kita makaagum sang pag-patawad sang kasal-anan. Indi kita kinahanglan maghimo sang malaba kag makakalapoy nga pagduaw sa balaan nga duog, ukon mahimo sang masakit nga mga paghinulsol, para itugyan ang aton mga kalag sa Dios sang langit ukon sia nga nagatuad kag nagsikway sang iya sala makaagum sang kaawa.

Ang apostol nagasiling, “Gani magtu-aray kamo sang inyo mga sala, kag magpangamuyo-ay kamo. agud maayo kamo.” Santiago 5:16. Itu-ad ninyo ang inyo mga sala sa Dios. Sia lamang ang makapatawad sina, kag ang inyo kasaypanan sa isa kag isa. Kon nakahimo ikaw sang kalaakigan sa imo abyan ukon kasilingan, kilalahon mo ang imo kasaypanan, kag ang iya katungdanan amo ang pagpatawad sa imo sing walay hawid-hawid. Madason magpangayo ka’sang kapatawaran sa Dios, kay ang utod nga ginpilasan mo amo ang pagkabutang sang Dios kag sa pagsakit sa iya nakasala ka batuk sa iya Manunuga kag Manluluwas. Arig hitabu gindalala sa atubangan sang amo lamang nga matood-tood nga Manughusay, ang aton mahimayaon nga Pinakamataas ng Pari, “Sia ginsulay sa tanan nga bagay pareho sa aton pero wala Sia magpakasala,” kag “naga batyag sang aton kaluyahon,” Hebreo 4:15. kag makasarang magtinlo sa aton. Kay sa tagsa ka dagta sang kalautan.

[33]

Sila nga indi nagpa-ubos sang ila kinabuhi sa atubangan sang Dios sa pag-angkon sang ila kalapasan, indi pa katuman sang nahauha nga tulumanon sang kasugtanan. Kon indi nakaagi sinang paghinulsol, kag wala sang matood-tood nga pagpaubos sang kagalingon kag pagkasubo sa iya kasingkasing nagtu-ad sang aton kasalanan, nangil-ad sang, aton kalautan, indi pa kita sa pagka-

matuod naglaghap, sang kapatawaran sang sala; kag kon indi gid kita nagsayasat sang kapatawaran sang sala, indi pa nakita naton ang paghidaet sang Dios. Ang kabangdanan lamang nga wala kita kapatawaran sang aton mga sala nga nagligad amo nga indi kita magpaubos sang aton kasingkasing kag magsunod sang mga kasugtanan sang balaan nga pulong. Ang maathag nga pagtudlo nagpahayag nahanungud sa sini nga bagay. Pagtuad sang sala kon bala pumulo-loyo ukon kinaugalingon, kinahanglan hugot sa tagipusoon, kag ipakita sing walay hawidhawid. Indi paghimuon sa pamaba kag walay amlig nga paagi, ukon pinilit sa iban nga indi nakatulupangud sang talamayon nga dagway sang sala. Ang pagtuad nga ginbubo gikan sa panakasulod sang tagipusoon magapadulong sa Dios nga walay dulonan nga kalooy. Ang tagsulat sang Salmo nagasiling, “Ang Ginoo malapit sa isa nga napaslawan; ginaluwas Niya ang mga nadulaan sing paglaum.” Salmo 34:18

Ang matuod nga pagtuad sa gihapon may patud nga kinaugaii kag nagakilala sang pililion nga mga sala. Ina nga mga sala ayhan may dagway nga kinahanglan dal-on sa atubangan sang Dios lamang. Basi pa lang ina mga kasaypanan nga kinahanglan ituad sa mga isigkatawo nga nag-antus sang kasakitan nahanungod sa ila; ukon ina ayhan bala isa nga may kaangtanan sa kabilogan nga katawohan. kag kinahanglan ituad sa tanan nga nadalahig. Apang ang tanan nga pagtuad kinahanglan maathag kag sa iya katuyu-an, nga nagakilala

[34] sang hublas nga mag sayup nga ikaw nakasayup.

Sa panahon ni Samuel, ang mga Israelinhon nagbiya sa Dios. Sila nagantus sang bunga sang paglapas; bangud nadula nila ang ila pagtoo sa Dios, gindula nila ang ila pagkamahinalangpon sa lya gahum kag kinaalam sa pagdumala sang pungsod, gindula ang ila pagsalig sa lya igkasarang pagtabang kag maghilway sang lya ginpahamtang. Nagtalikud sila gikan sa dalayawon nga Hari sang kalibutan, kag maghandum nga pagadumalahon katulad sang mga pungsod palibut sa ila. Sa wala pa sila nakakita sang paghidaet, nagbungat sila sining himpit nga pagtuad: “Luas sang madamu namon nga sala, nakasala pa gid kami sang pagpangayo sing hari.” I Samuel 12:19. Ang kasubong nga sala nga nagpakalain sa ila kinahanglan ituad. Ang ila pagkawalay kabaslan naglupig sang ila kalag kag ginbulag sila sa Dios.

Ang Pagtuad indi na mabaton sang Dios nga wala sing matinutud-on nga paghinulsol kag pagpatadlong. Kinahanglan may malig-on nga pagbaylo sa kabuhi; ang tagsa ka bagay nga makangingil-ad sa Dios kinahanglan isikway. Amo ini ang mahitabu sang himpit nga pagbakho sang pagkasala. Ang tulumanon nga kinahanglan himuon naton sa aton bahin ginpahamtang sa aton atubangan” “Magpaninlo kamo sang inyo kaugalingon. Untati na ninyo ini tanan nga kalautan nga inyo ginahimo ssa akon atubangan. Untati na ninyo ang paghimo sang malaut, kag himuon ninyo ang matarung, pangita-a ninyo ang katarungan — buligi ninyo ang ginapigos, ihatag sa mga ilo ang ila mga kinamatarung, kag apini ninyo ang mga balo.” Isaias 1: 16-17. “Halimbawa iuli niya ang ginprerida sa iya, indi niya ang iya kinawatan — kon mag-untat sia sa pagpakasala kag matuman sang mga kasuguan nga nagahatag sang kabuhi, indi sia mapatay, kundi magakabuhi.” Ezequiel 33:15. Si Pablo nagatudlo sa iya pamulongpulong sang kalibutan sang paghinulsol: “Tanawa ninyo kon ano ang ginhimo sang Dios sining inyo kasubo: ini naghimo sa inyo nga mahugod kag magpahimulat sa inyo sa pagmatuod nga wala kamo sing sayop! Daw ano ang inyo kaakig, katublagan, balatyagon, kakugi, kag paghanda sa pagsilot sang sayop sa sining butang.” 2 Corinto 7:11.

[35]

Kon ang sala nagsumpo sang pagkilala sang kinabubut-on nga balaan, ang malaut nga nagahimo indi makahimutad sang kakulangan sang iya pamatasan, ukon indi niya nahangpan ang kadakuon kaayo sang kalautan nga nahimo niya: kay kon indi sia magpasupil sa nagapamatbat nga Balaan nga Espiritu nga sia nakasala, sia mapabilin nga mahinuyugon sa kadudulman sang iya kasal-anan. Ang iya mga pagtu-ad indi matinutud-on kag hugot. Sa tagsa kapagkilala niya sang iya kasal-anan ginadungangan niya sang pangpasaylo para ibalibad sang iya kagawian, nagaasoy nga kon inindi bangud sang patud nga mga hitabu, indi niya nahimo ini ukon ina, nga amo ang kabangdanan sang pagbadlong sa iya.

Sa tapus nagkaon-sang ginadilian nga bunga sang kahoy, si Adan kag si Eva napun-an sang igbalatyag sang kahuya kag kahadluk. Sa nahauna ang ila lamang naisip amo ang pagpamalibad sang ila sala, kag pagluwas sang ila kaugalingon sa kahaladlukan nga pamatbat sang . kamatayon. Sang ang Ginoo nagpakiana nahanungud sang ila sala, si Adan nagsabat, nga nagatungtung sang kasalanan sa isa

[36] ka bahin saiya kaupod, “Ang babae nga ginhimo mo para sa akon amo ang naghatag sa akon sang bunga sang kahoy kag nagkaon ako.” Ang babayi ginbutang niya ang basul sa man-ug nagasiling, “Ang man-ug nagganyat sa akon sa pagkaon sadto.” Genesis 3:12,13. Ngaa ginhimo mi ang man-ug? Ngaa ginapahanugutan mo maghari sa Eden? Amo ini ang mga pangutana nga ginpasatum sa iya pagpamalibad sang iya paglapas. sa amo nga paagi, ginsumbong ang Dios sang katungdanan sang ila pagkahulog sa sala. Ang diwa sa pagkamatarung sang kaugalingon naggikan sa amay sang kabutigan kag ginapasundayag sang tanan nga anak ni Adan nga lalake kag babayi. Ang pagtu-ad sa sining sahi indi binugnaan sang balaan nga Espiritu kag indi mabaton sang Dios. Ang matood-tood nga paghinulsol nagatuytuy sa tawo sa pagpas-an sang kaugalingon niya nga sala, kag magkilala nga’ wala sing daya ukon pagpakunokuno. kaanggid sang makaluluoy nga tagasulat sang buhis nga indi gani magtangla sa langit nagsiling, “O Dios, kaluoya ako nga makasasala;” kag sila nga nakakilala sang ila kasalanan pagkamatarungan; kay si Jesus nagabayad sang iya dugo sa pagsakdag sang nagahinulsol nga makasasala.

Ang halimbawa sa Balaan nga Kasulatan sang Dios sang matuod-tood nga paghinulsol kag pagpaubos nagapahayag sang espiritu sang pagtu-ad sa diin nga wala sang pagpatawad sang sala, ukon pagtinguha sa pagkamatarung sang kaugalingon. Si Pablo indi nagtinguha nga magtaming sang iya kaugalingon; ginalarawan niya ang iya kasalanan sa pinakamaitum nga duag, nga indi sia nagtinguha nga pagahaganhaganon ang iya kasalanan. Sia nagtu-ad, “Amo ini ang akon ginhimo sa Jerusalem. Ginhatagan ako sang awtoridad sang pangulo nga pari, kag akon ginapabilanggo ang madamo nga mga tawo sang Dios. Kag sang pamatbatan sila sang kamatayon, akon gin-ugyonan ini nga pamatbat. Ginpasilutan ko sila sa madamo nga mga beses sa tanan nga mga sinagoga kag ginhimud-osan ko nga ang akon kaakif sa ila sa bagay nga nagpakalambot ako sa mga siyudad sa gowa sa paghingabot sa ila.” Binuhatan 36:10,11. Indi sia nagapangalag-ag nga magpahayag nga “Si Cristo Jesus nagkari sa kalibutan sa pagluwas sang mga makasasala, kag ako gid ang labing malaut sa ila tanan.” I Timoteo 1:15.

Ang mapainubuson kag boung nga tagipusoon, gindaug paagi sang matuodtoud nga paghinulsol, magpasalamat sa isa ka butang

---

sing paghigugma sang Dios, kag ang bili sang Calvario; kag sang isa ka anak nagatu-ad sa mahigugmaon nga amay, amo man ang tunay nga mahinulsolon dalhon niya ang iya mga sala sa atubangan sang Dios, tumanon Niya ang Iya ginsaad kag himuon Niya ang nagakaigo; patawaron Niya ang aton nga sala, kag tinlu-an Niya kita sang tanan naton nga Mautan.

[37]

[38]

## Pagkabalaan

Ang panug-an sang Dios amo ini, “Magpangita kamo sa Akon, kag inyo Ako makita, kay magapangita kamo sa akon sa bug-os ninyo nga tagipusoon.” Jeremias 29:13.

Ang bilog nga tagipusoon kinahanglan ipaghiuyon sa Dios, ukon ang pagbaylo indi gid mahimo sa aton para nga makabalik kita sa Iya nga dagway. Sa aton kinaiya napahilayo kita sa Dios. Ang balaan nga Espiritu nagalarawan sang aton kahimtangan sa katulad sini nga mga pulong, “Patay kamo sa espirituhanon nga kabuhi tungod sang inyo mga paglapas kag mga sala —, “ang imo ulo nalikupan sing mga pilas, kag ang imo tagipusoon kag hunahuna masakiton. Halin sa imo alimpuduwan, tubtub sa dapadapa wala gid sing bahin nga maayo.” “Ti kundi makatalupangud sila kag makapalagyo sa siod sang Yawa nga nagadakop sa ila kag nagpatuman sa ila sang iya kabubut-on.” Efeso 2:1; Isaias 1:5,6; 2 Timoteo 2:26. Ang Dios nagahagad nga kita magbalik sa Iya, para“luwason kita. Apang sanglit sang ini nagakinahanglan sang bug-os nga pagbaylo, ang pagbag-o sang bilog nga kinaugali, dapat magpasopil kita sang bug-os sa Ginoo.

Ang away batuk sa aton kaugalingon amo ang labi nga daku sa tanan nga pakig-away tubtub kon san-o man. Ang pagdaug sang kaugalingon, ang pagampo sang tanan sa pagbu-ot sang Dios, nagakinahanglan sang paninguha; sa gihapon ang tawo dapat magtugyan sang iya kaugalingon sa Dios buot sia magbag-o sa balaan nga kinabuhi.

[39]

Ang pagdumalahan sang Dios indi kaangay sang pagpakita sang Yawa, nga nagasandig sa lipud nga pagyaub, isa ka dimakatarungan nga pagdumalahan. Ini napaganyat sa kaalam kag balatygon, “Karon athagan ta ini nga butang,” Isaias 1:18 amo ang pangagda sang Manunuga sa mga tinuga Niya. Ang Dios indi nagapilit sang kabubut-on sang Iya mga nilalang. Indi Sia makabaton sang pagsimba nga indi maluyagon kag mabut-anon nga gindulot. Ang isa ka pinilit nga panugyan makabalabag sang tanan nga pag-uswag sing kaisipan



ukon pangawi; ina magbuhat sa tawo nga kasangkapan lamang. Tagsubong sina indi ina ang katuyoan sang Manunuga. Ang luyag Niya nga ang tawo, ang purong sang Iya kinabudlayan makaabut sang labing mataas nga kauswagan. Ginapahamtang Niya sa aton atubangan ang kataasan sang pagkamaayo nga luyag Niya maagum naton sa paagi sang Iya bugay. Ginaagda Niya kita nga itugyan naton ang aton kaugalingon sa Iya, agud mahimo Niya ang Iya tinutyo sa aton. Ina nga bagay yara sa aton sa pagpiii kon bala magpakighilway kita sa talikala sang sala, para magpakigbahin sa mahimayaon nga kaluwasan sang mga anak sang Dios.

Sa pagtugyan sang aton kaugalingon sa Dios, dapat pat-ud nga idulot naton ang tanan nga makabulag sa aton gikan sa Iya. Tungod sina ang Manluluwas nagpulong: “Wala sing isa sa inyo nga mangingintutunan ko kon indi sia magbiya sang tanan niya nga pagkabutang,” Lucas 14:33. Bisan ano ang maghaylo sing kasingkasing gikan sa Dios dapat isikway. Ang manggad nga dutang-on amo ang ginasimba sang kadamuan. Ang paghigugma sang pilak, ang paghandum sang manggad, amo ang bulawan nga talikala nga nagagaid sa ila sa kay Satanas. Ang Pangabuhi nga maiyaiyahon nga kahapusan kag kahilwayan nga wala katungdanan amo ang ginasimba sang iban. Apang ining masulondon nga kaangtanan dapat mabugto. Indi mahimo nga kita manginkatunga sa Ginoo kag katunga sa kalibutan nga pangabuhi. Indi kita mga anak sang Dios kon indi kita bug-os nga sakup Niya.

[40]

May dira nga nagapamatuod nga nagaalagad sa Dios samtang sila nagasiling sa ila kaugalingon nga pagpaninguha sa pagtuman sang Kasugoan Niya, sa pagdagway sang tama nga kinabubut-on nga balaan, tungod sina makaagum sang kaluwasan. Ang ila tagipusoon indi natandug sang isa ka madalum nga igbalatyag sang paghigugma ni Cristo, apang nagahimulat sila sa paghimo sang katungdanan sang kabuhi nga pagkaCristiano kaangay sang ginakinahanglan sang Dios sa ila para makaangkon sang langit. Tagsubong sina nga pagtuo amo ang walay pulos. Kon si Cristo nagapuyo sa sa kasingkasing sang tawo labi nga mapun-an sing paghiguma Niya, kabuylog sang himaya kag paghidaet sa lya, nga ina nagtutum sa lya, kag sa pagpamalandong sa lya, ang kaugalingon makalimtan. Ang paghigugma sa kay Cristo amo ang tuboran sang mga bulohafon. Aton sila nga nagabatyang sang nagapanghawid nga paghigugma sang Dios,

indi nagapakiana kon daw ano ka diutay ayhan ang madulot buot ka makatuman sang kinahanglan sang Dios, ini sila nagapangabay sang pinakamanubo nga talaksan, kondi nagtinguha sang himpit nga kasugtanay sunod sa kabubut-on sang ila Manluluwas. Lipod sang hugot nga paghandum ginatugyan nila ang tanan, kag napakita sang pagkabalaka kabagay sa bili sang bagay nga ginalaghap. Ang pamatuod sa kay Cristo nga wala sini nga madalum nga paghiguma, mala lamang nga pulong, hublas nga katul-iran, kag mabug-at nga pagpangabudlay.

[41] Ginabatyag mo bala nga sila may daku kaayo nga pagantus sa pagtugyan sang tanan sa kay Cristo? Pamangkuta ang kaugalingon mo sini nga pamangkut, “Ano ang gindulot ni Cristo sa akon?” Ang Anak sang Dios ginhalad sa akon ang tanan — kabuhi kag paghigugma kag pagantus — para sa aton kaluwasan. Kag mahimo bala nga kita, ang walay pulos nga mga butang, sang daku kaayo nga paghigugma maghawid, sang aton pagmahal sa lya? Ang tagsa ka tion sang aton kinabuhi bahin kita sang lya bugay, kag sini nga pat-ud nga katuyuan indi kita makatalupangud sang kadalum sang kadudulman sa diin kita naluwas. Mahimo bala kita maglaaw sa lya, si sin-o nga ginpadutlan sang aton kasalanan, kag luwas pa sina, maluyagon maghimo sang kadautan sa tanan nga paghigugma kag pag-antus sang aton Cino? Sa aton paghimutad sang walay latid nga kahuy-anan sang Cino sang kahimayaan, magkumod bala kita tungod kay wala maluwas man kita sa pagpaninguha kag pag-painubuson sang aton kaugalingon? Ang pangutana sang madamo nga bugalon nga kasingkasing amo ini, “Ngaa ako magpadayon sa paghinulsol kag pagpaubos sa panguna nga wala pa ako pasalig nga batunon ako sang Dios? “Ginatudlo nakon ikaw sa kay Cristo. Sia wala sing kasal-anan, kag labi pa sini, Sia ang Hari sang Langit, apang sa pagsakdag sang tawo. nanginsala Sia sa bilog nga kalibutan. Sia naisip kaupod sang mga makasasala; kag ginpas-an Niya ang kasal-anan sang kadamuan. nagpatunga sa pagsakdag sang mga makasasala; kag napakigbahin sa inagyan sang mga kriminal. Nagtal-os Sia sa mga makasasala. kag nag-antus sang silot nga bagay sa ila.” Isaias 53:12.

Apang ano ang nahatag naton kon ginhatag naton ang tanan. Ang tagipusoon nga nadagtaan sang kasal-anan, para tinluan ni Jesus, para hugasan sang lya kaugalingon nga dugo, kag luwason

sang lya walay tupong nga paghigugma. Kag sa gihapon ang katawohan ginaisip nila nga mabudlay magdulot sang tanan! Nahuya ako magpamati nga ginamitlang mi. nahuya magsulat sina

Ang Dios indi nagpangayo sa aton nga buy-an naton ang isa ka bagay nga para sa aton kinaayo kon aton mahawiran. Sa tanan nga nahimo Niya ginadumdum Niya ang kaayohan sang lya mga anak Kabay pa nga ang tanan nga indi nagpili sa kay Cristo makatalupangud nga may yara Sia nga isa ka bagay nga labi gid kaayo nga idulot sa ila sang akon sila maglaghap para sa ila kaugalingon. Ang tawo nagahikut sang pinakadaku nga kasakitan kag kalapasan sa iya kaugalingon nga kalag kon sia nagaisip kag nagahulag batuk sa kasugoan sang Dios. Wala sing matood nga himaya nga makita sa banas nga ginadilian Niya, sin-o Sia nga nakahisayud kon ano ang pinakamaayo, kag sin-o ang nagabuko para sa kaayuhan sang lya nga tinuga. Ang banas sang kalapasan amo ang banas sang kasakit kag kalaglagaan.

[42]

Isa ka sala ang paglinaw sang paino-ino nga ang Dios malipay makita ang lya mga anak nga magpangalisud. Ang tanan sa langit nagakabalaka tuhoy sa khamungayaan sang tawo. Ang langitnon nga Amay indi nagatakup sang mga alagyan sang kalipay sa taga sang lya mga tinuga. Ang Diosnon nga mga kinahanglanon nagapadumdum sa aton para paglikaw sina nga mga pagpalabi sa mga bagay nga makadala sang kasikitan kag kapaslawan nga makatakop sa aton sang ganhaan sang kalipayan kag langit. Ang Manunubus sang kalibutan nagabaton sang mga tawo bisan ano lang ang kahimangan nila, ang ila mga kinahanglanon mga kakulangan. kag mga kaluyahon kag Sia indi lamang naghugas sang ila sala kag naghatg sang kaluwasan paagi sa lya dugo. dugang pa sina, magpalusog sang handum sang tagipusoon sang tanan nga magsugot sa pagpasakop sa singhaw sa pagpalapnag sang panghidaet kag kapahuwayan sa tanan nga magkari sa lya kag magkaon sang tinapay sang kabuhi. Nagakinahanglan Sia sa aton nga maghiwat lamang sang katungdanan nga makatuytuy sang aton mga tikang sa kataasan sang himaya sa diin ang dimasinulundon indi makaabut. Ang matuod nga malipayon nga kinabuhi amo ang pagdagway kay Cristo sa kaugalingon ang aton paglaum sa kahimayaan.

Madamu ang nagapakiana, “Ano ang himuon ko sa pag-ampo sang akon kaugalingon sa Dios? Magatinguha ka nga itugyan mo

[43]

ang imo kabuhi sa Ginoo, apang maluya ikaw sa panggawi nga balaan, nga yara sa kahiulipan sang pangduhaduha, napunggan sang gawi sang kabuhi nga makasasala. Ang imo mga panug-an kag hagna katulad sang lubid nga balas, Indi ka makagahum sang imo nga panghunahuna, ang imo mga pagkadalas, ang imo mga kahuyugan. Ang ihibalo mo sang imo mga di-matuman nga mga panug-an kag ginbutong nga mga pangako nagapaluya sang imo mga pagkaminatud-on, kag manginkabangdanan sa imo sa pagbatyag nga ang Dios indi makabaton sa imo; apang indi ka kinahanglan magdula sing paglaum. Ang kinahanglan mi mahangpan amo ang minatuod ng kusog sang pagpaninguha. Amo ini ang gahum nga nagadumala sa kinaugali sang tawo, ang gahum sang pagbu-ot ukon pagpili. Ang tagsatagsa ka bagay nagasalig sa nakaigo nga nga pamatbat sang kabubuton. Ang gahum sang pagpili ginhataga sang Dios sa tawo, ila ini sa paggamit. Indi ka makabaylo sang imo kasingkasing, indi ka sa imo kaugalingon makahatag sang iya pagkamapinalangga-on; apang makapagsulabi ka sa pagalagad sa Iya. Makadulot ka sang imo kabubut-on. Sia sa sina nga tion maghikut sa inyon kinaugali sa pagbuot kag paghimo suno sa Iya maayo nga kabubut-on. Sa amo sina ang bilog mo nga kinaugali mapadala sa idalum sang pagdumala sang Espiritu ni Cristo; ang imo kahanuot mapatuhoy sa Iya, ang imo panghunahuna maghilisantu sang Iya.

Ang mga handum sa kaayohan kag pagkabalaan mangintama sa ila hamtang: apang kon ikaw magdulog diri, mawala ang iya kapuslanan. Madamu ang malaglag samtang nagalaum kag naghahangad nga mangin Cristiano. Indi sila makaabut sa katuyu-an nga magtugyan sang ila kabutbut-on sa Dios. Indi na sila karon makapili nga magCristiano.

- [44] Sa paagi sang tama nga paggamit sang kabubut-on, ang kabilangan nga pagbaylo mangin sa inyo nga kinabuhi. Sa pagtugyan sang imo kabubut-on sa kay Cristo, nagapakigbuylog ka sa gahum nga sa ibabaw sang tanan nga mga ginsakpan sang Iya kagamhanan. Makaangkon ka sang kusog halin sa langit nga makapaligon saimo, kag sa sina nga paagi sa malig-on nga pagtugyan sa Dios makasarang ka sa pagpangabuhi sang bag-o nga kinabuhi, bisan ang kabuhi nga
- [45] matinuohon.

## Pagtuo kag Pagdawat

Sanglit ang imo balatyagon nakulang paagi sa Balaan nga Espiritu, nakakita ikaw sang isa ka bagay sang kalaut sang sala, sang iya gahum, sang iya kabalusan, sang iya kalisdanan; kag gintan-aw mo nga may pagkangilad: Ginabatyag mo nga ang sala nagbulag sa imo gikan sa Dios, nga ikaw sa kahiulipan tuhoy sa gahum sang kalautan. Sa labi mo nga tinguha nga magpanginluwas ang labi pa nga makatalupangud mo ang imo dikasarangan. Ang katuyoan mo malubog; ang imo kaisipan mahigko. Nakita mo nga imo kabuhi puno sang pagkahikaw kag kalapasan. Nagahandum ka nga ikaw patawaron, matinluan, pagpahilwayon. Ang paghangpanay tuhoy sa Dios, ang pagkatulad sa Iya, ano ang himuon mo sa pagangkon sina?

Ang paghidaet ang kinahanglan mo, — ang kapatawaran sang Langit kag paghidaet kag paghigugma sa tagipusoon. Ang pilak indi makabakal sina, ang kinaalam indi makapatigayon sina, ang kinaadman indi makakuha sina;gid ikaw makalaum, sa imo kaugalingon nga panikasug, sa pag-agum sina. Apang ang Dios amo ang magtanyag sina, sa imo subong isa ka dulot, “Kari kamo nga wala sing kuarta magbakal sing kalan-on kag magkaon.” Isaias 55:1. Mangin-imo ini kon lab-uton mo sang imo kamut kag kaptan ina. Ang Ginoo nagasiling, “Karon athagon sang dagta ang sala, sang sala tama kapula, pero mangin maputi ka subong sang bulbul sang karnero.” Isaias 1:18. “Hatagan ko kamo sing bag-o nga tagipusoon — kag ibutang ko sa inyo ang bag-o nga hunahuna.” Ezequiel 36:26. [46]

Nagtu-ad ka sang mga sala, kag sa imo tagipusoon ginsikway mo na ina. Maghimud-os ka nga idulot mo ang imo kaugalingon sa Dios. Karon magkadto ka sa Iya, Kag magpangayo nga hugasan Niya ang imo mga sala kag hatagan ka sang bag-o nga tagipusoon. Dayon magtuo ka nga ginhimo Niya ini bangud nakatug-an Sia. Amo ini ang tulun-an nga ginatudlo ni Jesus samtang diri sia sa duta, nga ang dulot nga gintug-an ni Jesus, dapat magtuo kita nga nabaton naton, kag ina aton na. Si Jesus ginpaayo Niya ang mga tawo sa ila

mga masakit kon sila may pagtuo sa Iya gahum. Ginabuligan Niya sila sa mga bagay nga makita nila, sa sini natandog, sila sa pagsalig sa Iya nahanungud sang mga bagay nga indi nila mahangpan — nagatudlo sa ila nga magtuo sa Iya gahum pagpatawad sang mga sala. Ini ginapaathag Niya sang bunayag sa pagpaayosang isa ka tawo nga paralitico: “Karon pamatud-an ko sa inyo nga ang Anak sang Tawo may gahum sa duta sa pagpatawad sang mga sala,” (sa sina nga tion nagsiling Sia sa paralitico,) “Bangon ka, dalha ang imo higdaan kag magpauli ka!” Mateo 9:6. Sa sini nga mga halimbawa si Juan nagasiling sang mga katanghagaan ni Cristo, “Ginsulat ini agud magtuo kamo nga si Jesus amo ang Cristo ang Anak sang Dios, kag kon nagtuo kamo ayhan maykabuhi kamo sa Iya ngalan.

Gikan sa bunayag nga paathag sang Balaan nga Kasulatan nahanungud sa ginpaayo ni Jesus ang masakiton, makatuon kita sang isa kabagay nga kon ano ang pagtuo sa Iya nahanungud sa kapatawaran sang kasalanan. Malisu kita sa sugilanon nahanungud sang paralitico sa Bethesda. Ang makalulu-oy nga nagaantus dimakasarang; indi niya nagamit ang iya mga batiis kag butkon sa sulod sang tatlo ka pulo kag walo ka tuig; walay sapayan si Jesus nagsugo sa iya, “Bangon ka, dalha ang imo higdaan kag magpauli ka.” Ang masakiton nga tawo mahimo magsabt, “Ginoo, kon paayuhon mo ako, matuman ako sang pulong mo;” Apang indi gintuo niya ang pulong ni Cristo, nagtuo nga ginaayo siya, kag ginpilit niya paglakat kag naglakat sia. Nagtuman sia sa pulong ni Cristo kag ang Dios naghatag sa iya sang ikasarang. Ginpaayo sia.

Sa kaanggid nga halimbawa ikaw isa ka makasasala. Indi ka makabayad-sang imo nagligad nga mga sala, indi ka makabaylo sang imo tagipusoon, kag magpakabalaan. Apang ang Dios nagapanug-an sa pagbuhat sini tanan nahanugud sa imo paagi sa kay Cristo. Nagtuo ka sa sina nga panug-an. Magtu-ad ka, sang imo mga sala, kag itugyan mo ang imo kaugalingon sa Dios. Maghariggab ka sa pagalagad sa Iya. Sa pat-ud nga kaanggid sini nga pagsunod ang Dios nagtuman man sang Iya pulong sa imo. Kon magtuo ka sang panug-an magtuo ka nga ikaw na patawad kag natinluan — ang Dios nagasangkap sang pamatuod; ginbug-os ikaw, kaangay sang paghatag ni Cristo sang ikasarang sa paglakat sang ang tawo nagatuo nga sia nag-ayo. Amo ini ang kinamatuod kon ikaw magtuo sa Iya pulong.

Indi ka maghulat tubtub nga makabatyag ka nga ikaw ginpaayo, apang magsiling ka, “Nagtoo ako; matuod ina, indi tungud kay ginabatyag ko ini, kondi tungud kay ang Dios nagtug-an.”

Si Jesus nagsiling, “Gani nagsiling ako sa inyo, ang tanan nga inyo ginapangayo sa pangamuyo, magtuo kamo nga inyo na ina nabaton, kag ini tanan ihatag gid sa inyo.” Marcos 11:24. May tulomanon ini nga panug-an — nga kita mag-ampo suno sa kabubuton sang Dios. Apang kabubut-on sang Dios nga pagtinlu-an kita gikan sa sala nga nahimo kita nga Iya mga Anak, kag pahanugatan kita sa pagpangabuhi sang balaan nga kabuhi. Gani kon mahimo magpangamuyo kita sang pagkamaayo, kag magtuo nga nabaton na naton. Katungdanan naton sa kay Jesus magkadto kag matinluan, kag magtindug sa atubangan sang kasuguan nga wala kahayaan kag paghinulsol, “Karon indi na pagsilutan ang mga nahiusa sa kay Cristo Jesus.” Rom 8:1. [48]

Kutub karon indi na ikaw imo kaugalingon; ginbakal ka nga may kabilihan. “Kay nakahibalo kamo kon ano ang ginbayad agud mahilway kamo. Indi ini subong sang pilak ukon bulawan — Ginhilway kamo paagi sa hamili nga dugo ni Cristo, nga nanginsubong sang isa ka cordero nga wala sing kasawayan ukon dagta.” I Pedro 1:18,19. Paagi sa sining mapinatihon nga binuhatan sa pagtuo sa Dios, ang Espiritu nga Balaan nagmanginamay sang bag-o nga kabuhi sa inyo tagipusoon. Ikaw kaangay sang isa ka bata nga natawo sa panimalay sang Dios, kag ginahigugma Niya ikaw katulad sang Iya paghigugma sang Iya nga Anak.

Karon nga gindulot mo ang imo kaugalingon sa kay Jesus, indi ka mag-isol, indi mo pagbutangan ang imo kaugalingon gikan sa Iya, kondi, adlaw adlaw magsiling ka “sa kay Cristo ako, ginhatag ko ang akon kaugalingon sa Iya. “kag pangayu-on mo sa Iya nga ihatag Niya ang Iya Espiritu sa imo, kag bantayan ka Niya sang Iya bugay. Sa subong sini nga paagi sa paghatag mo sang imo kaugalingon sa Dios kag pagtuo sa Iya, nga ikaw manginanak Niya. gani ikaw mangabuhi sa Iya. Ang apostol nagahambal, “Tungod kay ginbaton ninyo si Cristo Jesus subong Ginoo, magkabuhi kamo nga naghiusa sa Iya.” Colosas 2:6.

Ang iban daw nagabatyag nga dapat sila makaagi sa pagtilaw, kag magpamatuod sa Dios nga sila nagtadlong, buot sila

makaangkon sang. Iya pagbugay. Apang sila makaangkon sang Iya pagbugay bisan subong.

[49] Dapat sila makaangkon sang Iya pagbugay ang Espiritu ni Cristo, para makabulig sa ila mga kaluyahon, ukon sila indi makasumpong sa kalautan. Si Cristo maluyag nga kita magpalapit sa Iya kaangay subong sining aton kahimtangan nga makasasala, dikasarang, nagasalig. Mahimo nga magkari kita kaupod sang aton kabuangan, aton kalapasan, kag magluhod sa Iya atubangan, maghinulsol. Ang Iya himaya amo ang pagpalibut sa aton sang mga butkon sang Iya paghigugma. kag bugkuson ang aton mga samad, natinluan kita sa aton pagkahigko.

Yari diri sa diin ang libulibo nakulangan. Indi sila nagapati nga si Jesus magpatawad sa ila tagsa nga pagkatawo. Indi nila ginatuo ang Dios sa Iya mga pulong. Katungdanan sang tanan nga nagatuman sang mga kasugtanan sa pagpahibalo para sa ila kaugalingon nga ang kapatawaran hilway nga ginaunat sa tagsa nila nga sala. Isikway ninyo ang pangduhaduha nga ang mga saad sang Dios indi tuyo sa inyo. Para ina sa tanan nga mahinulsulon nga nakalapas. Ang ikasarang kag pagbugay gintigana paagi kay Cristo nga idulong sang mga mananabang nga manugtunda sa tanan nga nagatuo nga kalag. Wala sang isa nga lubos ka makasasala nga indi makaagum sang kapag-on, kaputli, kag katadlungan sa kay Jesus nga nagpakamatay, bangud sa ila. Nagakuha Sia nga ubahan sila sang ila mga panapton nga nadagtaan kag nahigkuan sang sala, kag islan sang puti nga mga kunop sang katarungan; ginbilinan Niya sila nga magkabuhi kag indi magpakamatay.

Ang Dios indi nakahidustanay sa aton kaangay sang isa ka umalgi nga tawo sa iya kaanggid. Ang iya panghunahuna amo ang hunahuna sang may pagkaawa, paghigugma, kag labing pagkalulo. Nagmitlang sia, “Ang mga malaut magbiya sang ila malaut nga pagginawi kag magbaylo sang ila panghunahuna. Pabalika sila sa Ginoo nga aton Dios. Maluluy-on Sia kag mapinatawaron.” Isaias 55:7. Ginpanas Ko ang imo mga sala kaangay sang gal um. Balik ka sa akon; kay Ako amo ang tagaluwas.mo.” Isaias 44:22

[50] “Wala ako sing luyag nga magisa nga mapatay. Mag-untat kamo pagpakasala kag magkabuhi.” Ezekiel 18:32. Si Satanas handa sa pagkawat sang balaan nga mga pasalig sa Dios. Nagatinguha sia ang .makuha niya ang tagsa ka igpat sang paglaum kag tagsa ka silak sa



tawo; apang indi mo itugot nga himuon ini. Indi ka magpamati sa manunulay; kondi magpulong, Si Jesus nagpakamatay busa ako basi pa lang mabuhi. Ginahigugma Niya ako, kag indi Sia luyag nga ako malaglag. May m3luluy-on ako nga Amay nga langitnon; nga bisan ginmulay ang-lya paghigugma, bisan ang mga pagkamaayo nga ginahtagan Niya sa akon ginpatuyang ko, mapauli ako kag magsiling sa akon Amay, “Tay, nakasala ako batok sa Dios kag batok sa imo. Indi na ako takus nga pagatawgon pa nga imo anak. Kabiga ako nga isa sang imo mga mamumugon.” Inang palanganginawayan nagasugid ako sa imo kon ano ang isa nga walay pat-ud nga mabaton, Malayo pa sia sa ila balay sang makita sia sang iya nga amay. Ang tagipusoon sang iya amay napunan gid sing kaluoy, gani dumalagan sia kag ginhakus ang iya anak kag ginhalukan.” Lucas 15:18-20.

Apang bisan inang palanganiwaan, malulo kag makatalandug katulad sini, kulang pa ini sa pagsaysay sa walay latid nga kaluoy sang langitnon nga Amay. Ang Ginoo nagpahayag paagi sa lya manalagna, “Nagpakita ako sa ila gikan sa malayo. Mga tawo sang Israel, ginahigugma ko kamo sa gihapon, gani nagapadayon ako sa pagpakita sa inyo sang akon mapadinayunon nga gugma.” Jeremias 31:3. Samtang ang makasasala malayo pa gikan sa puluy-an sang Amay, nagauyang sang iya manggad sa tagaluwas nga pungsud, ang tagipusoon sang Amay nauhaw sa iya kag ang tagsa ka handum nagpukaw sang iya kasingkasing nga magbalik sa Dios, amo ang hinunuo nga malum-ok nga pagpakihilway sang lya Espiritu, nagahinyo, nagapakiluoy, nagabutong sang nagtalang, sa mahigugmaon nga tagipusoon sang Amay.

Kaupod sang bugana nga mga saad sang Balaan nga Kasulatan sa atubangan mo, makahatag ka ayhan sang doug sa paffgduhaduha? Makapati ka nga kon ang makaluluoy nga makasasala nahidlaw magbalik, nagahandum isikway ang iya mga sala, ang Ginoo magmatulid ngaduli-an sia magkari sa lya tiilan sa paghinulsol? Malayo sa sina nga mga panghunahuna! Wala sang makalipas sang imo kalag labi pa sang magpasulod sina nga panghunahuna sa langitnon nga Amay. Ginakangil-aran Niya ang sala, apang ginahigugma Niya ang makasasala kag ginhalad Niya ang lya kaugalingon sa pagkatawo ni Cristo, nga ang tanan nga may luyag basi maluwas, kag makaagum sa walay katapusan nga kalipay sa kaharian nga himaya. Ano pa nga labi ka mabakud kag labi ka malum-ok nga hambal sang tawo nga

[51]

magamit labi sang ginpili Niya sa pagpahayag sang Iya paghigugma tuhoy sa aton? Gani ang Ginoo nagsabat\*, “Malipat bala ang iloy sa iya kaugalingon nga lapsag kag indi maghigugma sang batang nga iya ginbun-ag? Bisan ang isa ka iloy, malipat sa iya anak, pero indi gid ako malipat sa imo.” Isaias 49:15.

Magtangla kamo, nga mga nagapangduhaduha kag nagakurog; si Jesus buhi nga nagabulig sa aton. Magpasalamat sa dulot sing Iya mahal nga Anak, kag magampo nga indi Sia namatay sa aton kaayohan nga wala ang Espiritu sang Dios nagaagda sa imo karon nga adlaw. Kari ka upod sang imo bilog nga tagipusoon sa kay Jesus, kag mag-angkon sang Iya pagbugay.

Sa pagbasa mo sining mga saad, dumdomon mo nga ini mga kasaysayan sangiya dimamitlang nga paghigugma kag pagkahulog.

Ang tuman kadaku nga tagipusoon sang walay katapusan nga paghigugma nabuyok tuhoy sa makasasala nga may walay dulonan nag pagkaawa. “Kag paagi sa pagkamatay ni Cristo ginluwas kita sa bagay nga patawad sang aton mga sala.” Efesos 1:7. Huo, lamang magtuo nga ang Dios amo ang imo mananabang. Ginahandum Niya ang mag-uli sang Iya kinabubut-on nga balaan sa tawo. Sa pagpalapit mo sa Iya sa pagtuad kag paghinulsol magpalapit man Sia sa imo

[52]

nga magkaluoy kag kapatawaran.

## Ang Sanghid sa Palangakuan sang Gintutun-an

“Ang bisan sin-o nga nahiusa kay Cristo bag-o na sia nga tinuga — ang daan wala na, ang tanan bag-o na.” 2 Corinto 5:17.

Ang tawo ayhan indi makasugid sang sibu nga panahon; duog ukon masulit niya ang talikala sang mga hitabu sa pahito sang pagbaylo, apang ini indi nagapamatood nga indi sia nahaylo. Si Cristo nagsiling kay Nicodemus, “Ang hangin nagahuyop bisan sa diin nga ang luyag niya. Mabatian mo ang iya huni pero indi ka makahibalo kon diin ini naghalin, kag kon diin nagapakadto. Subong man sini ang nagakatabo sa tagsatagsa nga tawo sa Espiritu.” Juan 3:8. Kaangay sang hangin nga indi makita, apang ang mga bunga sina mabatyagan mo sing maathag, amo ang Espiritu sang Dios sa lya paghikut sa tagipusoon sang tawo. Ina nga kagamhanan nga nagapauswag liwat, nga wala sang tawonhon nga mata makakita, nagabunag sang bag-o nga kabuhi sang tawo; sia nagapatubas sang bag-o nga nagakabuhi sa dagway sang Dios. Samtang ang pagpangabudlay sang Espiritu mahipus kag dimabatyagan, ang iya patubas nagapakita. Kon ang tagipusoon nabag-o sang Espiritu sang Dios, ang kinabuhi makasaksi sa pagkamatuod. Samtang wala kita mahimo sa pagbaylo sang aton tagipusoon ukon pagdala sang aton kaugalinon sa pagkahirup sa Dios; samtang indi kita magsalig sa aton kaugalinon ukon ang aton maayo nga binuhatan. ang aton kabuhi magpahayag kon ng bugay sang Dios nagapuyo sa sulod naton. Ang pagbaylo makita sa aton kinaugali, sa pamatasan, sa mga palangakuan. [53]

Ang pagkatuhay manginmaathag kag pat-ud sa ulot sina kon ano sila sang una kag kon ano sila karon. Ang kinaugali mapahayag, indi sa talagsahon nga maayo nga binuhatan kag talagsahon nga sayup, kondi sa huyog sang kinaugali sang mga tinaga kag mga binuhatan.

Matuod nga may dira nga pagkatul-id nga pamatasan nga wala sang pagbag-o nga kagamhanan ni Cristo. Ang kailigbon sang kaangtanan sa iban kag ang handum sa paghangad sang iban mahimo nga makapatubas sang mahusay nga pangabuhi. Ang kaligdong

mahimo makatuytuy sa aton nga makalikaw kita sa pagpakita sang kalautan. Ang maiyaiyahon nga kasingkasing ayhan makahimo sang maalwan nga binuhatan. Sa ano nga paagi, sugod karon nga kita makapat-ud kon sa kay sin-o bunghay kita?.

Sin-o ang may tag-iya sang atong tagipusoon? Sa kay sin-o ang aton paino-ino? Kay sin-o ang nahamut-an naton nga masugilanon? Sin-o ang may tag-iya sang aton labing mainit nga palangga kag lubos nga pagmahal? Ko si Cristo ang may tag-iya sa aton, ang aton paino-ino kabuylog sang lya kag aton pinakatam-is nga panghuhuna natungod sa lya. Ang tanan nga aton maangkon ginakabig nga balaan sa lya. Nagahandum kita nga magdala sang lya dagway, magkabuhi sang lya. Kinabuhi, magbuhat sang lya kabubut-on, kag maglipay sa lya sa tanan nga mga bagay. Ina sila nga nanginbag-o nga ginlalang sa kay Cristo Jesus magapakita sang mga bunga sang Espiritu, “gugma, kalipay, paghidaet, pagbatas, pagkalulo, pagkaayo pagkamatutum, pagkamainubuson, kag pagpugong sang kaugalingon.” Galacia 5:22,23. Indi na sila magdihon sa ila kaugalingon sunod sa nagligad nga mga kailigban, kondi sa pagtuo sa Anak sa Dios magsunod sila sa lya mga tikang, paghuad sang lya gawi, [54] kag magkaputli sang ila kaugalingon kaangay sang lya pagkaputli. Ang mga bagay nga sang una ginkahamut-an nila ginatamay nila karon. Ang mga bugalon kag indi magpasupil manginmapailubon kag mapainubuson sang tagipusoon. Ang mga tawo nga walay pulos kag matinaastaason kaayo magmanginmabuot kag indi malinapason. Ang hubog magmanginmaligdong, kag ang buhaha magmanginmaputli. Ang walay pulos nga kinabatasan kag mga kinaandaman sang kalibutan ginhamtang sa higad. Ang mga Cristiano maglagtas indi ang “pagpatahum sa gowa” kondi ” ang inyo katahum dapat makit-an sa inyo kinaugali, ang wala nagabalhin nga katahum sang malulo kag mahipus nga espiritu.” I Pedro 3:3,4

Wala sang pamatuod sang matood-tood nga paghinulsol luwas kon maghikut sang pagbaylo. Kon sia mag-uli sang iya patinga, ibalik ang ginkuha, matua-ad sang iya mga kasal-anan kag mahigugma sa Dios kag iya isigkatawo ang makasasala gikan sa kamatayon padulong sa kabuhi.

Kon, subong, sang masalaypon, makasasala nga mga nagakabuhi, mangintagabihin kita sa lya mapatawaron nga bugay, ang paghigugma magtubod sa sulod sang tagipusoon. Ang tagsa ka

lulan mamag-an; bangud ang singkaw nga ginahamtang ni Cristo masulhay. Ang katungdan naginkahamupt, kag ang pag-antus isa ka pagkinalipay. Ang dalan nga daw nagapakita nga natabonan sang kadulum, nanginmasanag nga may mga silak gikan sa adlaw sang Kabunayag.

Ang pagkaanyag sang pamatasan ni Cristo makita sa lya mga sumulunod. Ang lya kalipayan amo ang paghimo sang kabubuton sang Dios. Ang paghigugma sa Dios, ang kainit tuhoy sa lya kahimayaan, amo ang nagabuot nga kagamhanan sa kabuhi sang aton Manluluwas. Ang gugma amo ang nagpagayon kag nagdunogog sang tanan Niya nga mga hulag. Ang gugma gikan sa Dios. Ang di-balaan nga tagipusoon indi makasugod ukon makapatubas sini. Makita lamang ini sa tagipusoon sa diin si Cristo nagagahum. [55] “Nagahigugma kita kay ang Dios nagahigugma sa aton sing una.” 1 Juan 4:19. Sa kay Jesus ang tagipusoon nangin bag-o paagi sa langitnon nga bugay, ang gugma amo ang sulundon sang aton hulag. Ini nagbaylo sang aton kinabatasan, nagadumala sang aton mga pagkadalas, nagagahum sang aton mga kailigbon, nagadaug sang aton kaaligutgot, kag natib-ong sang aton mga pagkololo. Ini nga paghigugma nga ginapakamahal sang tawo, nagapatam-is sang kabuhi, kag nagasabuag sang nagahimpit sa pamakud sang tanan nga iya palibut.

May duha ka kasaypanan batok sa mga anak sang Dios — nga pinasahi sila nga mga bag-o lamang nakaabut sa pagsalig sang lya bugay — may labi nga kinahanglanon sa pagbantay. Ang nahauna nga nahambalan na naton, amo ang paglantaw sa ila kaugalingon nga mga kinabudlayan nga ila mahimo, sa pagdala sang ila kaugalingon sa pakighangpanay sa Dios. Sia, nga nagahimud-os para magbalaan sa iya binuhatan sa pagtuman sang Kasugoan, nagtilaw sang bagay nga dimahimo. Ang tanan nga mahimo sang tawo nga indi kaupod ni Cristo nadagtaan sang kabuangan kag kasalanan. Ang bugay lamang ni Cristo, paagi sa pagtuo ang makapabalaan sa tawo.

Ang kapihak sini kag indi nakulangan sa makatalagman nga kasaypanan. amo ang pagtuo sa kay Cristo nagapahilway sa tawo sa pagtuman sang kasugoan sang Dios; nga bangud sa paagi sang pagtuo lamang naging bahin kita sa bugay ni Cristo, ang aton mga binuhatan waly labut sa aton katubosan.

[56] Apang talungpada diri nga ang pagtuman indi lamang isa ka pag-sunod sa pagua, kondi ang pag-alagad nga may paghigugma. Ang kasugoan sang Dios amo ang isa kapagkita sang lya himpit nga kin-augali; Sia ang kahibugan sang tuman kadaku nga pagsulondan sang paghigugma, busa amo ang sadsaran sang pagdumalahan sa langit kag duta. Kon ang tagipusoon nagbag-o sa kadagway sang Dios, kon ang langitnon nga paghigugma natanum sa kasingkasing, indi bala nga ang kasugoan sang Dios mapaalinton sa kinabuhi?kon ang tawo nagbag-o sa dagway sang naglalang sa iya, ang bag-o nga kati-pan sang saad natuman, “Itanum ko ang akon mga kasuguan sa ila tagipusoon, kag isulat ko ini sa mga panghunahuna.” Hebreo 10:16 kag kon ang kasugoan nasulat s atagipusoon, indi ayhan magdi-hon sang kinabuhi? Pagtuman — ang pagalagad kag pag-unong sa paghigugma — amo ang matuod nga tanda sang pagkagintuton-an. Bangud sina ang Kasulatan nagasiling, “Kag kon maghigugma kita sa Dios kon sayuron nagatuman kita sang lya mga sugo.” Kon may isa nga magsiling, nakilala ko gid Sia, pero kon wala sia nagtuman sang lya mga sugo ina nga tawo butigon kag ang kamatuoran wala sa iya.” 1 Juan 5:3; 2:4. Sa baylo sa paghilway sang tawo sa pagtuman, ang pagtuo, kag ang pagtuo lamang amo ang nagahimo sa aton nga tagabahin sang bugay ni Cristo. nga amo ang nagahatag sa aton sa pagtuman.

Indi kita makaagum sang kaluwasan sa paagi sang aton pag-tuman, bangud ang kaluwasan walay bayad nga dulot sang Dios, nga mabaton lamang sa paagi sa pagtuo. Apang ang pagtuman amo ang bunga sar.g pagtuo. “Nahibaluan ninyo nga si Cristo nagkari sa pagkuha sang mga sala sang mga tawo, kag Sia lya wala sing sala. Gani, ang nagkabuhi kay Cridto, wala nagapadayon sa pagkasasala pero ang bisan sin-o nga nagapadayon sa pagkasasala. wala gid makakita ukon makakilala sa lya.” 1 Juan 3:5,6. Diri sini ang matood-tood nga pagsalawsaw. Kon nagapabilin kita sa kay Cristo, kon ang paghigugma sang Dios nagaluntad sa aton, ang aton mga balatyagon, ang aton mga paino-ino. ang aton mga katuyuan, ang aton mga hulag, manginhiliugyon sa kabubut-on sang Dios kaangay sa ginpahayag sa mga tulumanon sang Balaan nga Kasulatan sang Dios. “Mga anak, indi kamo magtugot nga patalangon ni bisan sin-o: Ang bisan sin-o nga nagahimo sing matariing, matarung subong nga si Cristo matarung.” I Juan 3:7. Ang pagkamatarung ginpaathag

paagi sa talaksan nga amo ang Balaan nga Kasulatan sang Dios nga nagapahayag sa napulo ka sugo nga ginhatag sa Sinai.

Ina amo ang ginatawag nga pagtoo sa kay Cristo nga nagapan-gako nga hilwayon ang mga tawo sa ila katungdanan sa pagsunod sa Dios, indi pagtoo kondi palapat. “Kay sa grasya sang Dios naluwas kamo paagi sa pagtoo.” Efeso 2:8. Apang “Amo man ini ang pagtoo: kon wala ini ginaupdi sing maayo nga mga buhat, ini nga pagtoo patay.” Santiago 2:17. Si Jesus nagsiling sang Iya kaugalingon sang wala pa Sia nagkari sa kaiibutan, “Kon daw ano ang kaluyag Ko sa pagtuman sang Imo kabubuton, O Dios Ko; Ginahuptan Ko ang Imo pagtulon-an sa Akon tagipusoon.” Salmo 40:8. Kag sa maliput nga panahon nga wala pa Sia makasaka sa langit liwat nagsugid Sia, “Kon ginatuman ninyo ang Akon mga sugo, magapabilin kamo sa Akon gugma, subong sang ginatuman Ko ang mga sugo sang Akon Amay, kag nagapabilin sa Iya gugma.” Juan 15:10. Ang kasulatan nagapabutyag, “Kon kita nagatuman sang mga sugo sang Dios, ti pat-ud gid kita nga kilala naton Sia — Ang nagasiling nga sia nagak-abuhi sa Dios, kinahanglan magkabuhi sia pareho kayjesu Cristo.” I Juan 2:3,6. “Sa sini nga katuyo-an gintawag kamo sang Dios, kag si Cristo gid nag-antus para sa inyo kag nagbilin sang sulonda, agud nga magsunod kamo sa Iya inagihan.” I Pedro 2:21.

Ang tulumanon sang kabuhi nga walay katapusan amo karon subong sang sa gihapon — subong sadto sa Paraiso sa wala pa mahulog ang aton mga una nga ginikanan — himpit sa pagtuman sa Kasugoan sang aton Dios, himpit nga kinamatarung. Kon ang kabuhi nga walay katapusan gintugot sa bisan ano nga kasugtanan sang bilog nga kalibutan mabutang sa katalagman. Ang dalan mabuksan sa kasal-anan.kaupod sang tanan niya nga nagasunod nga kalalt-an kag kapiutan, magpabilin nga walay katapusan.

Mahimo para kay Adan, sa wala pa sia mahulog, sa pag-agum .sang matarung nga kinaugali paagi sa pagtuman sa kasugoan sang Dios. Apang napaslawan sia sa paghimo sini kag tungod sang Iya sala ang aton kinaiya nahulog man, kag indi kita makahimo sang aton kaugalingon nga matarung. Bangud kita makasasala. dibalaan, indi kita makatuman sang himpit sang balaan nga kasugoan. Wala kita kinamatarung nga aton kaugalingon para makatuman sang kinahanglanon sang kasugoan. Apang si Cristo naghimo sang paagi para magpanginpadlus kita. Nagpangabuhi Sia sa kalibutan sa tunga sang

[58]

mga pagtilaw kag pagsulay subong sang atom masumalang. Nagakabuhi Sia nga walay sala. Nagpakamatay Sia para sa aton kag karon ginatanyag Niya nga kuhaon ang aton mga kasal-anan kag tagaan kita sang lya kahimpitan. Kon idulot mo ang imo kaugalingon sa lya. kag batunon Sia nga imo Manluluwas. sa sina nga tion makasasala man ang imo kinabuhi sang una, bangud sang lya pagsakdag naisip ikaw nga matarung. Ang kinaugali no Cristo nagapanindugan sa duog sang imo kinaugali, kag ginbaton mo si Cristo sa atubangan sang Dios subong sang sa wala ka nakasala.

[59] Labi pa sini, si Cristo nagabaylo sang tagipusoon. Magkabuhi si Cristo sa tagipusoon paagi sa pagtoo. Pagsakdagon mo ini nga kaangtanan kay Cristo sa pagtoo kag padayon nga pag-ampo sang imo kabubut-on sa lya; kag sa imo pagpasayon sa paghimo sini. kag samtang ginhimo mo ini, hikuton Niya sa imo magbuot kag maghimo suno sa lya handum. Tungod sina makasiling ka, “Gani nga indi na ako nagakabuhi. kundi si Cristo amo ang nagakabuhi. sa akon. Ini nga kabuhi nga akon nga ginakabuhi karon, ginkabuhi ko sa paagi sa pagtoo sa Anak sang Dios, nga nagahigugma sa akon kag naghatag sang lya kabuhi para sa akon.” Calacia 2:20. Gani si Jesus nagsiling sa lya mga gintutun-an, “Kay ang inyo ihambal indi inyo kundi iya sang Espiritu sang inyo Amay nga nagahambal paagi sa inyo.” Mateo 10:20. Sa sunod, kaupod si Cristo nga nagahikot sa inyo. magapahayag ikaw sang subong nga panghunahuna kag maghimo sang kaangay kaayo nga buhat — buhat sang kinamatarung, pagtuman.

Tungod sina, wala kita bagay sa aton kaugalingon nga magpabugal. Wala kita katarungan para sa pagdungog sang aton kaugalingon. Ang aton nga palasandigan lamang sang paglaum amo sina ginbuhat sang lya Espiritu nga nagahikut sa sulod naton kag paagi sa aton.

Kon maghambal kita sa pagtoo, may isa ka pinasahi nga butang nga aton panumdumon. May isa ka sahi nga ginapatihan nga sa kabilogan, liwan sa pagtoo. Ang pagkabuhi kag gahum sang Dios, ang kamatuoran sang lya Pulong, amo ang mga pamatuod nga bisan si Satanas kag iya mga hangaway, sa ila kaisipan, indi makahimutig. Ang balaan nga Kasulatan nagasiling nga “Ang mga yawa nagatoo man sina kag nagkurog sa kahadluk;” Santiago 2:19. apang indi ini pagtoo. Sa diin nga indi lamang pagpati sa Pulong sang Dios kundi sa pagpasakop sang aton pagbuot sa lya; sa diin nga tagipusoon



ginpauyon sa Iya. ang pagkahamuot napat-ud sa Iya. may dira nga pagtoo — pagtoo nga nagabuhat paagi sa paghigugma, kag nagapatinlo sang kinabuhi. Sa paagi sini nga pagtoo. ang tagipusoon magbag-o Osa dagway sang Dios. Kag ang tagipusoon magbag-o nga di-nagbag-o nga kahimtangan, indi mapasakup sa kasugoan sang Dios, ni bisan sa ano indi mahimo karon magakalipay sa Iya balaan nga kasugoan nga magtuaw kaupod sang Mangagamba. “Daw ano ang paghigugma ko sang Imo kasuguan! Ginapamalandungan ko ini sa bug-os nga adlaw.” Salmo 119:97. Kag ang kinamatarung sang kasugoan natuman sa aton, “Nga nagapangabuhi indi suno sa bahin [60] sang unod kundi sa Espiritu.” Roma 8:1.

May dira nga iban nga nakahibalo sang mapatawaron nga gugma ni Cristo, kag sin-o nga nagahandum mangin mga anak sang Dios, apang nakatalupangud nga ang Ila kinaugali di-himpit, ang Ila kabuhi may kakulangan, kag handa sila magpangduhaduha kong ang Ila tagipusoon ginbag-o sang Balaan nga Espiritu. Sa mga amo sini, luyag ako mapanugyan. Indi kamo mag-isol sa kapaslawan. Magduko kita permi kag maningis sa tiilan ni Jesus tungod sang aton mga kakulangan k.ag mga sayup; apang indi kita magpaluya-luya. Bisana pa nalutos kita sang kaaway, indi kita gintagbong, indi ginbayaan kag ginsikway sang Dios. Indi; Si Cristo, yara sa tuo nga kamut sang Dios nagahiwat sa bulig para sa aton. Nagsiling ang pinalangga nga Juan, “Ginsulat ko ini sa inyo, mga anak ko, agud nga indi kamo magpakasala. Pero kon may yara nga makasala, may Mananabang kita sa atubangan sang Amay, si JesuCristo.ang matarung.” I Juan 2:1. Kag indi kalimtan ang pulong ni Cristo. “Ang Amay mismo nagahigugma sa inyo.” Juan 16:27. Nagahandum Sia nga ibabalik ikaw sa Iya, para makakita sang Iya kaugalingon nga pagkaputli kag pagkabalaan nga mahud sa imo. Kag kon magpasugod ka sa Iya, Sia nga nagsugod sang maayo nga pangabudlay sa imo magpadayon magdalal sini sa kaadlawan ni Cristo. Magpangamuyo sang labi ka mainit; magtuo sa labi ka lubos. Sa tion nga mag-abut nga magpangduhaduha kita sang aton ikasaran, magsalig kita sa gahum sang aton Manluluwas, kag dayawon naton Sia nga amo ang kaayuhan sang aton dagway.

Sa aton labing pagpalapit sa kay Jesus makita naton nga labing makasaypanan kita sa aton mga mata; bangud ang aton panan-awan mangindugang kaathag, kag ang imo nga kasawayan makita sa

[61] masangkad kag matigdas sa iya pagkatuhay sa lantip nga kinaiya ni Cristo. Amo ini ang pamatuod nga ang mga pagpatalang ni Sat anas nadulaan sang kagamhanan; nga ang nagapabaskug nga gahum sang Espiritu sang Dios napukaw sa imo.

Wala sang madalum — mahanuot nga paghigugma sa kay Jesus makapabilin sa tagipusoon nga indi nakatalupangud sang iya -kaugalingon nga pagkamasasala. Ang tawo nga indi magbaylo sa bugay ni Cristo maghangad sang lya kinaugali; apang kon indi naton makita ang aton kasamaran sang dagway, ini ang hayag nga pagkamatuod, nga wala kita sing panan-awon sang pagkaputli, pagkatahum kag paghimpit ni Cristo.

Ang daw sa ano sa pagkakubos sang aton paghangad sang aton kaugalingon, dira labi nga makita naton ang paghangad nga walay dulonan sang kaputlian kag kaanyag sang aton Manluluwas. Ang isa ka laragway sang aton pagkamakasasala nagaduso sa aton sa lya, nga amo ang makapatawad; kag sin-o ang isa ka kalag nga, makatalupangud sang iya dimaksarang nga kahimtangan, makalambot sa kay Cristo, ipahayag niya ang iya kaugalingon sa lya gahum. Sa daw ano kalabi kadaku ang aton pamatyag sang aton kinahanglanon magapalapit sa aton magpadulong sa lya pakadto sa Pulong sang Dios, ang dugang pa kadungganon nga mga laragway makita naton sa lya

[62] kagawi-an, kag labi pa makahuad kita sang bug-os sang lya dagway.

## Ang Pagtubo sa kay Cristo

Ang pagbaylo sang tagipusoon sa diin kita magmanginanak sang Dios yara sa Kasulatan nga ginatawag nga pagkabun-ag. Sa liwat. ina ginpaanggid sa pagtubo sang maayo nga binhi nga ginsabwag sang mangunguma. Sa kaangid nga pinanilagan ang mga tawo nga karon pa lamang nagbaylo sa kay Cristo, amo ang “bag-ong nabun-ag nga lapsag,” para “magtubo” I Pedro 2:2 sa tindug sang hamtung nga mga ialake kag babayi sa kay Cristo Jesus. Ukon kaangay sa maayo nga binhi nga ginsabwag sa talamnan, kinahanglan magtubo kag magpatubas. Si Isaias nagasingling nga “Magalambo sila kaangay sang mga kahoy, ang tagsatagsa magahimo sing matarung. Kag ang Dios pagpadayawon tungud sa lya ginhimo.” Isaias 61:3. Gani gikan sa kinabun-ag sang kabuhi, mga halimbawa ginabuyok sa pagbulig sa aton para makahangup kita sing maayo sang katingalahan nga kamatuoran sang espirituhanon nga kabuhi.

Indi tanan nga kinaalam kag pagkasampt sang tawo makapatubas sang kabuhi. sang pinakadiutay nga bagay sa kalibutan. Ginpaagi lamang sang kabuhi nga ginhatag sang Dios nga ini nga tanum ukon sapat mabuhi. Gani ina sa paagi lamang sang kabuhi gikan sa Dios nga ang espirituhanon nga kabuhi nabun-ag sa tagipusoon sang tawo. Kon indi tawo “matawo liwat,” Juan 3:3, ini sia makapakigbahin sang kabuhi nga ginkari ni Jesus para ihatag.

Kaanggay sang kabuhi, gani amo man sa pagtubo. Ang Dios amo ang kabangdanan nga ang bukol magpakamukadkad kag ang buiak magbunga. Gani ini nahanungod sang lya gahum nga ang binhi nagatubo, “nahauna ang dahon, madason ang uhay, kag sa ulihi ang matinggad nga bunga.” Marcos 4:28. Kag ang manalagna Osias nagsiling nahanungud sang Israel, nga “magpanukadkad sila kaangay sang mga bulak.” “Magakagtom sila kaangay sang hardin, kag manginbungahon kaangay. sang talamnan sang ubas.” Osias 14:5,7. Kag si Jesus magtanyag sa aton, “tan-awa ninyo ang mga bulak sa latagon daw ano ang pagtubo nila.” Lukas 12:27. Ang mga tanum kag mga bulak nagatubo indi sa ila kaugalingon nga

[63]

pagatipan ukon kabalaka ukon himud-os kondi kay nagabaton sang ginsangkap sang Dios para mag-alagad sa ila kabuhi. Ang bata indi, sa ano nga kabalaka ukon ikasarang sa iya kaugalingon, makadugang sa iya tindug. Indi ka makadugang, bangud sang espirituhanon nga pagtubo. Ang tanum, ang bata, nagatubo sa pagbaton gikan sa iya palibut nga nagaalagad sa iya kinabuhi, —hangin, silak sang adlaw, kag pagkaon. Kon ano ang mga dulot sining tinuga nga kalibutan sa mga kasapatan kag tanum, amo man si Cristo sa mga tawo nga nagasalig sa lya. Sia ang ila nga “kapawa nga walay katapusan”, “adlaw kag mangangapin”. Isaias 60:19, Salmo, 84:11. Sia mangin “kaangay sang ulan sa mamala nga duta.” Oseas 14:5. Sia mangin “kaangay sang tun-og sa mga talamnan.” Salmo 72:6. Sia ang buhi nga tubig, “ang tinapay nga ginhatag sang Dios — nga nagapanaog halin sa langit kag naghatag sang kabuhi sa kalibutan.” Juan 6:33.

Sa walay katupong nga dulot sang lya anak, ang Dios nagpalibut sa bilog nga kalibutan sang taliwala sang bugay subong kamatuod-tuod sang isa ka hangin nga nagapalibut sa kalibutan. Ang tanan nga magpili nga magginhawa sining nagahatag kabuhi nga hangin .makaagum sang kabuhi kag magtubo sa tindug sang mga lalake kag [64] mga babayi sa kay Cristo.

Subong sa bulak nga nagaliso sa adlaw, para ang masanag nga silak makabulig sa paghimpit sang iya kaanyag kag pagtulotimbang, gani kinahanglan magliso kita sa Adlaw sing Kinamatarung, para ang kapawa sang langit magsilak sa aton. nga ang aton kinaugali mag-uswag kaangay sa dagway ni Cristo.

Si Jesus nagatudlo sang amo man nga bagay sang magsiling Sia, “Magpabilin kamo sa Akon, kag Ako magpabilin sa inyo. Kon indi kamo magpabilin sa Akon indi kamo makapamunga, subong nga ang sanga indi makabunga kon wala nagaangot sa puno. Kon wala ako wala kamo sing mahimo.” Juan 15:5. Ikaw nagasalig lamang sa kay Cristo, para makapangabuhi sang balaan nga kabuhi katulad sang sanga sa ginikanan nga puno para sa pagtubo kag sa pagbunga. Maghamulag gikan sa lya wala ikaw kabuhi. Wala ka ikasarang sa pagpugong sang pagtilaw ukon magpangabuhi nga may bugay kag pagkabalaan. Sa pagbilibin sa lya, mahimo nga magtin-ad ikaw. Kon nagakuha ka sang imo sa lya, indi ikaw maluya ukon magwalay bunga. Kaangay ikaw sang kahoy nga gintanom sa higad sang mg suba sang tubig.

Madamo may kaisipan nga sila maghimo sang bahin sang tulo-manon nga mag-isa. Nagsalig sila kay Cristo sa kapatawaran sang kasal-anan, apang karon maghimud-os sila sa ila kaugalingon sa pagpangabuhi sang tama. Apang ang tagsa sa sina nga paghimud-os manginwalay pulos. Si Jesus nagsiling, “Kon wala ako wala sing mahimo.” Ang aton pagtubo sa bugay. ang aton himaya, ang aton pagkamapuslanon — tanan nugasandig sa aton paghiliugyon sa kay Cristo. Ina sa pagpakig-angot sa lya adlaw-adlaw takna-takna — sa pagpabilin sa lya — nga kita magtubo sa bugay. Indi lang Sia ang tumulokod apang tagatapus sang aton pagtuo. Ina si Cristo amo ang nahauna kag katapusan kag sa gihapon. Sia ang manginkaupod naton, indi lamang sa sugod kag katapusan sang aton dululogan, apang sa tagsatagsa katikang sang aton dalanon. Si David nagsiling, [65] “Malapit ang Ginoo sa akon sa tanan nga tion, malapit, kag wala sing makatublag sa akon.” Salmo 16:8.

Nagapamangkot ka, “Paano ako makapabilin sa kay Cristo?” — Sa amo man nga paagi sa pagbaton mo sa lya sa hunahuna. “Tungod kay ginbaton ninyo si Cristo Jesus subong ginoo magkabuhi kamo nga nagahiusa sa lya.” Colosas 2:6. “Pero ang akon matarung nga mga tawo magatuo kag magakabuhi.” Hebreo 10:38. Gindulot mo ang kaugalingon sa Dios, para mangin lya sa kabug-osan, mag-alagad kag magtuman sa lya, kag ginabton mo si Cristo nga imo Manluluwas. Indi ka sa imo kaugalingon makabayad sang imo mga kasal-anan ukon makabaylo sang imo tagipusoon; apang bangud ginhatag ang imo kaugalingon sa Dios, nagtuo ka nga Sia tungod kay Cristo ginhimo ini tanan para sa imo. Paagi sa pagtuo nangin kay Cristo kamo, kag paagi sa pagdulot kag sa pagbaton. Idulot mo ang tanan — ang imo pagalagad — idolot mo ang imo kaugalingon sa pag tuman sang tanan Niya nga kinahanglanon; kag batunon mo ang tanan — si Cristo, ang kabiiogan Niya nga bugay, nga magpabilin sa imo tagipusoon, mangin imo kabakud, imo kinamatarung, imo nga walay katapusan nga alagad — maghatag sa imo sang ikasarang sa pagtuman.

Magpakabalaan ka sa Dios sa kaagahon; himuon mo ini nga imo nahauna nga bulahton. Himuon mo nga ang imo pangamuyo mangin, “Batuna ako, O Ginoo, nga bug-os Imo. Ginhamtang ko ang tanan ko nga mga hunahuna sa Imo tiilan. Himuon Mo ako nga Imo alagad karon nga adlaw. Magpabilin ka sa akon, kag pahanugotan

[66] Mo nga ang tanan ko nga pagpangabudlay magmangintuhoy sa Imo.” Ini mangin adlaw-adlaw nga butang. Sa tagsa nga kaagahon magpagkabalaan ka sang imo kaugalingon sa Dios para sa sina nga adlaw. Itugyan ang tanan nga ginabulo sa lya, para ipadayon ukon pabayaan sa lya balaan nga pagtoyttoy. Sa subong sini, adlaw- adlaw nagatugyan ka sang imo kabuhi sa kamut sang Dios, kag sa sina nga paagi ang imo kabuhi mangimdhimo sa pagdugang kag dugang nga kaangid sang kinabuhi ni Cristo.

Ang kabuhi sa kay Cristo amo ang kinabuhi sang katawhayan. Ayhan wala diri sang balatyagon nga makakulunyag apang may dira nagapabilin nga mahidaeton nga pagsalig. Ang imo paglaum indi sa imo kauglaingon, yara sa kay Cristo. Ang imo kaluyahon nakaugyon sa lya ikasarang, ang imo pagkakulang sang ihibalo sa lya kinaalam, ang imo kahuya sa lya mainatuson nga igkasarang. Gani indi ka kinahanglan magtan-aw sa imo kaugalingon, indi nga paino-ino magpablin sa imo lang, kondi magkilala sa kay Cristo. Ipaluntad mo ang imo tagipusoon sa lya paghigugma sa pagkatahum sa pagkahimpit, sang lya kina-iya. Si Cristo sa lya pagkasikway, si Cristo sa lya kahuy-anan, si Cristo sa lya kaputli kag pagkabalaan, Si Cristo sa lya di-matupungan nga paghigugma — ini amo ang tulun-an para sa pagpamalandong naton. Sa paghigugma sa lya, paghuad, sa lya, pagsalig sa lya sang bug-os nga kita magbaylo as lya kaangay.

[67] Si Jesus nagasiling, “Magpabilinka sa Akon.” Ining mga pulong nagapaalinton sang panugyanon sa pagkahilway, pagkalig-on, pagsalig. Nagaagda liwat Sia, “Kari kamo karon sa Akon, — tanan kamo nga ginbudlayan kag ginabug-atan, kag papahuwayon Ko kamo.” Mateo 11:28. Ang mga pulong sang mangangamba napahayag sang amo man nga panghunahuna: “Magpakalinong ka sa atubangan sang Ginoo kag hulata Sia nga may pagpailub.” Kag si Isaias nagahatag sang pasaiig, “ang Ginoo, ang balaan nga Dios sang Israel, nagasiling sa mga tawo, “Ibalik kamo kag magsalig sa Akon nga wala nagapalibog. Dayon manginmabakud kamo kag malig-on.” Salmo 37:7, Isaias 30:15. Ining kapahuwayan indi makita gikan sa walang pangabudlay. Apang sa pangagda sang Manluluwas, ang saad sang kapahuwayan kaupod sa pagtawag sa pagpangabudlay: “Itakod ang Akon gota sa inyo, — kag makapahuway kamo.” Mateo

11:29. Ang tagipusoon nga nagapahuway sa labing bug-os sa kay Cristo magmanginhimud-uson kag mabakas sa bulohaton sang Dios.

Kon ang ka isipan nagapabilin sa kaugalingon sang tawo, ginaliso, sia palayo sa kay Cristo, ang pamuno sang kusog kag kabuhi.” Mateoi 1:29. Kutub karon, ang paghimud-os ni Satanas tuhoy sa pagpadayon sa pagkabalaka sang tawo para magmalayo sia sa Manluluwas, kag bangud sina, upangan ang pagkaisahon kag katawhayan sang kalag sa kay Cristo. Ang kalingawan sang kalibutan, ang mga kabalaka kag mga palaligban, kag mga kasakit, ang mga kasaypanan sang iban, ikon sa imo kaugalingon, kag mga kakulangan — sa tagsa ukon sa tanan sini magpangita sia sang paagi sa pagliso sang kaisipan. Indi ka magpatalang sang iya mga padihut. Madamu nga matood-tood nga matutom nga nagahandum magpangabuhi sa kay Cristo, sia amo ang masunson nagatuytoy sa pagpabilin sa ila kaugalingon nga mga kasaypanan kag mga kaluyahon, kag bangud sini nga paagi sa pagbulag sa ila gikan kay Cristo, nagalaum sia nga makaangkon sa ng kadalag-an. Indi naton himuon ang aton kaugalingon nga sa tinga sang tanan, kag magpalibug kag magkahadluk subong sang kon bala maluwas ayhan kita. Ang tanan ini nagaliso sang painoino palayo sa Puno sang aton ikasarang. Itugyan mo ang pagsakdag sang imo kalag sa Dios, kag magsalig ka sa lya. Magpulong kag magisip ka nahanungod sa kay Jesus. Himuon mo nga ibug-os ami imo kaugalingon para sa lya. Ipahilayo mo ang tanan nga pagduhaduha; isikway mo ang imo nga kahadluk. Magsiling ka kaupod ni Apostol Pablo, “Gani nga indi na ako ang nagapangabuhi, kondi si Cristo amo ang nagakabuhi sa ako: ini nga kabuhi nga ginakabuhi karon, ginakabuhi ko paagi sa pagtuo sa Anak sang Dios, nga nagahigugma sa akon kag naghatag sang lya kabuhi para sa akon.” Galacia 2:20. Magpahuway ka sa Dios. Makasarang Sia magtatap sa gintugyan sa lya. Kon Pabayaan mo ang imo kaugalingon sa lya mga kamut, himuon ka Niya nga labi pa sa mandadaug paagi sa lya nga naghigugma sa imo.

Sang si Cristo nagbaton sang tawhanon nga kinatubo sa lya kaugalingon, ginlikus Niya ang katawohan sa lya higot sang paghigugma, nga indi mabugto sang kon ano man nga gahum luwasa sa kaugalingon nga pagpalabi sang tawo. Si Satanas sa dalayaon magpakita sang mga pagpaganyat para pagpahaylo sa aton sa pagutod sining higot — sa pagpalabi nga magbulag ang aton

[68]

kaugalingon sa kay Cristo. Diri sini sa diin kinahanglanon naton magbantay, magtinguha, magpangamuyo nga wala magsulay sa pagpalabi sa lain nga agalon; bangud nga hilway kita sa gihapon sa paghimo sini. Apang ipahamtang naton sing mapag-on ang aton mga mata sa kay Cristo kay bantayan Niya kita. Kon kita magtamud sa kay Cristo wala kita sing katalagman. Wala ni sin-o makaagaw sa aton sa lya kamut. Sa dalayon, naton nga pagtalupangud sa lya, kita “tanang nagapakita sang himaya sang Ginoo sa aton mga guya nga wala sing tabon, kag ina nga himaya nga nagagikan sa Ginoo nga amo ang Espiritu.” 2 Corinto 3.18.

Sa sina nga paagi ang mga nahauna nga mga gintuton-an nakaangkon sang ila kadagway sa mahal nga Manluluwas. Sangato nga mga gintuton-an nakabati sang mga pulong ni Jesus, nagbatyag sila sang ila kinahanglanon kay Cristo. Ginpangita nila, nakita nila, sumonod sila sa lya. Sila kaupod Niya sa balay, sa latuk sa diutay nga hulot sa bantod. Sila kaupod Niya anggud sang mga bata sa buluthoan kaupod sang manunudlo, nabaton sa adlawadlaw gikan sa lya mga bibig mga tulun-an sa Balaan nga Kasulatan. Ginabilang nila si Cristo nga subong sang mga alagad sa ila agalon, sa pagtuon sang ila katungdanan. Atong nga mga gintuton-an amo nga mga tawo subong nga “kaangay sa aton”. Santiago 5:17. May yara sila nga amo man nga pagpakigbatuk sa sala nga kinahanglan malutas. May kinahanglanon sila nga amo’man nga bugay, para makapangabuhi sang balaan nga kabuhi.

Bisan si Juan, ang hinigugma na gintuton-an, ang sia nga nakahuad sang lubos sang kaangay sang Manluluwas, indi sia nakaangkon sa iya kinaiya sang pagkagayon nga kinaugali. Sia indi lang di magpasupil sa iya kaugalingon kag mahinandumaon sa dungog, kundi perme kag puno sang pagkaakig sa mga kasakit. Apang sang ang kinaugali sang Isa nga Langitnon ginpakita sa iya, nakita niya ang iya kakulangan kag nagmainubuson sang iya naton-an. Ang kalig-on kag pagpailub, ang ikasarang kag pagkalolo, ang pagkahimaya-on kag mahinadaeton nga nakita niya sa matag adlaw nga kinabuhi sang Anak sang Dios, nagpuno sang iya kalag sang pagdayaw kag paghigugma. Adlaw-adlaw ang iya tagipusoon, ginbutong pakadto kay Cristo tubtub nakaiimtan niya ang iya kaugalingon sa paghigugma sa iya Agalon. Ang iya mainugtason, mahingabuton nga huyog gintugyan sa huluwaran nga gahum ni



Cristo. Ang mauswagon nga gahum sang Balaan nga Espiritu ginbago ang iya tagipusoon. Ang gahum sang paghigugma ni Cristo naghikot sang pagbaylo sang pamatasan. Amo ini ang matood-tood nga bunga'sang paghigugma sa kay Jesus. Kon si Cristo nagapabilin sa tagipusoon, ang bilog nga kinaiya magbaylo. Ang Espiritu ni Cristo, ang iya paghigugma magapahumok sang tagipusoon, nagadaug sa kaugalingon kag nagtib-ong sang panghunahuna kag mga handum tuhoy sa Dios kag langit.

Sang si Cristo nagkayab sa langit, ang pamatyag sang mga, tawo sang lya pagkayara nagapabilin pa sa lya mga sumulonod. Ato ang pagkayara sang lya pagkatawo, puno sang paghigugma kag kapawa. Si Jesus ang Manluluwas. Sia nga amo ang kaupod nila kag sa panglakatan kag naghambal nila kag nagpangamuyo kaupod [70] nila, sin-o ang nagpulong sang paglaum kag katawhayan sa ila mga tagipusoon ginpakita nga samtang nga ang balita sang paghidaet yara pa sa lya mga bibig. ginkuha Sia sa ila palangit, kag ang mga tunog sang lya tingug nagbalik sa ila. sang ang panganud nga mga manugtunda nagbaton sa lya — “Maupod ako sa inyo sa gihapon tubtub sa katapusan sang panahon.” Mateo 28:20. Nagkayab Sia sa langit sa dagway sang tawo. Nakahibalo sila nga sa atubangan Sia sang lingkuran sang Dios, nga ila Abyan kag Maluluwas sa gihapon; nga ang lya mga pagsakdag indi nagbaylo; nga Sia sa gihapon kaangay sang nagantus nga mga kata wohan. Nagaphayag Sia sa atobangan sang Dios sang mga pagtakus sang lya mahalalon nga dugo, nagapakita sang lya napilasan nga kamut kag mga tiil, para handumanan sang bili nga lya ginbayad sa lya gintubos. Nakahibalo sila nga nagkayab Sia sa langit sa paghanda sang mga duog para sa ila, kag ang pasalig Niya nga magkari Sia liwat kag dalhon sila sa lya kaugalingon.

Sang nagkitaay sila nga magkaupod, sa tapus sang pagkayab, nagahandum sila nga ipahayag ang ila mga pangabay sa Amay sa ngalan ni Jesus. Sa madalum nga pagkahadluk nagduko sila sa pagpangamuyo, nagasuiit sang pasalig, “Ang Amay magahatag sa inyo bisan ano nga inyo pangayuon sa Akon ngalan,” “Tubtub karon, wala pa kamo makapangayo sang bisan ano sa Akon ngalan; pangayo kamo kag kamo magabaton, agud nga ang inyo kalipay manginbugos.” Juan 16:23,24. Gin-unat nila ang ila kamut sang pagtuo sa labing mataas, kag labing mataas pa kaupod sang gamhanan nga

[71] pangatarungan, “Si Cristo Jesus amo ang nagpakamatay, huo, Sia amo ang ginbanhaw kag karon yara sa tuo sang Dios. Siya amo ang nagapakiluoy sa Dios para sa aton!” Roma 8:34. Kag adlaw sang Pentecostes nagdaia sa ila sa atubangan sang Manuglipay. nga si Cristo nagsiling, “kay Sia magpabilin upod sa inyo kag nagak-abuhi sa inyo.” Juan 14:17. Kag nagsiling pa Sia sa dugang, “may maayo para sa inyo nga maglakat Ako, kay kon indi Ako maglakat, ang Mananabang indi magkari sa inyo. Pero kon makalakat Ako, ipadala ko Sia sa inyo.” Juan 16:7. Sugod sa karon paagi sang Espiritu, si Cristo magpabilin sa dalayon. sa tagipusoon sang mga anak sang Dios. Ang ila pagkaisa sa lya mangin malapit sang sadto nga Sia sa lya pagkatawohanon kaupod nila. Ang kapawa, kag ang paghigugma, kag ang gahum sang sa sulod nga nagapabilin nga Cristo nagasilak sa paagi sa ila, nga sa amo sina ang mga Tawo nga nagatan-aw, “Natingala; dayon natalupangdan nila nga ini sila mga kaupdanan anay ni Jesus.” Binuhatan 4:13.

Ang tanan nga si Cristo nagakahulugan sa mga gintuton-an, ginahandum Niya nga maagum man sang anak Niya sa karon nga adlaw; bangud sa lya nga katapusan nga pangamuyo, kaupod sang diotay nga bunghay nga mga gintuton-an nga nagatipon sa palibut Niya nagmitlang Sia. “Ako nagapangamuyo indi lamang para sa ila, kundi para man sa mga nagatuo sa ako paagi sa ila mga pulong.” Juan 17:20.

[72] Si Jesus nagpangamuyo sa aton, kag nagpangayo nga kita kon mahimo mangin-isa sa lya kasubong sang sa lya nga nagaisa sila sang Amay. Makatilingala nga paghiliugyon ini! Ang Manlulus nagpabutyag sang lya kaugalingon, “Ang ginahimo sang Amay amo ang ginahimo sang Anak.” Juan 5:19. “Ang Amay nga yari sa akon amo gid ang nagahimo sang lya mga buhat.” Juan 14:10. Sa sina nga tion kon si Cristo nagapabilin yari sa aton mga tagipusoon, maghikut Sia sa aton, agud maluyagan kag masarangan ninyo ang pagtuman sa ng inyo tinutuyo.” Filipos 2:13. Magbuhat kita katulad sang pagbuaht Niya; magpahayag kita sang amo man nga espiritu. Kag subong sini, maghigugma sa lya kag magpabilin sa lya. “magtubo kita sa tagsa ka bagay sa kay Cristo, nga amo ang Ulo.” Efeso 4:15.

## Ang Buhat kag ang Kabuhi

Ang dios amo ang ginikanan sang kabuhi kag kapawa kag kasadyahan sang kalibutan. Katulad sang silak sang kapawa gikan sa adlaw, katulad sang mga sapa sang tubig nga nagaalapaag halin sa isa ka buhi nga tuburan, mga pagpakamaayo magailig pagua gikan sa lya padulong sa lya mga tinuga. Kag kon sa diin ang kabuhi sang Dios nga nagapabilin sa tagipusoon sang mga tawo magailig sa iban ang paghigugma kag pagpakamaayo.

Ang kahimayaan sang aton Manluluwas yara sa pagtib-ong kag pagtubos sang nahulog nga mga tawo. Tungod sa indi Niya ginbilang ang lya kabuhi nga mahal sa lya, apang nag-antus sang krus, nagtamay sang kahuloy-an. Gani ang mga mnunugtunda sa dalayon nabuyok sa pagpangabudlay para sa kalipayan sang iban. Amo ini ang ila kasadyahan. Inang mga bagay nga ginatamud sang maiyaiyahan nga mga tagipusoon nga nagakauya sa pag-alagad, ang pagbulig sa ila nga mga talamayon kag sa tagsa ka butang kubos sa pangawi kag kubay sang katilingaban, ini ang bulohaton sang putli nga mga manununda. Ang mainantuson nga kaugalingon sang Espiritu ni Cristo, amo ang espiritu nga nagapanalupsop sa langit, kag amo gid nga kabuhi sang iya kahimayaan. Amo ini ang espiritu nga magpanagiya sang sumulonod ni Cristo, ang buluhaton nga ila himuon.

Kon ang paghigugma ni Cristo mahuptan sa tagipusoon, katulad sang mahamut nga amyon, indi matago. Ang iya balaan nga ngahum mabatyagan sang tanan sa pagkitaay naton. Ang Espiritu ni Cristo sa tagipusoon katulad sang tuburan sa silot, naga-ilig sa pagpabaskug, kag nagapahandum sa mga handa mapatay sa paginum sang tubig sang kabuhi.

[73]

Ang paghigugma sa kay Jesus makita sa paghandum magpangabudlay subong sang lya pagpangabudlay, sa pagkamaayo kag pagtib-ong sang katawohan. Magpadulong sa paghigugma, pagkaiolo, kag kaawa sa tanan nga mga tinuga sang aton langitno nga Amay sa lyang ginsakdag.

Ang pangabuhi ni Cristo sa duta indi pangabuhi nga mahapus kag paghimo para sa lya kaugalingon, kondi nagpangabudlay Sia nga magpanghimulos, mainit, walay pahuway para sa kaluwasan sang nahulog sa sala nga mga katawohan. Halin sa pasungan tub-tub sa Calvaryo ginsunod Niya ang dalanon sang pagpailub sang kaugalingon kag indi naglahap nga mahilway. Sia gikan sa mabudlay nga buluhaton, masiot nga mga panglakaton kag makapuy nga pagtatap kag pangabudlay.

Sia nagbutyag, “Subong nga ang Anak sang Tawo wala makari agud alagaron, kundi sa pag-alagad kag sa paghatag sang lya kabuhi sa pagtubos sang madamo nga mga tawo.” Mateo 20;28. Amo ini ang isa nga daku nga katuyu-an sang lya kinabuhi. Ang iban nga mga bagay magsunod kag magbulig. Ang magbuhat sang pagbuot sang Dios kag magtapus sang lya bulohaton amo ang lya pagkaon kag ilimnon. Ang kaugalingon kag ang kaugalingon nga pagkabalaka wala bahin sa lya bulohaton.

[74] Gani sila nga nagapakigbahin sang bugay ni Cristo manginhanda sa pagbuhat sang pag-antus nga ang ibang nga bangud sa ila gin-pakamatyan Niya makabahin sang langitnon nga dulot. Maghimo sila sang tanan nga masarangan nila para nga mahimo ang kalibutan nga maglabing maayo sa ila pangabuhian. Ining panghunahuna amo ang tunay nga bunga sang tagipusoon nga matuod nagbaylo. Sa labing madali nga ang tawo magkari sa kay Jesus amo man ang pagkabunag sa iya tagipusoon sang handum sa pagpaalinton sa iban nga kon ano ka hamili nga abyan ang iya nasapwan sa kay Jesus; ang nagaluwas kag nagapabalaan nga kamatuoran indi matakpan sa iya tagipusoon. Kon kita pasul-oban sang kinamatarung ni Cristo. kag mapuno kita sang himaya sang lya nagapabilin nga Espiritu. indi naton mapunggan ang aton pagkahipus. Kon nakatilaw kag nakakita kita nga ang Ginoo maayo. may yara kita masugid. Katulad kay Felipe sang sia nasugata niya ang Manjuluwas. maga-agda kita sa iban sa lya atubangan. Maghimud-os sa pagpakilala sa ila ang mga kailaan ni Cristo. kag ang dimakita nga katunayan sang kalibutan nga palaabuton. May yara kainit sang paghandum sa pagsunod sa alagyan nga ginagyan ni Jesus. May yara nga hugot nga pagkahidlaw nga sila nga sa palibut sa aton kon mahimo makalantaw sang “Cordero sang Dios nga nagakuha sang sala sang kalibutan!” Juan 1;29.

Ang paghimud-os sa pagpakamaayo sa iban magabakik sa aton kaugalingon. Amo ini ang ginatuyo sang Dios sa paghatag sa aton sang bahin sa pagpakigbahin sa lya buko sa pagtubos. Gintugtan Niya ang katawohan sing labi agud maka-ambit sang lya Langitnon nga himaya. kag sa ila pagbulos sa pagpalapta sang pagpakamaayo sa ila isigkatawo. Amo ini ang pinakamataas nga kadungganang, ang tuman kadaku nga himaya. nga matigayon sang Dios sa lya pagdulot sa mga tawo. Sila subong nga mga nangingbahin sa pangabudlay sa paghigugma manginmalapit gid sa Manunuga.

Ang Dios mahimo nga magtugyan sang maayong balita sang kamatuoran nga buluhaton sang pagpangabudlay, sa mga langitnon nga manugtunda. Mahimo nga mag gamit Sia sang iban nga paagi para sa paghiwat sang lya katuyuan. Apang sa lya nga walay dulonan nga paghigugma ginpili Niya kita nga himuon kaupod nga manugpangabudlay sa lya kaupod ni Cristo kag mga manugtunda para [75] nga mahimo makapakigbahin sang pagkamaayo. ang kalipayan.ang pagtib-ong nga langitnon, nga mabunga sa sini nga di-maiyaiyahon na pagpangabudlay.

Nagkahanuklog kita sa kay Cristo sa paagi sang paginupdanay sa lya mga pag-antus. Tagsa ka buhat sang kaugalingon Niya nga pag-antus para sa kaayohan sang iban nagapabakud sang espiritu sang pagkamabinuligon sa tagipusoon sang manughatag, nga nagapabuylog sa iya nga labing malapit sa Manunubos sang kalibutan, sin o ang “bisan mangaranon Sia, nagpakaimul Sia tungod sa inyo; agud paagi sa lya kaimulon manginmangaranon kamo.” 2 Corinto 8:9. Kag ini mahimo lamang kon kita magtuman sang langitnon nga tinutuyo sa pagtuga sa aton, sa subong sina nga ang kabuhi manginpagkamaayo sa aton.

Kon mag panglakaton ka sa pajpangabudlay subong sang tino-toyo ni Cristo-sa lya mga gintutun-an, kag magdaug sang kalag p̃ara sa lya, magajatyag ka sang kinahanglan kag labing masangkad nga kinaalam, sa langitnon nga mga butang, kag magutom kag mauhaw sang kinamatarung. Mag pakiluoy sa Dios, Kag ang imo pagtuo mabaskog kag ang imo kalag maglag-ok sang labing madalum nga ilimnom sa bubon sang kaluwasan. Sa pagsugata sang kaaway kag mga pagtilaw magatabang sa imo padulong sa Balaan nga Kasulatan kag pangamuyo. Magadugang ang kinaalam mo sa kay Cristo, kag magauswag ang imo pinaniiran.

[76] Ang Espiritu sang di-daluk nga pagpangabudlay para sa iban maghatag sing kadadalman, kapg-on kag kaangay sang Crsitohanon nga kaangay sa kinaugali, kag magdala sang paghidaet kag kalipayan sa iya tag-iya. Ang mga handumanan mataas. Wala sing hulot para sa pagkatamad ukon pagkamaiyayahon. Si sin-o man nga magsagad sa subong sini ang Cristiano nga mga bugay magauswag, kag mangingmalig-on sa pagpangabudlay para sa Dios. Sila mag-aangkon sang malinaw nga mga pagkilala, mapag-on nga pagtuo kag dugang nga gahum sa pangamuyo. Ang Espiritu sang Dios nagahulag sa ila Espiritu, nagahingyo sang balaan nga paghangpanay sang kalag, sa sabat sa langitnon nga pagtandug. Sila nga nagatuman sa ila kaugalingon sa di-maiya-iyahon nga pangabudlay para sa kaayohan sang iban, amo sa katunayan nagapangabudlay para sa ila kaluwasan.

Ang dalanon lamang sa pagkahamtung sa bugay amo ang paglewalay pagpasulabi nga paghimo sang amo gid nga buluhaton na ginbilin ni Cristo sa aton — sa paggamit sang aton madangatan sang ikasarang, paghimo sa pagbulig kag pagpakamaayo sa ila nga nagakinahanglan sang bulig nga mahatag naton. Ang kusog nagahalalin sa pagbanat-banst; ang pagpangabudlay amo ang tulumanon sang pangabuhi. Ang tawo nagatinguha sa pagpadayon sang kabuhi nga kristohanon sa paagi sa pagmasinulondon nga pagbaton sang mga pagpakamaayo mga nagahalalin paagi sa bugay, kag wala sing inahimo para sa kay Cristo, nagtilaw magpangabuhi sang hayag nga magkaon nga wala sing pagpangabudlay. Kag subong sa balaanon katulad sang kinatubo nga kalibutan, ini sa gihapon mahulog sa pagkamusmus kag pagkamudmud. Ang tawo nga magbalibad sa pagbanat-banat sang iya mga batiis, butkon sa madali mawalaan sang tanan nga ikasarang sa paggamit sina. Sa amo nga paagi, ang Cristiano nga indi magbanat-banat sang iya ikasarang nga ginhatag sang Dios, indi lamang mapaslawan sa pagtubo sa kay ginhatag sang Dios, indi lamang mapaslawan sa pagtubo sa kay Cristo, kundi nadulaan sia sang iyaanay daan nga ikasarang.

[77] Ang simbahan ni Cristo amo ang ginbutang nga talapatan sang Dios para sa kaluwasan sang katwohan. Ang iya katungdanan amo ang pagdala sang kamatuoran sa bilog nga kalibutan. Kag ang katungdanan napahamtang sa tanan nga mga kristohanon. Ang tagsatagsa, sa kasangkad sang iya kinaadman kag kahigayunan.

magtuman sang tulomanon sang manluluwas. Ang paghigugma ni Cristo nga ginapahayag sa aton magahimo sa atong nga mga mangungutang sa tanan nga indi nakakilala sa Iya. Ang Dios naghatag sa aton sing kapawa, indi para sa aton nga isahanon, kundi ilapnag sa Ila.

Kon ang sumulonod ni Cristo nagamata sa Ila katungdanan. may libo-libo sa diin may yara nga isa karon nga adlaw, mga nagabantala sang pulong sang Dios sa kadutaan sang indi nakilala sang tunay nga Dios. Kag ang tanan ng indi makapangabudlay sang kinaugalingon sa buluhaton, magsakdag sa gihapon sa paagi sang Ila ikasarang, ang Ila kaluoy, kag ang Ila mga pangamuyo, kag may yara nga labing mainit pa gid ngapangabudlay para sa mga kalag sa mga punsod nga Cristiano.

Indi naton kinahanglan nga magpanglakatan sa kadutaan sang makakilala sa Dios, ukon bisan maghalin sa makitid nga palibut sang puluy-an kon sa diin yara ang aton katungdanan nga nagahamtang sa may pangabudlay para kay Cristo. Mahimo naton ini sa palibut sang puloyan, sa simbahan sa tunga sang aton mga ginakinaupod. kag sa ginakaangton naton sa palatikangan.

Ang labing daku nga bahin sang kabuhi sang Manluluwas sa duta ginamit sa mainantuson nga pangabudlay sa buluhatan-duog sang panday-sa-kahoy sa banwa sang Nazaret. Ang manugpangabudlay nga mga manugtunda nagatatap sa Ginoo sang kabuhi sang Sia nagalakat sa luyo sang mga mangunguma kag mamumugon, di-nakilala kagdi-napadunggan. Nagatuman Sia sing mainalagdon sang Iya katungdanan samtang nagapangabudlay sa Iya Kubus nga palangitan-an katulad sang nagpaayo Sia sa masakiton ukon sa nagalakat Sia sa gintubo sang unos nga mga balud sang Galilea. Gani sa labi gid nga kubos nga buluhaton kag labi gid kanubo nga katungdanan sa kinabuhi, mahimo kita makapag-upod kag magpangabudlay sa ka Jesus. [78]

Ang Apostol nagpulong, ” ang tagsa-tagsa dayon sa pagpangabuhi upod sa Dios.” I Corinto 7:24. Ang manogpatikang sang pangabuhi mahimo magdumala sang Iya palatikangan sang pangabuhi sang Iya Agalon bangud sang Iya pagkamainuningon. Kon sia isa ka tunay nga sumulonod kay Cristo idalhon niya ang Iya pagtuluohan, bisan sa tagsa\_ka butang nga Iya ginahimo kag ipahayag sa katawohan ang kinaugali ni Cristo. Ang mekaniko mahimo

nga magmatul-id kag matutum nga katugyan Niya nga nagpangabudlay sa mga kubos nga panglakatan sang pangabuhi sa tunga sang mga banglid sang Galilea. Ang tagsatagsa nga nagapahingalan sa pangalan ni Cristo dapat magpangabudlay nga ang iban sa makita ang iya maayo nga mga binuhatan basi pa lang mapasunod maghimaya sang ila Manunuga kag Manluluwas.

Madamu nagabalibad sa ila kaugalingon sa pag halad sang ila mga dulot sa buluhaton ni Cristo, samtang ang iban nagapanagiya sang labing maayo nga mga dulotag kinaayo. Ang kabubut-on nag paibabaw nga lamang ang may pinasahi gid nga kinaandam ang kinahanglan magpabalaan sang ila igkasangkol sa buluhaton sang Dios. Napaabut sang kadamuan nga ang kinaalam ginhatag lamang sa pita ka pinalabi nga masaligan nga tawo sa pagpaluwas sang iban, si sin-o sa matuod gid indi natawag sa pagpakigbahin sa pagpangabudlay ukon sa mga padya. Apang indi ini gin pahayag sa palanganinawan. Sang ang agalon sang puloy-an nagtawag sang iya suluguon ginhatagan niya ang tgsatagsa ka tawo sang iya buluhaton.

[79] Upod sang iya mahigugmaon nga panimuot mahimo kita makatuman sang labing manubo nga katungdanan sa aton kinabuhi “subong sang nag-alagad kamo sa Ginoo.” Colosas 3:23. Kon ang paghigugma sa Dios yara sa tagipusoon, mapahayag sa kabuhi. Ang mayuyum nga damil ni Cristo magpalibut sa aton kag ang aton igalahum makatib-ong kag magpakamaayo.

Indi ka kinahanglan maghulat sang daku nga mga kahigayunan ukon magpaabut sang pinasahi nga mga igkasangkul una sang sa pagpangabudlay mo sa Dios. Indi ka kinahanglan nga may panghuhuna ka nga kon ano ang panumduman sang kalibutan sa imo. Kon ang adlaw -adlaw mo ngakinabuhi isa ka panaysayon sa pakaputli kag pagkamatitud-on sang imo pagtuo kag ang iban magpati nga maluyag ka magbulig sa ila, ang imo panikasug indi madula sing bug-os.

Ang labing kubos kag imol sang mga gintutun-an ni Jesus mahimo nag manginpagpakamaayo sa iban. Indi nila mahibaluan nga nagahimo sila sang pinasahi nga kinaayo, apang indi nila naisip sa ila igkagalalum nga nagsugod sila sang balud sang pagkamaayo nga magsangkad kag madalum kag ang malipayon nga mga bunga indi nila matalupangdan tubtub sa adlaw sang padya. Indi nila mabatyagan ukon mahibal-an nga nagahimo sila sang kon ano man nga



butang nga mahinanga-on. Indi sila ginakinahanglan nga magpakapuy sang ila kaugalingon nga may kabalaka bangud sang kadalagan. Kinahanglang nga sila lamang mag padayon sa pagsulong sa matawhay, nga nagahimo sa maunungon nga pagpangabudlay nga nahamtang sa balaan nga pagtuytuy sang Dios kag ang ila kabuhi ind mangin walay pulos. Ang ila nga kaugalingon magauswag labi kag labi pa katulad sa kay Cristo; sila ang manogpangabudlay nga kaupod sang Dios sa sini nga kinabuhi.kag sa sini nga paagi magakabagay para sa labing mataas nga buluhaton kag walay landong nga himaya sang kabuhi nga palaabuton.

[80]

## Ang Kinaalam sang Dios

Madamu ang mga paagi nga ang Dios nagapangita sa pagpak-ilala sa aton sang Iya kaugalingon kag pagdala sa pagpakigbahin sa Iya. Ang kinatubo nagapulog sa aton mga pamatyag nga walay pahuway. Ang bukas nga tagipusoon mabuyok sang paghigugma kag kahimayaan sang Dios subong sang napahayag paagi sa nga buhatj sang Iya mga kamut, Ang nagapamati nga dulunggan makabati kag makahngup sang mga paalinto sang Dios sa paagi sang mga butang sang kinatubo. Ang lumhaw nga talamnan, ang mataas nga mga kahoy, ang mga bukol kag mga bulak, ang umalagi nga gal-um ang nagatulo nga ulan, ang nagahuganas nga sapa, ang mga kahimayaan sang kalangitan nagapamulong-pulong sa aton mga tagipusoon, kag nagaagda sa aton nga makapagkilala sa Iya nga nagtuga sa Ila tanan.

Ang aton manluluwas nagbugkus sang Iya alamligan nga mga tulon-an sa mga butang sang kinaiya. Ang mga kahoy, ang mga pispis, ang mga bulak sang mga latagon, ang mga bangilid, ang mga linaw, kag ang mga matahum nga kalangitan subong sang mga hitabu kag mga palibut sang adlaw-adlaw nga pangabuhi, nakaan-gottanan sa mga pulong sang kamatuoran, nga Iya mga tulon-an basi lang madumduman sa madalas sa .kaisipan, bisan sa tunga sang masakonga mga pagkabalaka sang tawo sa. Iya pagpangabudlay sa pangabuhi.

[81] Ang Dios maluyag nga ang Iya mga anak magpasalamat sang Iya mga binuhatan, kag magkahamuot sa bunayag. paglinong nga kagayon sa sina ginpuno Niya ang aton dutan-on nag puluy-an. Sia amo ang mahigugmaon sang mga matahum, kag sa ibabaw sina, ang tanan sa gowa nga makabibihag ginapakamahal Niya ang kaambong sang kinaugali; maluyag Sia nga maghupot kita sang pagkaputli kag pagkabunayag, ang malinong nga kaanyag sang mga bulak.

Kon kita magpamati lamang, ang tinuga nga mga binuhatan sang Dios magtudlo sa aton sang mga mahal nga tulon-an sang pagtuman kag pagsalig. Halin sa mga bituon nga sa Ila walay agi nga alagyan sa sulod sang kahawaan nagasunod gikan sa isa ka dinag-on

pakadto sa isa kadinag-on sa ila nga ginhamtang nga alagyan tubtub sa labing diutay gid gna binlud sang bisan ano nga bahin, ang mga butang sang tinuga magtuman sang pagbuot sang Manunuga. Ang Dios nagakabalaka sang tagsa-tagsa kag nagasakdag sang tanan nga lya tinuga. Sia nga nagabantay sang di-maisip nga mga kalibutan sa bilog nga kasangkaran, sa amo man nga tion nagatatap sang mga kinahanglanon sang magamay kag kayumanggi nga salimbatang nga nagaamba sang iya kubos nga alambahanon nga walay kahadluk. Kon ang mga tawo maglakat sa ila adlaw-adlaw nga pangabudlay.subongsang nagapangamuyo sila; kon sila nagahigda sa gab-i kag kon si I a magbangon sa kaagahon; kon ang tawo nga manggaranon magkianaon sa ila harianon nga balay, ukon ang imol magtipon sang iya mga kabataan sa palibut sang maiwat nga latok, ang tagsa ginabantayan sing mapinalangga-on sang langitnon nga Amay. Wala sing mga luha nga nagtulo nga indi natalupangdan sang Dios. Walay yuhum nga indi Niya ginatandaan.

Kon kita lamang magtuo sini sang bug-os, tanan nga di-matarung nga pagkagha mapaiway. Ang aton mga kabuhi indi manginpuno sang kapaslawan subong karon; bangud ang tagsa ka butang kon bala daku ukon magamay mabutang sa mga kamut sang Dios. Sia nga wala nagapalibug sang kadamuan nga lya ginasapupo, ukon matabunan sang ila kabugatan. Gani, magkalipay ikaw sa kapahuwayan sang imo kinaugalingon nga sa amo ang kadamuan madugay na nga mga dumuloung gihapon.

[82]

Sanglit ang imo nga igbalatyag nagakalipay sa makabibihag nga kaanyag sang kalibutan, isipon mo ang kalibutan nga” palaabuton nga indi nakahibalo sang silot sang kasal-anan kag kamatayon; sa diin ang tampad sang kinatubo indi magkumbong sang anino sang paghimalaut. Pahinugotan mo ang imo pagdahumdahum kag maglaragway sang puluy-an sang mga lawas, kag dumdumon mo nga ini magmangin labing maksililaw sang sa labing masanag gid nga malarawan sang panghunahuna. Sa gintuhay nga mga amuma sang Dios sa kinatubo nga palibut makita naton lamang ang labing magal-um nga igpat sang lya kahimayaan. Nasulat, “Ang wala makit-i sang tawo, ang wala ginapanghunahuna sang mga tawo nga matabu amo gid ang gin-aman Dios para sa nagahigugma sa lya.” 1 Corinto 2:9.

Ang mamalaybay kag ang tumuluon sang kinatubo may yara madamu nga mga bagay nga masiling tungod sang kinatubo, apang Cristiano lamang ang nagakahamuot sang katahum sang duta nga may labing mataas gid nga paghigugma, samtang ginakilala niya ang patubas sang kamut sang iya Amay, kag nagabatyag sang lya paghigugma nga sa bulak kag madabong nga tanurn kag kahoy. Wala sang isa nga makapasalamat sang bugos sang kahulogan sang bangilid kag latagon, suba kag dagat, nga indi magtan-aw sini nga pahayag sang gugma sang Dios sa tawo.

[83] Ang Dios nagapamulong sa aton paagi sang lya maluluy-on nga mga binuhatan, kag sa paagi sa kagamhanan sang lya Espiritu sa tagipusoon. Sa aton mga kahimtangan kag mga palibut, makakita kita sang bahandianon nga mga tulun-an, kon ang aton mga tagipusoon bala bukas sa paghangup sina. Ang mangangamba, nagasulit sang maluluy-on nga buluhaton sang Dios, nagabutyag, “ang lya mapinadayunon nga gugma nagapuno sang duta.” Salmo 33:5 “kabay ang mga maalam magpamalandong sini nga mga butang; kabay pa nga ila kilalahon ang mapinadayunanon nga gugma sang Ginoo.” Salmo 107:43.

Ang Dios nagahambal sa aton sa lya Pulong. Diri may yara kita sa labing malinaw nga mga agi sang pagpahayag sang lya kinaugali, sang lya kahilabtan sa mga tawo, kag ang dakung bulohaton nahanungod sang pagtubos. Yari bukas sa aton atubangan ang maragtas sang mga amay nga pangwlo sang kabikahan kag mga manalagna kag iban pa nga mga balaan nga mga tawo, sadto. Sila ang mga tawo “tawo man kaangay sa aton.” Santiago 5:17. Makita naton kon ano ang paghimulat nila paagi sa mga pagpalas-ay katulad sang aton Kdugalingon, kon ano. sila nahulog paagi sa pagtilaw subong sang ginhimo naton, kag bisan pa nagpakigisog liwat kag naglutos sa paagi sang bugay sang Dios: kag, sa pagtalupangud nanginmaisug kita sa aton pagpaninguha sa katarungan. Sang sa aton pagbasa sang hamili nga gin agihan nga ginhatag, sa ila, sa kapawa kag pagkamaayo nga mangin ila para ila ipangalipay, kag ang pagpakamaayo nga manginila para ila ipangalipay, kag ang buluhaton nga ila ginhimo paagi sa bugay nga gindulot sa ila: ang diwa nga nagbugna sa ila ngasindi sangkalayo sang balaan nga sulundon sa aton tagipusoon, kag isa ka handum nga manginkatulad sa ila sa kinaugali subong sa ila para magkaupod sa Dios.

Si Jesus nagsiling nahanungod sang Daan nga Kasugtanan nga Kasulatan — kag daw ano pa kalabi ka matuod sa Bag-o — “Kag ini sila nagasaksi nahanungod sa Akon,” Juan 5:39 ang Manunubos, Sia sa kay sin-o, ang aton paglaum sang kinabuhi nga walay katapusan ginpatunga. Huo, ang bilog nga Balaan nga Kasulatan nagsaysay nahanungod sa kay Cristo. Halin sa nahauna nga pagpamatuod sang pagtuga — bangud kay “wala sing natuga kon indi paagi sa lya,” Juan 1:3 - - - padulong sa katapusan nga panug-an, “Pamati kamo! Makari ako sa labing madali,” Bugna 22:12 nagabasa kita sang lya mga binuhatan kag nagapamati sa lya tingug. Kon luyag mo makilala ang Manluluwas, tun-an mo ang Balaan nga Kasulatan.

[84]

Pun-a ang bilog nga tagipusoon sang mga pulong sang Dios. Amo ina ang buhi nga tubig, nagapaagaw sang kauhaw. Amo ina ang buhi nga tinapay gikan sa langit. Si Jesus nagpahayag, “kon indi kamo magkaon sang unod sang Anak sang tawo kag mag-inom sang lya dugo wala kamo sing kabuhi sa inyo kaugalingon sa pagsiling, “Ang mga pulong nga ginahambal ko sa Inyo, amo ang espiritu kag kabuhi.” Juan 6:63. Ang aton lawas nahimo gikan sa ginakaon kag ginainom naton; kag subong sang tawhanon nga pagpatikang sang kinahanglanon, ti amo man sa pagpatikang sang kinahanglanon sa kalagnon: Kon ano ang aton ginapamalandong amo man ina ang aton kalagnon nga kinaugali.

Ang sakup sang pagkatubus amo ang isa nga ang mga manug-tunda nagahandum magusisa; ini amo ang manginkinaadman kag ambahanon sang natubos sa sulod sang walay katapusan nga panuigon sang katubtuban. Indi bala ini bagay sang mahinalun-gon nga pagtamud kag pagtu-on sa karon? Ang walay dulunan nga kaluoy kag paghigugma ni Jesus, ang pagantus nga ginhimo Niya sa aton kaayohan nagapangagda sang labi gid kaligdong nga panghunahuna kag matinahuron nga pagpanganinaw. Magluntad kita sa kinaugali sa aton mahal nga Manunubos kag Mananabang. Magpamalandong kita sa katungdanan Niya sa pagkari sa pagluwas sang lya mga tinawo gikan sa ila mga kasalanan. Sa pagpanganinaw sang langitnon nga mga tulonan, ang aton pagtuo kag paghigugma magtubo nga mapag-on, ang aton mga pangamuyo manginlabing mabaton sa Dios, bangud sila manginlabi kag labi nga masamo sa pagtuo kag paghigugma. Sila manginhinalangpon kag mainit. May yara nga labing mapag-on nga pagsalig kay Jesus, kag adlaw-

[85]

adlaw nga buhi nga inagihan sang lya kagamhanan para magluwas sa katapusan sang tanan nga mapalapit sa Dios paagi sa lya.

Sa aton pagpanganinaw sang walay kasaypanan sang aton Manluluwas makahandum kita nga manginlubos nga magbaylo kag magbag-o sa lyang katulad nga laragway sang pagkaputli. Maabot ang pagkagutom kag pagkauhaw sang kalag nga mag mangin katulad sa lya sin-o nga aton ginahangad. Sa aton pagpalabi sang aton mga panghunahuna sa kay Cristo, ang labi pa gid nga magsaksiita nahanungod sa lya sa iban, kag ipangatubang naton sia sa kalibutan.

Ang Balaan nga Kasulatan indi ginsulat para sa mangin-alamon lamang; katimbang, gintuyo ini para sa manubong tawo. Ang mabug-at nga mga kamatuoran nga kinahanglanon para sa kaluwasan ginbuhat nga maathag subong sang udtoadlaw; kag wala sing makasayup kag magtalang sa ila alagyan luwas sa ila nga nagsunod sang ila kaugalingon nga pagbuot sa baylo sang maathag nga mga pahayag sang pagbuot sang Dios.

[86] Indi kita magbaton sang panaysayon sang ni sino nga tawo nahanungod sa kon ano ang gintudlo sang Kasulatan apang kinahanglan magtuon sang mga pulong sang Dios para sa aton kaugalingon. Kon tugtan naton ang iban maghimo sang aton pagpanghunahuna, makaagum kita sang inutil nga mga kusog kag nagsangko nga mga igkasangkul. Ang kinilala nga ikasarang sang kaisipan mahimo nga manginmahinay gid ang pagtubo tungod kulang sa banat-banat sa mga pulong nga nagakinahanglan sang ila bug-os nga pagkabalaka para indi nila madula ang ila ikasarang sa pagdakup sang madalum nga kahulogan sang Pulong sang Dios. Ang paino-ino magsangkad kon ginagamit sa pagsayasat sang kaangtanan sang mga tulun-an sa Balaan nga Kasulatan, sa pagpanggid sang isa ka pulong sa isa ka pulong, kag ang mga butang nga espirituhanon. Wala sing labing ginbulobanta sa pagpabakud sang kinaalam sang pagtuon sang Kasulatan. Wala na sang iban pa nga tulun-an nga labing magamhan sa pagtib-ong sang panghunahuna, sa paghatag kabaskug sa ihibalo, katulad sang masangkad kag nagatib-ong nga kamatuoran sang Balaan nga Kasulatan. Kon ang pulong sang Dios ginatun-an katulad sang dapat matun-an, ang mga tawo maangkon sang masangkad nga panghunahuna, dungganon nga kinaugali kag kapag-on sang katuyu-an nga talagsahon makita sa sini nga mga panag-on.

Apang may yara nga diutay nga kapuslanan nga makuha gikan sa dalidali nga pagbasa sang Kasulatan. Ang isa ka tawo makabasa sang bug-os nga Kasulatan. kag sa katapusan makakulang sia bangud indi niya makita ang iya katahum ukon mahangpan ang iya madalum kag natago nga kahulugan. Ang isa ka bahin nga tinun-an tubtub ang iya kahuluganmaathag sa kaisipan kag sa iya kaang-tanan Sa tinutuyo sang kaluwasan masat-uman ina ang may labing hamili nga timbang sang sa pagbasa sang madamu nga mga labing bahingga wala sang pat-ud nga katuyu-an sa pananawon kay walay maathagnga magtudlo nga makuha. Gamiton mo ang imo Balaan nga Kasulatan. Sa tion nga makakalit ka, basahon mo ina; ipahamtang mo ang bahin sang pulong sa imo panumdoman. Bisan samtang nagapanglakaton ikaw sa mga dalanon, mahimo nga makabasa ikaw sang isa ka bahin sang Pulong kag magpamalandong sa sina, sa amo sini magapat-ud ina sa panghunahuna.

Indi kita makaagum sang kianaalam nga wala sing pagkahugot nga pagtalupangud kag mapangamuyon nga pagtuon. Ang iban nga mga bahin sang Kasulatan matuod gid nga labing masili nga wala sang indi makahangup; apang may yara nga iban nga ang ila kahulogan indi nagahimutig sa ibabaw, makita sa isa kapasipiat. Ang isa ka pulong dapat ipaanggid sa isa ka pulong. Kinahanglan may yara nga mainamdamon nga pagpangusisa kag mapangamuyon nga pagpanganinaw. Kag ang ina nga pagtu-on mabayaran sing mabugana. Subong sang isa ka manugmina nga nakatukib sang mga ugat sang bahandianon nga metal nga natago sa idalum sang duta, amo ina nga sia sa mahimud-oson nga mga paglahap sang Pulong sang Dios subong sang natago nga bahandi, makakita sang mga kamatu-oran sang labi gid kadaku nga bili, nga natago sa pananawon sang walay paghimulat nga nagapangita. Ang mga pulong sang bugna, nga natimbang sa tagipusoon manginsapa nga nagailig gikan sa tuburan sang kabuhi.

Indi gid ikaw magtu-on sang Balaan nga Kasulatan nga wala singpangamuyo. Sa wala pa mabuksan ang iya mga pahina magpangayo kita sang kapawa sang Balaan nga Espiritu, kag ihatag. Sang si Natanael nagpalapit sa kay Jesus, ang Manluluwas nagsiling sa iya “Yari ang isa ka matuod nga Isarelinhon; waay limbong sa iya!” Si Natanael nagpamangkut sa iya, “paano mo ako nakilala? Si Jesus nagsabat, “Nakita ko na ikaw didto sa idalum sang Kahoy nga hig-

[87]

era, sa wala pa ikaw gintawag ni Felipe.” Juan 1:47,48. Kag makita man kita ni Jesus sa mga likum nga mga duog sang pangamuyo, kag maglaghap kita sa iya sa pag agum sang kapawa para mahangpan naton ang kamatuoran. Mga manununda gikan sa kaiibutan sang kapawa manginkaupod nila, sin-o nga may yara nga pagpaubos sang tagipusoon naglaghap sang langitnon nga pagtuytoy.

[88] Ang Balaan nga Espiritu nagatib-ong kag nagahimaya sa Manlu-luas. Ini lya katungdanan sa pagpakilala kay Cristo, ang kahimpitan sang lya kinamatarung, kag ang lubos ka daku nga kaluwasan nga naangkon naton paagi sa lya. Si Jesus nagmitlang, “kay Sia mag-abaton sang akon inugsiling kag lya ini ipahayag sa inyo.” Juan 16:14Ang Espiritu sang kamatuoran amo lamang ang mabungahon nga manunudlo sang langitnon nga kamatuoran. Kon daw ano ang paghangad sang Dios sa katawohan kutob sang paghalad Niya sang lya Anak nga nagpakamatay para sa ila, kag nagbutang sang lya Espiritu para mangin Manunundlo sang tawo kag dalayon nga [89] manugtuytoy!



## Ang Kalabanan sang Pangamuyo

Sa paagi sang kinatubo kag bugna, paagi sa Iya balaan nga tuytoy, kag paagi sa pagkagamhanan sang Iya Espiritu, ang Dios nagahambal sa aton. Apang ini indi tuman; kinahanglan man naton ang pagbuhos sang aton mga tagipusoon sa Iya. Para kita may makaanggong sang kabuhi nga balaanon kag kusog, kinahanglan karon may paghangpanay kita sang langitnon nga Amay. Ang aton panghunahuna mahimo mabuyok sa Iya; mahimo magpanganginaw kita sa Iya mga buhat, sa Iya mga kaluoy, sa Iya pagkamaayo, apang ini indi sa kabug-osan nga paghangpanany kaupod Niya. Buot kta magkahangpanay sa Dios, may yara kita sang isa ka butang nga isiling sa Iya nahanungod sang aton karon nga kabuhi.

Ang parigamuyo amo ang pagbukas sang aton tagipusoon sa Dios subong sang sa isa ka abyan. Indi nga kinahanglanon, para magpakilala sa Dios nga kon ano kita, apang para pahanugotan kita sa pagbaton sa Iya. Ang pangamuyo indi nagadala papanaug sang Dios sa aton, kondi nagadala sa aton. pasaka sa Iya.

Si Jesus sang sa duta pa Sia, gintudlo-an Niya ang Iya mga gintutun-an kon ano ang pangamuyo. Gintudloan Niya sila sa pagpahayag sang Ila mga adlaw-adlaw nga mga kinahanglanon sa atubangan sang Dios. Kag itugyan nila tanan ang Ila palaligban. Kag ang pasalig nga ginahtag Niya sa Ila, nga ang Ila ginapangayo, pasalig man sa aton.

Si Jesus sa Iya kaugalingon, samtang nagapuyo pa Sia kaupod sang mga tawo, masami Sia magpangamuyo. Ang aton Maluluwas nagpakilala sang Iya kaugalingon kaupod sang aton mga kinahanglanon kag kaluyahon sa sina, nanginmanogpakiluoy, manogpangayo, nagalaghap sa Iya Amay, sang lab-as nga mga kinahanglanon nga ikasarang nga kon sa ano nga paagi makasulong. Sia, handa para sa Iya katungda' nan kag pagtilaw. Sia ang aton halimbawa sa tanan nga mga butang. Sia isa ka utod sa aton mga kaluyahon, “ginsulay Sia sa tanan nga bagay pareho sa aton, pero wala Sia mapakasala.” Hebro 4:15; apang subong sang isa nga walay

[90]

sala ang lya kinaugalingon nagisul sa kalautan; ginantus Niya ang mga paghimud-os kag pagpasakit sang lya kaugalingon sa kalibutan sang sala. Ang lya pagkatawo naghimo sang pangamuyo nga isa ka pagkakinahanglanon kag kinamatarung. Nakakita Sia sang kasulhayan kag kalipay sa pagpakig-angot sa lya Amay. Kag kon Manluluwas sang katawohan ng Anak sang Dios, nagbatyag sang kinahanglanon sang pangamuyo, daw ano pa kaiabi ang maluya, makasasala nga mamalatyon magbatyag sang pagkakinahanglanon sang hanuot kag, dalayon nga pangamuyo.

Ang aton langitnon nga Amay nagahulat sa paghatag sang kabugosan sang lya pagpakamaayo. Ini amo ang aton kalabihan sa paginom sang madamu sa tuburan sang walay dulonan nga gugma. Katingalahan nga nagapangamuyo kita sa labing kadiutay gid! Ang Dios handa kag maluyagon sa pagpamati sang matinutod-on nga pangmuyo sang labing kubos gid sang lya man anak kag bisan pa sina, may yara madamu nga pag alag-ag sa aton bahinsa pagpahayag sa Dios sang aton mga kinahanglanon. Ano ang maisip sang mga manununda sang langit sa kubos kag makalulu-oy nga katawohan nga maalagaron sa panulay, samtang ang tagipusoon sang Dios nga walay dulonan nga paghigugma nagalangot sa ila, handa sa padulot labi pa sang ila mapangayo ukon mapanghunahuna. kag san katapusan, kag labi ka diutay nga pagtuo? Ang mga manununda malipay magduko sa atubangan sang Dios; malipay sila magpalapit sa lya. Ginakabig nila ang pagpakigangot sa Dios nga ila labing mataas nga kalipay; kag sa katapusan ang mga anak sang kalibutan, nga amo naga-kinahanglanon sing labi sang bulig nga ang Dios lamang makahatag, nagapakita nga malipayon sa pagpangabuhi nga wala sing kapawa sa lya Espiritu, ang paginupdanay sang lya pagtambong.

Ang kadudulman ni Satanas nagapalibut sa ila nga nagapatumbaya magpangamuyo. Ang ginahutik nga mga pagsulay sang kaaway nagaganyat sa ila nga magkasala, kag ini tanan bangud kay indi nila ginagamit ang mga pagpalabi nga ginhatag sang Dios sa ila sa paagi sang langitnon nga kasugtanan sa pagpangamuyo. Ngaa nga ang mga anak nga lalake kag babae sang Dios nagapang-alag-ag magpangamuyo, nga ang pangamuyo amo ang panbukas sa kamot sang pagtuo oara mabuksan ang tambubo sang langit sa diin natang walay katapusan nga manggad sang Gamhanan sa tanan? Kon wala sang walay untat nga pangamuyo kag mapisan nga pagbantay, may yara

nga katalagman kita nga magmanginuyaya kita kag magtalang sa tadlong nga dalanon. Ang kaaway nagalaghap sa gihapon sa pagbalabag sang dalan sa duog sang kaluoy, diin ginapatawad ang sala, nga indi kita makahimo sa paagi sang hugot nga pagpangamuyo kag pagtuo makaagum sang bugay kag gahum sa pagsumpong sang panulay.

May yara nga pat-ud nga kahimtangan nga magapaabut kita nga ang Dios magsabat sang aton mga pangamuyo. Ang isa sang mga nahauna sini amo nga magabatyag kita sang kinahanglanon sang bulig gikan sa Iya. Nagpangako Sia, “Hatagan Ko sing tubig ang mamala nga duta, kag pailigon Ko ang tuburan sa desierto,” Isaias 44:3. Sila nga nagutom kag nauhaw sang kinamatarung nga nagahandum sa Dios, makasalig nga sia mabusog. Ang tagipusoon kinahanglan mabuksan sa gahum sang Espiritu, ukon bugay sang Dios indi mabaton. [92]

Ang aton daku nga kinahanglanon amo sa iya kaugalingon isa ka pangatarungan kag nagpahilway sang labing mapilitan sa aton kaayoohan. Apang ang Ginoo kinahanglan pangita-on para paghimo sini nga mga butang sa aton. Nagasiling Sia, “pangayo kag paghatagan kamo, pangita kag makakita kamo,” kag “Wala Niya gani ginpaiway ang Iya Anak, kundi nga Iya ginhalad para sa aton tanan! Kon ginhatag Niya sa aton ang Iya nga anak, indi bala ihatag man Niya sa aton sing maalwan ang tanan nga mga butang?” Mateo 7:7; Roma 8:32.

Kon pabayaon naton ang sala sa aton mga tagipusoon, kon magkapyot kita sa kon ano nga nahibaian naton nga sala ang Ginoo indi magpamati sa aton; apang ang pangamuyo sang mahinulsulon, masinulubon nga kafag gginabaton sa gihapon. Kon ang tanan nga nahibal-an nga sala gintadlong, makapati kita nga ang Dios magsabat sang aton mga ginapangabay. Ang aton kahimpitan indi gid makatugyan sa aton sa pagsakdag sang Dios; amo ang kama halon ni Jesus nga makaluwas sa aton, ang Iya dugo, nga makatinlo sa aton; bisan pa, may yara kita bulohaton nga himuon sa pagtuman sang tulumanon sang pagbaton.

Isa pa ka bahin sang pangamuyo nga nagapangibabaw amo ang pagtuo. “Wala sing tawo nga makapahamuot sa Dios kon wala sia sang pagtuo. Kay ang nagapalapit sa Dios sa dapat magtuo nga

may Dios, kag nagahatag Sia sing balus sa mga nagapangita sa lya.” Hebreo 11:6. Ginbaton naton Sia sa lya pulong?

[93] Ang pagpasalig masangkad kag walay latid, kag Sia mainonun-  
gon nga nagapangako. Kon indi naton mabaton ang mga butang  
nga ginapangayo naton, sa tion nga ginapangabay naton, magtuo  
kita sa gihapon nga ang Dios nagapamati, kag ang sabton Niya  
ang aton mga pangamuyo. Kita masaypon gid kag malip-ot ang  
panulok nga kon kaisa nagapangayo kita sang mga butang nga indi  
manginmaayo sa aton, kag ang aton langitnon nga Amay sa lya  
paghigugma nagasabat sang aton pangamuyo sa paghatag sa aton  
sang mga butang nga para sa aton labing mataas gid nga kaayohan  
— inang mga butang nga kita maghandum kon masanagan kita sang  
langitnon nga pananawon makakita kita sang tanan nga mga butang  
sa ila katunayan. Kon ang aton mga pangamuyo daw indi masabat,  
magkapyut kita sa panakga; bangud ang aton tion sang pagsabat  
matuod gid nga magabut, kag magabaton kita sang pagpakamaayo  
nga labing kinahanglanon gid naton. Apang ang pag-ako nga ang  
pangamuyo masabat sa gihapon sa pat-ud nga paagi kag sa pinasahi  
nga butang sa aton ginahandum, ina ang pagbugal. Ang Dios, Sia  
ang labi kaalam nga magkasayup, kag labi kaayo nga maghawid  
sang isa ka maayo nga butang gikan sa ila nga nagalakat sang matad-  
long. Sa.sina nga tion indi ka magkahadlok magsalig ka sa lya.  
Bisan pa indi mo mahangpan ang gilayon nga sabat sang imo mga  
pangamuyo. Magsalig ka sa lya masaligan nga panug-an, “Pangayo  
kag pagahatagan kamo. Mateo 7:7.

Kon pamatian naton ang aton pangduhaduha kag pagkahadluk  
ukon magtinguha maglubad sang tanan nga indi naton makita sing  
maathag, sa wala pa kita sang pagtuo, ang mga palaligban mag-  
dugang kag magdalom. Apang kon magpalapit kita sa Dios, nga  
nagabatyag nga dikasarang kag nagasalig, subong sang matuod na-  
ton nga kahimtangan, kag sa mapainulubon, nagasalig nga pagtuo  
ipahibalo ang aton mga kinahanglanon sa lya nga may kinaalam nga  
walay katapusan, nga nakakita sang tagsatagsa sa tinuga, kag Sia  
nagadumala sang tanan sa lya kabubut-on kag pulong, Sia makatatap  
sang aton panawag kag makapahanugot sang kapawa nga magsilak  
sa aton mga tagipusoon. Sa paagi sang matinutudon ga pangamuyo,  
nadala kira sa pagangot sa painoino sang Walay-Katapusan. Mahimo  
nga wala .kita pinasahi nga pamatuod sa tion nga ang nawong sang

aton mga Manunubos nagatamud sa ibabaw naton sa kaluoy kag paghigugma; apang ini ang matuod. Mahimo nga indi naton mabatyagan ang lya panandug, apang ang lya kamut yara sa aton nga may paghigugma kag may naagakahanuklog nga pagkalulo.

[94]

Kon-magpalapit kita sa pagpangayo sang kaawa kag bugay gikan sa Dios, kinahanglan may yara kita nga espiritu sang paghigugma kag pagpatawad sa aton kaugalingon nga mga tagipusoon. Sa ano nga paagi kita makapangamuyo, “Patawara kami sang amon mga sala subong nga ginapatawad namon ang mga nakasala sa amon,” Mateo 6;12 kag sa katapusan magpadayon sa madinumuton nga espirit? Kong ginapaabut naton nga ang aton nga pangamuyo masabat, magpatawad kita sa iban subong man nga paagi kag sa subong man nga kadaku, subong sang sa ginlaum naton nga kita patawaron.

Ang paghimud-os sa pagpangamuyo ginhimo nga kasugtanan sa pagbaton. Magpangamuyo kita sa gihapon kon kita mag-uswag sa pagtuo kag pinani-iran. Dapat kita “magparigamuyo sa tanan nga tion,” kag “magpadayon kamo sa pangamuyo nga may pagpasalamat sa Dios, kag magbantay kamo sajntang nagapangamuyo.” Roma 12:12; Colosas 4:2. Si Pedro naglaygay sa mga tumuluo para “magpugong kamo sa inyo kaugalingon kag magbinantayon, agud makapangamuyo kamo.” Si Pablo nagbilin, “Indi kamo magpalibug sang bisan ano. kundi sa inyo mga pagpangamuyo magpangayo kamo sa Dios sang inyo kinahanglan nga nagapasalamat sa gihapon.” I Pedro 4:7; Felipe 4:6. “Pero kamo mga hinigugma ko, “siling ni Judas” magpangamuyo kamosa gahum sang Espiritu Santo, kag tipige ang inyo kaugalingon sa gugma sang Dios.” Judas 20,21.

Ang dalayon nga pangamuyo amo wala upang nga paghiusa sang kalag sa Dios, para nga kabuhi gikan sa Dios magilig sa aton kinabuhi; kag gikan sa aton kinabuhi, kaputli kag kabalaan magilig pabalik sa Dios.

[95]

May yara kinahanglan sang pagkapisan sa pangamuyo; apang indi itugot ini sa pag-awat sa imo. Magpaniikasug ka sa pagpadayon nga buksan ang kaangtanan ninyo kay Jesus kag ang inyo kalag. Magpangita sang tagsa ka kahigayunan magkadto sa diin ang pangamuyo ginandan sa paghiwat. Ang nagapangita sang matuod nga kaangtanan sa Dios, makita sa tilipunan sang pagpangamuyo, mainalagdon sa paghimo sang ila katungdanan kag hugot kag nagakabalaka sa pag-agum sang tanan nga kaayohan nga maangkong.

Magpauswag sila sang tagsa ka kahigayunan sa pagpahamtang sa ila sa diin sila makabaton sang silak sang kapawa gikan sa langit.

Magpangamuyo kita sa kaupod sang aton panimamalay; kag labaw sa tanan, indi kita magpatumbaya sang tago nga pangamuyo bangud ini ang kabuhi sang kalag. Di-mahimo nga ang kalag mag bakud samtang ang pangamuyo napatumbayaan. Ang panimalay ukon pumuluyo nga pangamuyo lamang indi tuman. Sa pagkabal-aka itugtan ang kalag, ipahamtang nga bukas ang pag-usisa nga mata sang Dios. Ang tago nga pangamuyo amo ang mabatian lamang sang Dios nga nagapamati sang pangamuyo. Wala sang mabusisi-on nga dulunggan makabaton sang lulan sang sina nga mga pangabay. Sa tago nga pangamuyo ang kalag hilway sa mga palibut nga mga kaganyatan, hilway sa mga kinagamo. Sa matawhayon, apang mahimud-osen makakab-ot sa Dios. Matamis kag nagapabilin ang Iya kaganyatan nga nagausbong halin sa Iya nga makakita sa tago, ang kay sin-o dulunggan bukas sa pagpamati sang pangamuyo nga nagasubang halin sa tagipusoon. Paagi sa matawhay, ahaw nga pagtuo, ang kalag nagapadayon sang kaangtanan sa Dios, kag nagatipon sa Iya kaugalingon, nagasilak sanglangitnon nga kapawa para sa pagpalig-on kag pagsakdag sina sa pagsumponganyay kay Satan. Ang Dios amo ang aton mabakud nga palanaguan.

[96]

Magpangamuyo ka sa sulod sang imo hulot; kag sa pagiakat mo sa imo adlaw-adlaw nga pagpangabudlay, pahanugutan mo ang imo tagipusoon nga magmasunson itib-ong sang Dios. Sa subong sina nga si Enok nagpangabuhi kaupod sang Dios. Ining mahipus nga mga pangamuyo nagapasaka pareho sang insenso sa atubangn sang lingkuran sang bugay. Si Satan indi makadaug sa Iya kay sin-o tagipusoon subong sini nagapabilin sa Dios.

Wala sang tion ukon duog nga di-bagay sa paghalad sang pagpakiluoy sa Dios. Wala sing bagay nga makapugong sa aton sa pagtib-ong sang aton mga tagipusoon sa espiritu sang hugot nga pangamuyo. Sa mga guban sang dalanon, sa tunga sang palatikan-gan sang pagsugtanay, mahimo nga makabungat kita paibabaw sang pangabay sang Dios, kag magpakiluoy sang langitno nga pagtuytoy, subong sang ginhimo ni Nehemias sang naghimo sia sang pangabay sa atubangan ni Hari Artajerjes. Ang hulot sang pagpaki-angot mahimo kita bisan diin nga yara kita. Kinahangkan ang ganhaan sang aton tagipusoon mabuksan sa gihapon, kag ang aton pagagda

nagapaibabaw nga si Jesus magkari kag magpabilin subong sang langitnon nga inagda sa aton kinabuhi.

Bisan pa nga may yara nga nadagtaan, mahigko nga taliwala nagapalibut sa aton indi kinahanglan nga ginhawaon naton ang iya alisngaw, kundi mahimo nga makapangabuhi kita sa putli nga hangin sang langit. Mahimo matakpan naton ang tagsatagsa kaganhaan sa mahigko nga pangdahumdahum kag di-balaan nga panghuhuna sa paagi sang kinabuhi sa atubangan sang Dios sa paagi sang matinud-on nga pangamuyo. Sila nga kay sin-o mga tagipusoon nga bukas para pagbaton sang bulig kag pagkamaayo sang Dios magapangabuhi sa labing balaan nga kahigayunan sang sa yara sa kalibutan, kag makaagum sang dalayon nga kaangtanan sang langit.

Kinahanglan naton makatagiya sang labing maathag nga pananawon sa Kay Jesus kag labing lubos nga paghangup sang bili sang walay katapusan nga kamatuoran. Ang katahum sang pagkabalaan amo ang magpuno sang mga tagipusuon sang mga anak sang Dios; kag sa sina ini mahimo matuman magpangita kita sang Diosnon nga mga pahayag sang langitnon nga mga butang.

[97]

Ipahanugot nga ang kinabuhi ihilahon pagua kag paibabaw, nga ang Dios mahimo magtugot sa aton isa ka ginhawa sang langitnon nga talikala. Mahimo nga magpalapit kita sa Dios nga sa tagsa ka mga di-ginapaabut nga pagtilaw ang aton mga paino-ino magliso sa lya sa una nga paagi subong sang bulak nga nagaliso tuhoy sa adlaw.

Itugyan mo ang jmo nga ginatinguha, ang imo mga kalipayan, amg imo mga kasubo, ang imo kabalaka, ang imo mga kahadluk sa atubangan sang Dios. Indi ka makapabugat sa lya; indi ka kapakapoy sa lya. Sia, nga nagaisip sang mga buhok sang imo ulo indi nagapasapayan sa mga kinahanglanon sang lya mga kabataan. “Ang Ginoo maluluy-on kag mainawaon.” Santiago 5:11.

Ang tagipusoon sang paghigugma natandug sang aton mga kalisud, kag bisan lang sa paagi sang ginhambal bangud sina. Dalhon mo sa lya ang tagsatagsa nga nagapalibug sa kaisipan. Wala sang labi ka daku para sa lya sa pagpas-an, bangud Sia ang nagauyat paibabaw sang tanan nga kalibutan. Sia ang nagadumala sang tanan nga mga kahilabtanang sang kalibutan. Wala sang butang nga nagapasilabut sang aton paghidaet nga labing diutay para sa lya pagmutik. Wala sang bahin sa aton gin-agnan nga madulom gid para sa lya pagbasa; Wala sang palaligban nga mabudlay gid para sa

[98] iya paglubad. Wala sang kalalat-an nga matabu sa lya manubo gid nga mga anak, Wala sang pagkabalaka magsabad sa kinabuhi, wala sjng kadyahan nga maglipay, wala sing matinutud-on nga pangamuyo makaluwas sa mga bibig, nga ang aton langitno nga Amay di-mapanilagon, ukon sa butang nga wala Sia maghatag kalabtanan sa gilayon. “Ginbugkusan Niya ang ila mga pilas.” Salmo 147:3. Ang mga kalabtanan nga naga-ulot sa Dios kag tawo subong kaathag kag bugos katulad nga wala na sang iban pa nga kalag sa ibabaw sang duta nga ipagbahin Niya ang lya pagbantay, wala na sang isa pa ka kalag sa kay sin-o gintugyan Niya ang lya hinigugma nga Anak.

Si Jesus -nagpulong “mangamuyo kamo sa lya sa Akon ngalan, kag wala Ako nagasiling nga kinahanglan nga magpangayo Ako sa Amay para sa inyo. Kay ang Amay mismo nagahigugma sa inyo.” “Indi kamo ang nagpili sa Akon, kundi Ako ang nagapili sa inyo. — Dayon ang Amay nagahatag sa inyo bisan ano ang inyo pangayun sa Akon ngalan.” Juan 15:16. Apang sa pagpangamuyo sa pangalan ni Jesus amo ang butang nga labi sang sa isa ka paghinambit sang sina nga pangalan sa sugod kag katapusan sang pagpangamuyo. Ina amo ang pagpangamuyo sa paino-ino kag balatyagon samtang nagatuo kita sang, lya bugay kag magbuhat sang lya mga buluhaton.

Ang Dios indi nagapahangop nga bisan sin-o sa aton magbalaynon ukon maghuko kag mag-isul gikan sa kalibutan, para magpangamuyo lamang. Ang kabuhi dapat manginkatulad sang kabuhi ni Cristo — sa gintung-an sang bukid kag katawohan. Sia nga wala sing ginahimo kundi magpangamuyo sa indi madugay maguntat sia magpangamuyo, ukon ang iya pangamuyo magmangin matul-id nga buluhaton lamang. Kon ang mga tawo indi mamainabianon, malayo sa sinakupan sang Cristiano nga katungdanan kag sa pagpas-an sang krus: kon sila maguntat magpangabudlay sing matuodtuod sa Agalon, nga nagapangabudlay sing matuodtuod para sa ila, madula nila ang tuluyoon sang pangamuyo, wala sila sang kakunyag sa pagpangamuyo. Ang ila pangamuyo nangin kaugalingon kag maiyayahon. Indi sila makapangamuyo nahanungud sa [99] mga kinahanglanon sang katawohan ukon sa pagtukod sang kaharian ni Cristo, nga nagapakiluoy sang ikasarang para sa pagpangabudlay.

Maga ntus kita nga madulaan kon magpatumbaya sang aton kalabihan sa pagliupod para pagpabaskug kag pagpaisug sa isa kag isa sa aton pagalagad sa Dios. Ang mga kamatuoran sang lya Pulong



madulaan sang ila kaathag kag kahulogan sa aton panghunahuna. Ang aton mga kasing-kasing maguntat sa pagbaton sang kapawa kag dimapukaw sang ila makabalaan nga kagamhanan, kag mamudmod ang aton pagkabalaan. Sa aton paghiliupod subong mga cristiano, nadulaan kita sing daku bangud kulang sa kaluoy sa isa kag isa. Sia nga nagabukot sang iya kaugalingon sa iya kaugalingon, indi nagaalagad sa katungdanan nga ginhatag sa iya sang Dios nga amo ang himuon niya. Ang nagakaigo nga pagpauswag sang paghiupod nga mga butang sa aton kinaiya nagabuyok sang aton kaluoy sa iban, kag isa ka paagi sa kauswagan kag kalig-onan sa aton pangabudlay sa Dios.

Kon ang mga Cristiano magtililingub sa pagalinton sa isa kag isa nahanugod sang gugma sang Dios, kag sang bahandianon nga mga kamatuoran sang pagtubos, ang ila kaugalingon nga mga tagipusoon magmangin mabaskug kag mapabaskug nila ang isa kag isa. Mahimo nga sa adlaw-adlaw magtuon kita sing kapin sang aton langitnon nga Amay, maga angkon sang dalisay nga ginagihan sang lya bugay; dayon mag handum kita mag pulong sang lya gugma; kag paghimo naton sini ang aton mga tagipusoon mangin maalabaab kag magmaisugon. Kon nagnosis kag nagpulongpulong kita nahanungud sa kay Jesus, kagdiutay lamang sa aton kinaugalingon magaangkon kita sing labi pa sang lya kinaugali.

Kon kita maghandum apang magpanumdum sa Dios subong sing masunson, nga may yara kita nga pamatuod sang lya kabalaka sa aton paghuotan naton Sia sa aton panumduman, kag magkalipay maghambal nahanungod sa lya kag madayaw sa lya. Maghambal kita sang mga butang nga umalagi bangud kay may kabalaka kita sa sina. Nagahambal kita sang aton mga abyan bangud kay nahigugma naton sila; ang aton mga kasadyahan kag mga kasubo nabug-os sa ila. Sa gihapon may yara kita nga walay latid sing kadaku nga katarungan sa paghigugma sa Dios sang sa maghigugma sang atong dutan-on nga mga abyan; ina ang labing duna nga butang sa kalibutan nga paghimuon Sia nga una sa aton tanan nga paino-ino, maghanbal sang lya kinaayo kag magsugid sang lya kagamhanan. Ang mga malahalon nga dulot nga ginhatag sa aton indi gintuyo nga magbutong sang a-ton mga panghunahuna kag paghigugma sang lubos kaayo nga wala na kita mahatag nga mabilin sa Dios; ina magpahanumdum sa atong sing dalayon sa lya, kag magkaantanay

[100]

sila sa aton sa mga pagpasalig sang paghigugma kag kabalaslan sa aton langitnon nga Mananabang. Nagapuyo kita nga malapit gid kaayo sa mga kapatagan sang kalibutan. Ibayawon naton ang aton mga mata sa bukas nga ganhaan sang balaan nga dalangpan sa langit, sa diin ang kapawa sang kahimayaan sang Dios nagasilak sa nawong ni Cristo, sin-o nga “makasarang sia magluwas sa pagluwas karon sa gihapon, sang mga nagakari sa Dios paagi sa lya.” Hebreo 7:25.

Kinahanglan naton magdayaw sa Dios sing labi “tungod sang lya mapinadayunon nga gugma, tungod sang makatilingala nga mga butang ginhimo sa ila.” Salmo 107:8. Ang aton palasundan sa pagpangamuyo indi maglakip sa kabilogan sa pagpangayo kag pagbaton. Indi kita sa dalayon mag isip sang aton mga luyag nga pangayuon, kag indi gid sang mga kapuslanan nga aton mabaton. aindi kita magpangamuyo sing bisan ano ng dugang, kon kita mainot sa pag hatag sang pasalamat. Kita ang dalayon nga manugbaton sang mga kaluoy sang Dios, kag sa gihapon daw ano ka diutay nga kabaslan nga aton ginapakita sa lya sang sa ginhimo Niya sa aton.

[101]

Sadto nga mga panahon ang Ginoo nagsugo sa Israel, kon magtipon sila nahanungod sa lya buluhaton, “Didto sa atubangan sang Ginoo nga inyo Dios, kamo kag ang inyo mga pamilya magkaon kag magkalipay tungod sang maayo nga mga butang nga ginhatag sa inyo sang Ginoo.” Deuteronomio 12:7. Ang butang nga nahimo para sa kahimayaan sang Dios dapat himuon nga may pagkamasinadyahon, may mga ambahnon sang pagdayaw kag pagpasalamat, indi nga may kasubo kag kaburingot.

Ang aton Dios amo ang isa ka mapinalanggaon, maluluy-on nga Amay. Ang lya buluhaton indi dapat pagtamdan nga isa ka makangilitngit, makakalagha nga palasundan. Dapat isa ka kasadyahan ang pagdimba sa Dios kag magpakigbahin sa lya buluhaton. Ang Dios indi magbutang sang lya mga anak, nga gintigan-an Niya sing daku nga kaluwasan, nga mahimo Sia nga daw mabudlay, matulid nga manogdumala. Sia ang ila labing maayo nga abyan; kag kon magsimba sila sa lya. ginapaabut Niya nga magmakigupod Sia sa ila. sa pagkamaayo kag paglipay sa ila, magpuno sang ila tagipusoon sang himaya sang gugma. Ang Dios nagahandum nga ang lya mga anak magmalipayon sa lya buluhaton. kag makakita sang dugang pa nga kalipayan sang sa kahul:anan sa lya buluhaton. Ginahandum Niya magdala sila gikan sa lya sang mahalalon nga mga

panghunahuna sang lya pagkabalaka kag paghigugma, nga sila kon mahimo magakalipay sa ila tanan sa ila adlaw-adlaw nga palangitan-an sa kabuhi, nga sila magangkon sing dalisay nga kabubut-on sa pagsugata sang tanan nga mga butang sa maligdong kag matinuohon nga paagi.

Dapat kita magtipon palibut sa krus. Si Cristo nga Sia ginlansang sa krus kinahanglan amo ang tulong-an nga aton ipagpamalandong, ang aton halambalanon, kag ang aton labi gid ka malipayon nga balatyagon. Ihuptan naton sa aton mga paino-ino ang taga ka pagkamaayo nga mabaton naton gikan sa Dios, kag kon matalupangdan naton ang lya daku gid nga gugma, kinahanglan kita magmaluyagon sa pagsalig sang tanan sa kamut nga ginalansang sa krus bangud sa aton. [102]

Ang kalag mahimo magkayab nga labing magmalapit sa langit sa mga pakpak sang pagdayaw. Ang Dios ginasimba paagi sa mga balaan nga ambahanon kag lanton sa palibut sang lingkuran sang Dios sa langit, kag subong sang aton pagbungat sang aton pagpasalamat, nagapalapit-lapit kita sa pagsimba sang mga langitnon nga kadam-an. “Ang mga pagpasalamat amo ang halad nga nagapadungog sa Akon,” Salmo 50:23. Himuon naton magpalapit sa atubangan sang aton Dios nga may pagtahud nga kalipay nga may “ambahanon sang pagdayaw kag pagpasalamat sa Akon.” Isaias 51:3. [103]

## Ano ang Himuon sang Pangduhaduha

Madamu, labi na gid sila nga mga bata pa sa kabuhi nga Cristiano, kon kaisa may panahon nga matublag ang ila planghunahuna sang pangduhaduha. May yara sa Balaan nga Kasulatan nga madamu nga mga butang nga indi nila maathagan ukon mahangpan, kag si Satanas nagagamit sini para mag-uyog ang ila pagtuo sa Mga Kasulatan subong nga isa ka bugna gikan sa Dios. Nagapamangkot sila, “Paano ako makahibalo sang tadlong nga dalan? Kon ang Balaan nga Kamatuoran amo ang matuod nga Pulong sang Dios, paano ako makaluwas gikan sining mga pangduhaduha? Ang Dios dili nagahinyo nga magtuo kita nga wala nagahatag sang tuman nga pamatuod sa diin mapasandigan naton ang pagtuo. Ang iya pulong, tanan ini natukod paagi sa panaysayon nga nagatalupangud sang aton katarungan, kag ini nga panaysayon bugana. Bisan pa sina ang Dios indi gid naggihit sang kahigaguyan sang pangduhaduha. Ang aton pagtuo dapat matukod sa kamatuoran, indi sa paagi sa pagpasundaya. Sa ila nga maluyag magpangaduhaduha magabaton sila sining kahigayunan: samtang sa ila nga nagahandum gid nga makahibalo sang kamatuoran. makatukib sang buganan nga pamatuod sa diin sila makatukod sang ila nga pagtuo.

[104] Ini indi mahimo sa walay kapt-uran nga mga kaisipan sa paghangup sang lubos sang kinaugali ukon mga bulohaton sang Isang Walay-Katapusan. Sa labi gid katul-id nga kaalam, ang labi gid kataas nga gintudluan nga kaisipan, ina nga balaan nga Nagak-abuhi dapat dalayon magpabilin nga nasul-oban sang katanghagaan. “Matungkad mo bala ang kadaku kag gahumsang Dios? Ang Dios sobra pa sa langit, labaw pa sa langit — ang Dios nakahibak sang kalibutan sang mga patay, pero wala ka makahibalo sini.” Job 11:7,8.

Si Apostol Pablo nagtuaw, “Daw ano kadalum ang lya kaalam kag ihibalo! Sin-o bala ang makasaysay sang lya paghukom? Sin-o bala makahangup sang lya paagi?” Roma 11:33. “Ang mga panganod kag kadudulman yara sa palibut Niya: ang lya ginharian napasad sa katarungan kag hustisya.” Salmo 97:2. Luwas pa

sina, makahangup kita sang Iya mga pagdumala sa aton, kag ang mga tinutuyo nga katuyuan Niya para sa makahimutad kita sang Iya walay dulonan nga paghigugma kag kaluoy sa aton, nagtingub sa Iya nga may walay katubtuban nga kagamhanan. Makahangup kita sini sa aton luyag sang Iya mga katuyuan, bangud ini para sa aton kaayohan kag dapat naton mahibalo-an; kag luas sini, kinahanglan kita magsalig sa kamut nga gamhanan sa tanan, sa tagipusoon nga puno sang paghigugma.

Ang Pulong sang aton Dios tulad sang kinaugali sang langitnon nga Tagsulat, nagapahayag sang katanghagaan nga indi gid mahangpan sing lubod sang may kapat-uran nga mga nagakabuhi. Ang pagsulod sang sala sa kalibutan, ang pagkatawo ni Cristo, paguswag, ang pagbanhaw, kag madamo pa nga iban nga tulon-an nga napahayag sa Kasulatan, amo ina ang mga katanghagaan nga dugang gid kadalum para sa tawonhon nga paino-ino ipaathag, ukon bisan pa, mahangpan sing bug-os. Apang wala kita kabangdanan nga magpangduhaduha sang Pulong sang Dios bangud kay indi kita makahangup sang katanghagaan sang katanhagaan sang Iya balaan nga tuytoy, sa kinatubo nga kalibutan una kita nga ginapalibutan sang mga katanghagaan nga indi naton matungkad. Ang labi gid ka kubos nga mga buhat sing nagakabuhi nagapakilala sang tulugmanon nga ang mga labi gid ka maalam nga manugbuko nagwalay gahum magpaathag. Bisin diin yara ang mga katingalahan nga malayo sa aton ighalangup. Dapat bala kita matingala sa pagtukib nga sa balaan nga kalibutan may yara nga mga katalanhagaan nga indi naton matungkad? Ang kaiwatan yara lamang sa kaluyahon kag kakitid sang tawonhon nga panghunahuna. Ang Dios naghatag sa aton sa kasulatan sing tuman nga pamatuod sang Ila langitnon nga pinasahi kag indi kita magpangduhaduha sang Iya Pulong bangud kay indi kita makahangup sang tanan nga katalanhagaan sang Iya pagtuytoy.

Si Apostol Pedro nagasiling nga may yara sa Kasulatan nga “may mabudlay nga mga butang sa iya mga sulat nga indi husto ang pagsaysay sang wala makahibalo kag mahuyang nga mga tawo — Gani nagadala sila sang kalaglagan sa Ila kaugalingon.” 2 Pedro 3:16. Ang kabudlayan sang Kasulatan ginapilit sang mga mapangduhaduhaon subong pangatarungan batuk sa Balaan nga Kasulatan; apang tubtub karon gikan sini, sila nagatindug nga mabakud nga

[105]

pamatuod sang Iya langitnon nga bugna. Kon ina indi nagalakip sang paathag sang diosnga indi naton madali mahangpan; kon ang Iya pagkadaku kag pagkadungganon mahangpan sang may kapat-uran nga panghuna-huna sa sina nga tion ang Balaan nga Kasulatan indi nagdala sang maathag nga pamatuod sang langitnon nga kagmhanan. Ang tunay nga pagkataas kag katanhagaan sang mga tulun-an nga ginpahayag, kinahanglan magpasilabo sang pagtuo sa sini nga amo ang Pulong sang Dios.

[106] Ang Balaan nga Kasulatan nagabukas sang kamatuoran nga may pagkabunayag kag himpit nga pagpaanyu sa mga kinahanglanon kag mga paghandum sang tawonhon nga tagipusoon, nagpakahalawhaw kag nagpalumay sang labi gid ka mataas nga may pinaiiran nga mga panghunahuna samtang ini nagapahanugot sa mga manubo kag wala tinun-an sa pagmutik sang dalan sang kaluwasan. Kag luas pa sini, ining mga bunayag nga ginpahayag nga mga kamatuoran nagapanagiyahan sang mga tulun-an tungod sina walay pat-ud sa unhan sang ikasarang sa paghangup sang tawo, nga mabaton naton ina lamang apang ang Dios nagbantala sina. Bangud sina ang huluwaran sang pagtubos ginapahamtang nga hayag sa aton, para nga ang tagsatagsa ka tawo makakita sang mga tikang nga himuon niya sa paghinulsol sa Dios, kag pagtuo sa aton Ginoo Jesu\_Cristo, para maluas sa paagi nga kaugalingon sang Dios; luas pa sina sa idalum sining mga kamatuoran nga tama gid kahapus mahangpan nagahamyang ang mga katalanhagaan nga amo ang gintaguan sang Iya himaya — mga katalanhagaan nga nagalutos sang panghunahuna sang iya pagpangusisa, luas pa sina nagapabaskog sa matinud-on nga nagapangita sang kamatuoran nga may paghankad kag pagtuo. Sa dugang pa nga pagtungkad sang Balaan nga Kasulatan. ang labing madalum pa ang iya pagsalig nga ina amo ang Pulong sang buhi nga Dios, kag ang tawonhon ga katarungan magduko sa atubangan sang Kamahalan sang langitnon nga bugna.

Sa pagkilala nga indi kita makahangup sing lubos sang mga daku nga kamatuoran sang Kasulatan nagasugot nga ang may dulonan nga pagisip kulang sa paghangup sang bagay nga walay dulonan; ina nga tawo may latid ang iya tawonhon nga kinaalam kag indi makahangup sang mga katuyuan sang may pagkaalam sa tanan nga butang.

Bangud kay indi sila makatungkad sang lya tanan nga mga talinhaga, ang mapangduhaduhaon kag ang di tumuluo nagasikway sang Pulong sang Dios; kag indi tanan nga nagaangkon nga nagatuo sa Kasulatan luas sa katalagman sa sini nga katuyuan. Ang Apostol nagasiling, “Magandam kamo nga wala sine isa sa inyo nga may malaut kag indi matinuohon, nga tagipusoon, sa bagay nga nagapahilayo sia sa Dios nga buhi.” Hebreo 3:12. Ina nagakaigo nga magtuon sing mainamligon sang mga panuflo sang Balaan nga Kasulatan, kag magusisa “sang tanan, bisan ang indi matungkad nga tinutuyo sang Dios,” 1 Corinto 2:10, nga nabutyag sa Kasulatan. Samtang, “May secreto nga wala ginapahayag sang Ginoo nga aton Dios.” “Pero ginapahayag Niya ang lya Kasuguan, kag kita kag aton mga kaliwat dapat magtuman sini sa walay katapusan.” Deutoronomio 29:29. Apang buhat ni Satanas magpatalang sang mga kagamhanan sang panghunahuna sa pagusisa. May yara pat-ud nga pagkamatinaastason nga nagasimpon sa pagtulutimbang sang mga kamatuoran sang Kasulatan, nga ang mga tawo nagabatyag sang pagkamatinalk-on kag pagkalutos kon indi sila makapaathag sang tagsatagsa ka bahin sang Kasulatan sa ila sa kabulusgan. Ina napakahuya gid kaayo sa ila sa pagbaton nga sila indi makahangup sang binugnaan nga mga pulong. Dili sila riagsugot nga maghulat sing mapailubon tub-tub nga angcios makabanta sa pagpahayag sang kamatuoran sa ila. Ginabatyag nila nga ang ila walay bulig nga kinaaalam tuman nga makahatag sa ila sang kapawa nga makahangup sang Kasulatan, kag kon mapaslawan sang paghimo sini ang gua sina, indi sila magkilala sang lya kagamhanan. Matuod nga may damu nga mga pagtulotimbang kag mga pagtuo nga sa paghangup sang iban nga mga tawo nga naghaling sa Balaan nga Kasulatan nga wala sing sadsaran sa ila panudlo, kag sa pagkatutuo batuk sa bug-os nga kahulogan sang bugna. Ining mga butang nanginkabandan sang pangduhaduha kag palaligban sang mga kadamuan nga mga panghunahuna. Inid sila, hininuo, may salabton sa Pulong sang Dios, kundi sa paglubag sina sang tawo.

[107]

Kon mahimo lamang sang mga gintuga nga nagakabuhi sa pagababut sang bug-os nga paghangup sang Dios kag ang lya mga binuhatan, sa madason, pagkatapos nalambut ini nga tuyoy, wala sila sang dugang pa nga katukiban sang kamatuoran; wala sang panghunahuna ukon kasingkasing. Ang Dios indi na manginlabin mataas;

[108]

kag ang tawo, nakaabut na sang dulonan sang kinaalam kag nadangatan, maguntat sa pagpadayon. Magpasalamat kita sa Dios, nga indi amo ina. Ang Dios walay katapusan; sa lya ang “yabi nga nagabukas sang tanan nga tinago nga manggad sang kinaalam kag ihibalo sang Dios.” Colosas 2:3, kag sa bugos nga katubtuban ang mga tawo mahmo nga magpadayon sa pagusisa, padayon pagtuon, kag bisan pa sina, indi mahubsan ang mga manggad sang lya kinaalam, ang lya pagkahimpit ang lya kagamhanan.

Ang Dios nagapanuyo nga bisan diri sini nga kinabuhi ang kamatuoran sang lya Pulong maghumlad sa dalayon sa lya mga katawohan. May yara isa lamang ka paagi nga ining kinaalam madangat. Makaabut kita sa paghangup sang pulong sang Dios lamang paagi sa pagpathag sang Espiritu sa sina nga paagi, ang Pulong gindulot, “Kon parti sa tawo, ang iya mismo espiritu nga yara sa sulod niya amo ang nakahibalo sang tanan nahanungod sa iya. Sa amo man nga bagay, ang Espiritu gid lang sang Dios amo ang nakahibalo sang tanan nahanungod sa Dios.” “Ang Espiritu nagausa sang tanan, bisan ang indi matungkad nga mga tinutuyo sang Dios.” I Corinto 2:10. Kag pangako sang Manlulus sa lya mga sumolunod amo ini, “Pero kon magaabot ang Espiritu sang kamatuoran Sia magtuytoy sa inyon sa bug-os nga kamatuoran, — kag Sia magbaton sang Akon iriusiling kag lya ini ipahayag sa inyo.” Juan 16:13, 14.

[109] Ang Dios nagalankag sa tawo nga maghanashanas sang lya ikasarang nga pangatarungan; kag pagtuon sang Balaan nga Kasulatan magapabakud kag magtib-ong sang kaisipan subong sang wala nga tion nga tinun-an makasarang. Bisan pa sina, magandam kita sa pagsimba sa katarungan, nga sakup sang kasaypanan kag kaluyahan sang katawohan. Kon indi kita magbaton nga ang Kasulatan naggal-um sa aton paghangup, nga ang mga hayag kaayo nga mga kamatuoran indi maathagan, may yara kita nga may kahapusan kag pagtuo sang diutay nga bata, handa magtuon. kag nagapakiuoy sang bulig sang Balaan nga Espiritu. Ang pamatyag sang gahum kag kinaalam sang Dios kag aton di-ikasarang sa paghangop sang lya pagkadaku, dapat magpasilabo sa aton sa pagpaubos, kag dapat magbukas kita sang lya Pulong, subong sang sa mag palapit kita sa lya atubangan nga may balaan nga pagkahadluk. Kon magpalapit kita sa Balaan nga Kasulatan, ang katarungan magkilala sang isa ka gamhanan nga labing matatas sa iya kaugalingon, kag ang tagipu-



soon kag kaalam dapat magduko sa waiay katapusan nga SI AMO AKO. .

May yara madamu nga mga butang sa kahimutaran nga mabudlay ukon makalilibug nga ang Dios makahimo mapaathag kag mapabunayag sa mga tawo nga nagapangita bangud sina sang paghangup. Apang kon wala sang Balaan nga Espiritu sa gihapon magmangin may salabton kita sa paglubag sang Kasulatan ukon paghangup sing sayup. May yara nga madamu nga paglubad sang Balaan nga Kasulatan nga wala sing kapuslanan kag sa madamu nga mga halimbawa nga isa ka pat-ud nga kasamaran. Kon ang Pulong sang Dios ginabuksan nga wala sing paghangad kag wala sing pangamuyo; kon ang mga panghunahuna kag mga pagkalulo indi na pahamtang sa Dios, ukon nakapagkisantu sa iya kabubuton, ang pagisip nagaluman sang pangduhaduha. Kag sa tutuo nga pagtuon sang Balaan nga Kasulatan, ang pangduhaduha magligon. Ang kaaway magagaw sang pagbulut-an sang mga panghunahuna, kag magpanugyan sia sang mga paglubad nga indi tadlong. Kon anong tion ang mga tawo indi tama sa pulong kag sa buhat nagapangita sang pagpakighangpan sila ayhan sa ila paghangup sang Kasulatan. kag indi kita mahilway sa pagsalig sa ila mga paathag. Ina sila nga nagabilid sang mga Kasulatan para mapangita sang mga pagsalangsang, wala sing balaanon nga ighalangup. Kaupod sang ila linubag nga ighalangop makita nila ang mga kabangdanan sang pangduhaduha kag di-pagtuo sa mga butang nga tunay nga maathag kag bunayag.

[110]

Itago mo subong sang ginahimo nila. ang tunay nga kabangdanan sang pangduhaduha kag di-pagtuo, sa kalabanan nga hitabo.amo ining gugma sa kasal-anan. Ang mga panudlo kag mga pagdumili sang Pulong sang Dios indi ginabaton sing malipayon sang mga bugalon, mahigugmaon sang sala nga tagiposoon, kag sila nga maluyagon magsunod sang iya mga kinahanglanon amo ang handa sa pagduhaduha sa lya gahum. Para makaabut sa kamatuoran maghupot kita sang matinutud-on nga handom sa paghibalo sang kamatuoran. kag may kaluyagon sang tagiposoon sa pagtuman sina. Kag ang tanan nga nagapalapit sa painoino nga magtuon sang Balaan nga Kasulatan. makakita sang bugana nga pamatuod nga ina Pulong sang Dios, makadangat sila sa paghangup sang iya mga kamatuoran nga makahiwat sa ila nga mangin maalamon tubtub sa kaluwasan.

Si Cristo nakabungat. “Ang bisan sin-o nga luyag magtuman sang kabubut-on sang Dios makahibalo kon ining akon ginatudlo gikan sa Dios ukon akon-akon lamang.” Juan 7:7. Sa baylo sang pagpang-usisa kag pagpamatuk nahanungud sang butang nga indi mo mahangpan. magpamati ka sa kapawa nga nagasilak na sa imo. kag magabaton ka sang labi kadaku nga kapawa. Sa bugay ni Cristo himuon mo ang tagsa nga katungdanan nga ginhimo nga mahapus sa imo paghangup kag ikaw hatagan sang paghangup kag pagbuhat sadto nga mga butang nga ikaw nagpangduhaduha sa karon.

[111] May yara nga pamatuod nga bukas sa tanan — ang labi gid nga mataas nga gintun-an, kag labi gid sa ihibalo — ang pamatuod sang pinanilagan. Ang Dios nagaagda sa aton nga magpamatuod sa aton kaugalingon ang kamatuoran sang Iya Pulong, ang pagkamatuod sang Iya mga pangako. Nagpangabay Sia ‘Tilawi kag tan-awon ninyo kon daw ano kaayo ang Ginoo. Bulahan ang tawo nga nagadangupsa Iya.” Salmo 34:14 Sa baylo sang pagsalig sa pulong sang iban kinahanglan magtilaw kita para sa aton kaugalingon. Nagpahayag Sia “Pangayo kamo kag kamo magbaton,” Juan 16:24. Ang Iya mga panug-an matuman. Indi gid sila nagpaslaw; indi gid sila mapaslawan. Kag sang lumapit kita sa kay Jesus, kag magkalipay sang pagkabug-os sang Iya pahigugma, ang aton pangduhaduha kag kadudulman magmangin dulaan sa kapawa sang Iya himaya.

Si Apostol Pablo nagsiling nga ang Dios “Kay ginluwas Niya kita gikan sa gahum sang kadudulman kag ginhaylo kita sa kaharian sang Iya mahal nga Anak.” Kag ang tagsatagsa nga nakaagi gikan sa kamatayan pakadto sa kina.buhi makasarang “magpamatuod paagi sini nga ang Dios matuod,” Juan 16:24. Sia makapamatuod sini “Kinahanglanon ko ang bulig, kag nakita ko kay Jesus. Ang tanan nga kinahanglanon ko natuman, ang akon kalag nabusog: kag karon ang Balaan nga Kasulatan amo ang tagna ni Jesu-Cristo. Magpamangkot ka ngaa nagatuo ako kay Jesus? — Bangud kay Sia sa akon ang Langitnon nga Manluluas. Ngaa nagapati ako sa Balaan nga Kasulatan? Bangud kay natukiban ko nga ina ang tingog sang Dios sa akon kalag.” Mahimo nga may yara kita nga pamatuod sa aton kaugalingon nga ang Balaan nga Kasulatan tutuo, nga si Cristo amo ang Anak sang Dios, Nahibalo kita nga indi kita nagasunod sang malag-it nga tinukib nga mga patuga.

Si Pedro nagapanagubilin sa iya mga kauturan nga “Sa baylo magpadayon kamo sa pagtubo sa gracia kag pagkilala sang aton Ginoo kag Manluluas nga si Jesu- Cristo.” 2 Pedro 3:18. Kon ang mga katawohan sang Dios nagatubo sa bugay, magadalayon sila maka angkon sang labing maathag nga panghangup sa Iya Pulong. Makahimutad sila sang bag-o nga kapawa kag katahum sa iya balaan nga mga kamatuoran. Ini may ara nga kamatuoran sa kasaysayan sang simbahan sa tanan nga mga panahon, kag sa subong sini magpadayon tubtub sa katapusan. “Ang dalanon sang matarung kaangay sang pagbutlak sang adlaw nga nagasanag tubtub nga adlaw na.” Hulubaton 4:18. [112]

Paagi sa pagtuo makala-aw kita sa palaabuton kag makahangup sang panug-an sang Dios para sa pagtubo sang kaalam ang tawonhon nga mga ihibalo nga nagahiliugyon sa langitnon, kag ang tagsat-gsa kaigalahum sang tawo nadihon sa bunayag nga pakig-angot sa Pamuno sang kapawa. Mahimo kita magkalipay nga ang tanan ga nagapagumon sang aton paino-ino sa mga pagtuytoy sang Dios magmangin maathag, ang mga butang nga mabudlay mahangup sa sina nga tion makakita sang kasanag; Kag sa diin ang aton may latid nga mga paino-ino nakatukib lamang sang ginumon-gumon kag di-matuman nga mga panapat, makasugata kita sang labi gid ka himpit kag matahum nga pagkaisahan. “Ang aton makita karon bahin pa lang, pero sa ulihe mahibaluan ko ang tanan, pareho sang pagkahibalo sang Dios nahanungud sa akon.” 1 Corinto 13:12. [113]

## Ang Pagkalipay sa Ginoo

Ang mga anak sang Dios gintawag nga mangintiglawas ni Cristo. kag nagapakilala sang pagkaligdong kag kaluoy sang Ginoo. Sang si Jesus nagpahayag sa aton sang tunay nga kinaugali sang Amay, tungod sina ipahayag naton si Cristo sa Kalibutan nga indi nakakilala sang lya malulo, maluloy-an nga gugma, “Ginpadala ko sila sa kalibutan subong nga gin padala mo ako sa kalibutan,” siling ni Jesus. “Ako yara sa ila kag Ikaw yari sa akon agud mangin isa sila sing bug-os kag ang kalibutan makakilala nga Ikaw nagpadala sa Akon.” Juan 17:18,23. Si Apostol Pablo nagasiling sa mga gintutunan ni Jesus. “Maathag gid nga si Cristo mismo amo ang nagsulat sini kag nagpadala sini.” “agud mahibal-an kag mabasahan sang tanan nga mga tawo.” 2 Corinto 3:3,2. Sa taga sa lya mga anak, si Jesus nagapadala sang sulat sa kalibutan. Kon ikaw sumulunod ni Cristo, agapadala Sia sa imo sang sulat sa imo panimalay, minuro, dalan, sa diin ka nagapuyo. Si Jesus nga nagapuyo sa imo, nagahandummakighambal sa mga tagipusoon sang katawohan nga indi nakilala Niya. Basi na lang indi sila nagabasa sang Balaan nga Kasulatan, ukon indi makabati sang tingug nga nagahambal sa ila; indi nila nakita ang gugma sang Dios paagi sa lya mga binuhatan. Apang kon ikaw tuany nga tiglawas ni Jesus, mahimo nga paagi sa imo matuytuyan sila sa paghangup sang isa ka butang sang lya pagkahimpit. kag madaug sa pahigugma kag magalagad sa lya.

[114] Ang mga Cristiano nagapat-ud nga manugdala sang kapawa sa dalanon pakadto sa langit. Sila magpangininaw sang kapawa sa kalibutan nga naga silak sa ila gikan kay Cristo. Ang ila kinabuhi kag kinaugali dapat nga paagi sa ila pakadto sa iban, makakuha sang tama nga panghunahuna sa kay Cristo kag ang iya buluhaton.

Kon kita magpanatubang para kay Cristo himuon naton ang lya buluhaton makita nga makabili-hag, subong sang tunay Niya nga pagkamatuod. Ang mga Cristiano nga nagatipon sang kadulom kag kasulub-on sa ila mga kasingkasing, kag kumod kag sumbong, nagapalaton sa iban sang mabudhi-on nga pagpangatubang sang

Dios kag sang Cristiano nga kinabuhi. Nagapakita sila sang bunga nga ang Dios indi malipay nga lya mga anak magkasadia, kag sa sini nagadala sila sang butig nga pamatuod batuk sa aton langitnon nga Amay.

Si Satanas naghugyaw kon sia makatuytoy sang mga anak sang dios sa pagpangduhaduha kag pagpangpaluya. Nagakasadya sia nga makita nga k kita sang pagasalig sa Dios, nga nagapangduhaduha lya pagkamaluyagon kag gahum sa pagluwas sa aton. Naga kalipay Sia nga magbatyag kita nga ang Dios maghimo sa aton sang kahalitan paagi sa lya balaan nga mga pagtuytoy. Ang buluhaton ni Satanas amo ang ipangatubang niya sa aton ngaang Dios kulang sa kaawa kag kahanuklog. Gina himutig niya ang kamatuuran nahanungod sa Ginoo. Ginapuno niya ang pangdahumdahum sang di-matuod nga mga kaisipan nahanunod sa Dios; kag sa baylo nga mag pabilin kita sa kamatuoran nahanongod sa aton nga langitnon nga Amay sa masunsun gid gina pahamtang naton ang aton mga panghuna-huna sa malain nga pagpangatubang ni Satanas, kag paghuya sa Dios paagi sa pag duha-duha sa lya kag pagkumod batuk sa lya. Si Satanas sa gihaponnagapangita sing paagi sa paghimo sang balaan nga kinabuhi nga isa ka kasulob-on. Ginahandum niya ina nga mapakita nga mabudlay kag mahuol; kag kon ang cristiano magpakitasa iya [115] kaugalingon nga kinabuhi, ini nga pagtanaw sang pagtulu-ohan, sia sa paagi sang iya di-pagtuo, nagasunod sang binutig ni Satanas.

Madamu nga nagapadayon sa ila panglakatan sa dalanon sang kinabuhi nga nagapabilin sa ila mga kasaypanan kag mga kapaslawan kag mga kalugaw-an kag ang ila mga tagipusoon napuno sang kalidud kag kaluyahon. Sang sa Uropa ako, ang isa ka utod nga babae nga naghimo sini, nga yara sia sa madalum nga pagkagha, nagsulat sa akon, nga nagapangayo sang mga tinaga nga makatibong. Sang gab-l sa tapus nga nabasa ko ang iya sulat, nagdamgo ako nga yara ako sa isa ka kabulakan, kag ang isa ka tawo nga daw sa tag-iya sang kabulakan gintuytoy ako sa bug-os niya nga mga alagyan. Nagatipon ako sang mga bulak kag nagahiagum sang iya kahumot, san-o nga ining utod nga babae, nga nagalakat sa luyo ko, nagtawag sang akon pangtalupangud sa isa ka makaalakig nga mga sampinit nga nagaulang sang iya alagyan. Sa sina nga bagay nagapanangison kag nagkagha sia. Indi sia nagalakat sa dalanon, nga nagsunod sa manugtuytoy, apang nagalakat sa tunga sang mga

sampinit kag mga siit. “O,” nagapangalisud sia, “indi bala maka-hanuklog nga ining magayon nga kabulakan nahalitan sang mga siit?” Sa sina nga tion ang manugtuytoy nagsiling, “pabayaan mo ang mga siit, bangud masamaran lang ikaw sina. Tipunon mo ang mga rosas, mga lilia, kag mga may duag rosa.”

[116] Wala bala sang iban nga mga masanag nga hitabo sa imo ginagihan? Wala ka bala sang pila ka mahal nga panahon san-o ang imo tagiposoon nagpitik sa kalipay sa Espiritu sang Dios? San-o sang imo pagbalikid sa mga bahin sang imo inagihan sa kabuhi nakatukib ka bala sang pila ka nagamakalipay nga pamihak? Indi bala ang mga panug-an sang Dios, katulad sangmahamut nga mga bulak, nga nagatubo sa luyo sang imo alagyan sa tagsatagsa ka kaladtuan? Ini bala ang ila kagayon kag kaamyon nagapuno sang kalipay sa imo tagipusoon?

Ang mga sampinit kag mga siit magpilas kag magpakagha lamang sa imo; kag kon tipunon mo lamang ining mga butang, kag iamuma sa iban. indi ka bala, upod pa sa imo pagpadiutay sang pagkahimpit sang Dios, nga nagapamalabag sa iban, sa imo palibut, sa pagpanglakatan sa banas sing kinabuhi?

Salamat sa Dios sa mga maaliwanag nga mga laragway nga ginpahayag sa aton. Ibunghay naton dulungan ang mga mahimayaon nga mga pasalig sang lya paghigugma, nga makahimutad kita sa gihapon: Ang Anak sang Dios nagbiya sang lingkoran sang lya Amay, ginbayoan Niya ang lya pagkalangitnon, kag magsul-ob sang pagkatawonhon, nga Sia makaluas sang tawo gikan sa gahum ni Satanas; ang lya pagdaug sa aton kaayohan nagabukas sang langit sa kataowhan, nagapahayag sa pananawon sang tawo sang pagkayara sang Dios sa lya hulot sa diin ang Dios nagabutyag sang lya kahimayaan; ang nahulog nga kaliwatan gintib-ong gikan sa lungib sang kalaglagan sa diin ang kasal-anan naglugdang sa iya, nga makaupod sang waly katapusan nga Dios, kag sa tapos sa pag-antos sang langitnon nga pagtilaw paagi sa pagtuo sa aton Manluluas ginsukloban sang katarungan ni Cristo, kag gintib-ong sa lya lingkuran — amo ini ang mga laraguay, ang luyag sang Dios ipamalandong naton.

Kon daw sa magpangduhaduha kita sang gugma sang Dios, kag di-magsalig sang lya mga panug-an, ginapakahuya naton Sia, kag ginapakasub-an ang lya mga Balaan nga Espiritu. Daw ano ang pamatyag sang isa ka iloy kon ang iya nga anak dalayon na lang

nagasumbong sa iya, nga daw sa indi sia nagapakita sang tuyo nga maayo bisan pa nga ang paghimulat sang iya nga bilog nga kinabuhi para sa pagpasulong sang ila mga kinaayo, kag sa paghatag sa ila sang katawyahan? Pananglitan magpangduhaduha sila sang iya paghigugma; magpuot ina sa iya tagipusoon. Ano ang pamatyag sang isa ka ginikanan nga sia pagkabigon sang subong sini sang iya mga kabataan? Kag ano ang pagtamud sang aton langitnon nga Amay kon ginapangduhaduhan naton ang lya paghigugma, nga amo ang nagpahatag sang lya lamang nga bugtong nga Anak para nga maga-angkon kita sang kabuhi? Ang Apostol nagasulat, “Wala Niya gani ginpaiway ang lya Anak, kundi nga lya ginhalad para sa aton tanan! Kon ginhatag Niya sa aton ang lya Anak indi bala nga ihatag man Niya sa aton sing maalwan ang tanan nga butang?” Roma 8:32. Kag sa bisan pa pila, paagi sa ila binuhatan, kon indi sa pulong nagasiling, “Ang Dios indi nagakahulogan sini sa akon. Basi na lang ginahigugma Niya ang iban, apang indi Niya ginahigugma ako.”

[117]

Ang tanan ini nagahalit sa aton kaugalingon nga kalag; bangud sa tagsa ka pulong nga pangduhaduha nga ginabungatmo nagaagda sang mga pagsulay ni Satanas; ina nagapabaskug sa imo sang huyog nga magpangduhaduha, gikan sa imo, sa nagatatap nga mga mari-ununda. Kon si Satanas magsudyot sa imo. Indi ka magpaalinton bisan sa isa ka tinaga sang pangduhaduha ukon kadudulman. Kon pilionmo magbukas sang ganhaan sa iya mga panugyanon, ang imo paino-ino mapuno sang walay pagsalig kag mabinatukon nga mga pamangkutanon. Kon ihambal mo ang imo nga mga balatyagon, ang tagsa ka pangduhaduha nga ginapaihibalo indi lamang nagabalik sa imo kaugalingon, kundi ina manginbinhi nga magtubo kag magbunga sa kabuhi sa iban, kag mangin dimahimo magbalabag, sang gahum sang imo tinaga. Ikaw sa imo kaugalingon mahimonga makapaumpaw gikan sa panagon sang pagsulay kag gikan sa siud ni Satanas, apang ang iban, nga indi napahulag sang imo gahum mahimo nga indi makaluas gikan sa dipagtuong ginpanugyan mo. Daw ano kamakahulugan nga magpulong lamang kita sang mga butang nga makahatag sang balaanon mga kaligon kag kabuhi!

[118]

Ang mga manununda nagapamati sa pagmutik kon ano nga sahi sang pagsayud nga ginasaksi mo sa kalibutan nahanungud sang imo langitnon nga Agalon. Himu-on mo nga ang imo halambalanon

nahanungud sa Iya nga nagakabuhi sa paghimo sang pagtabang sa imo sa atubangan sang Amay. Kon magdapit sa kamut sa isa ka abyan ipahanugot mo nga ang pagdayaw sa Dios yara sa inyo mga bibig kag sa inyo tagipusoon. Indi makabihag sang inyo mga mga painoino sa kay Jesus.

Ang tanan may yara nga mga pagtilaw, mga kalisud nga mabugat pas-anon, mga pagsulay nga mabudlay masumpong. Indi ka magsugid sang imo mga katublagan sa imo isigkatawo, kondi dalhon mo ang tanan sa Dios sa pangamuyo. Himua ang pagkasulundan nga indi gid mag bungat sang isa ka tinaga sang pangduhaduha ukon pagluya. Daku ang mahimo mo sa pagpasanag sang kabuhi sang iban kag pagpabaskug sang Ila mga pagpaninguha paagi sa malaumon nga mga pulong kag balaan nga kinalipay.

May yara mahimo nga pililion nga maisug nga mga tawo nga labing gintaum-ok sang pagsulay, halus handa na malipong sa pagsumponganay batuk sa iya kaugalingon kag sa mga kagamhanan sang kalibutan. indi ka mapalas-ay sa sina nga tawo sa iya mabugat nga pagpaniguha. Lipayon mo sia sing walay kahadluk, malaumon nga mga tinaga nga magpilit sa Iya dalanon.

Bangud sina ang kapawa ni Cristo makasilak gikan sa imo. “Kag wala sing bisan isa sa aton nga nagakabuhi ukon nagakamatay para sa iya lamang kaugalingon.” Roma 14:7 Sa paagi sang aton walang pangalibutan nga pagbatak ang iban mahimo mo nga mganyat kag magbaskog, ukon indi sila maganyat kag magtabog sila gikan kay Cristo kag sa kamatuoran.

[119] May yara madamu nga nagahupot sang sayup nga kaisipan sang kabuhi kag kinaugali ni Cristo. Magahunahuna sila nga Sia naku-  
langan sang pagkabalaka kag pagmasiadihon, kag Sia maid-id kag mapiguson kag walay kalipay. Sa madamu nga mga halimbawa, ang Iya bilog nga matinuohon nga gin-agihan naduagan sinig mga magal-umon nga mga pagtan-aw.

Masunson ginapabutyag nga si Jesus nagpanangison, apang indi gid Sia nahibal-an nga nagyuhum. Ang aton Manluluas matuod gid isa ka tawo nga may kasulob-on, kag nagkilala sang pagkakagha, bangud kay ginbuksan Niya ang Iya tagipusoon sa tanan nga mga kalisdanan sang katawohan! Apang bisan ang Iya kinabuhi ginadilian Niya ang Iya kaugalingon kag nalandongan sing kasakit kag pagkabalaka, ang Iya Espiritu indi nadugmok. Ang Iya nawong



indi nagsuklob sang dagway sang kasakitan kag pamulug-ot, kondi sa gihapon isa sang mahidaeton nga pagkadungganon. Ang iya tagipusoon isa ka ginikanan sang tuboran sang kabuhi; kag kon diin Sia magkadto ginadala Niya ang kapahuwayan kag paghidaet, kag kahimayaan kag kalipayan.

Ang aton Manluluas sa kabug-usan maligdong, labing mainit. apang indi gid masinulub-on ukon buringot. Ang kinabuhi sang iban nga nagasunod sa lya magmagin puno sang mahimulaton nga katuyuan. May yara sila nga madalum nga balatyagon sang kau-galingon nga katungdanan. Ang pagkakulang sang pagkaligdong mapunggan; wala sang magansal nga kinasadya. wala sang baraghal nga lahuglahug. kundi ang pagtuluohan ni Jesus nga nagahatag sang paghidaet katulad sang suba. Indi nagapapalung sang iwag sang kalipay; indi nagapugong sang pagkamasinadyahon, ni nagagal-um sa mapawa,nga mayuhum nga nawong. Si Cristo nagkari indi para alagaran kondi mag-alagad; kag kon ang lya gugma maggahum sa tagipusoon, magsunod kita sang lya halimbawa.

Kon huptan naton sa labing mataas nga bahin sang aton mga panghunahuna ang walay kaluoy kag dimatarung nga mga buhat sang iban matukiban naton nga di-mahimo nga maghigugma sa ila [120] subong sang paghigugma ni Cristo sa aton; apang kon ang aton mga kaisipan nagapabilin sa makatilingala nga paghigugma kag kaluoy ni Cristo sa aton, ang amo nga espiritu mag-ilig pagua sa iban. Dapat kita maghigugma ka magtahud sa isa kag isa walay sapayan sang mga kasaypanan kag mga kakulangan nga indi kita makabulig sa pagmutik. Ang pagpaubos kag ang walay pagsalig sa kaugalingon kinahanglan mapauswag, kag ang mapailubon nga kalulo sa mga kasaypanan sang iban. Ini makalutos sang tanan nga mga nagapakitid nga pagkamaiyayahon, kag makahimo sa. aton maluluy-an kag maalwan.

Ang salm-ista nga nagsiling, “Magsalig ka sa Ginoo, kag maghimo sing maayo; magkabuhi ka sa duta kag indi ka maano.” Salmo 37:3. “Magsalig ka sa Ginoo.” Ang tagsa ka adlaw may iya nga lulan iya mga pagkabalaka kag palaligban; kag kon kita magkita, daw ano ka handa nga kita makasugilanon sang aton mga kabudlayan kag mga pagtilaw. Madamu kaayo nga hinulam nga mga katublagan nagasulod, madamu kaayo nga mga kahadluk nga ginapalabi, tagsubong sina nga kabug-aton sang pagkabalaka gi-

napahayag, nga ang isa magsat-um nga wala kita nga maluluy-on, mahigugmaon nga Manluluwas, nga handa magpamati sang aton nga mga pangabay, kag manginkaron nga tabang sa aton sa tanan nga panahon nga kinahanglanon.

[121] Ang iban sa dalayon nagakahadluk, kag nagahukam sang palaligban. Tagsatagsa ka adlaw ginalibutan sila sang mga patimaan sang paghigugma sang Dios; tagsatagsa ka adlaw nagakalipay sila sang mga kaalwan sang dios; apang ginapaligad nila ang sa karon nga mga pagkamaayo. Ang ila mga paino-ino sa dalayon nagapabilin sa isa ka butang nga di-nagakabagay, nga ginakahadlukan nila nga basi magabut; ukon isa ka kahulanan tutuo magpadayon, diin sina nga bisan diutay, makabulag sang ila mga mata sa madamu nga mga bagay nga nagakinahanglan sang kabalaslan. Ang mga kahulanan nga ila nasugata sa baylo nga magtulod sa ila sa Dios, ang ginikanan lamang sang ila kabulig, magbulag sa ila sa lya bangud napukaw sila sang kinagamo kag kinumod.

Magahimo ayhan. kita sang maayo kon kita wala pagtuo? Ngaa kita dapat magmangin walay kabalaslan kag walay pagsalig. Si Jesus amo ang aton abyan; ang bilog nga langit nabalaka sang aton kauswagan. Indi naton dapat ipahanugot ang mga kabudlayan kag mga palaligban sang aton adlaw-adlaw nga panabuhin sa pagpamulog-ot sang paino-ino kag naghatag sing pangduhaduha sa aton pagsalig. Kon himuon naton ini, may yara kita sa gihapon isa ka butang nga pasaklawon kag pagtublagon. Di-dapat kita magpalabi sang isa ka pagkabalaka nga mag-ugtas lamang kag magpakapoy sa aton, apang indi makabulig sa aton sa pagantus sang mga huol.

Ayhan agumon angimo paini-ino sa palatikangan; ang imo ginapaabut magadugangsang kadulum kag padulum pa gid, kag ayhan ginakugmat ikaw nga makaagum sang kadulaan; apang indi ka magdula sing paglaum; itumbo mo ang imo mga pagkabalaka sa Dios, kag magpakatawhay kag malipayon. Magpangamuyo ikaw sing kinaalam kag dumalahon mo ang imo nga kahilabtanon nga may pagkamajnamligon, kag sa sina magpugong sang kausikan kag kapahamakan. Himua ang mahimo mo sa imo bahin sa pagpatubas sang maayo nga mga bunga. Si Jesus nagtug-an sang lya bulig, aoang indi nahamulag sa aton paghimud-os. Kon nagasalig kita sa aton kabulig, nahimo mo ang tanan nga mahimo mo, batunon mo ang patubas sing malipayon.

Indi kabubut-on sang Dios nga ang lya tinawo dapat mapabug-atan sang pagkabalaka. Apang aton Dios indi nagdaya sa aton. Indi Sia nagasiling sa aton “Indi ka magkahadluk w3la sing katalagman sa imo alagyan.” Nahibal-an Niya nga may yara mga pagtilaw kag katalagman kag ginakabig Niya kita sing hayag. Indi Sia naganuayo nga kuhaon ang lya mga tinawo pagua sa sining kalibutan sang kasal-anan kag kalautan, apang ginatudlo Niya sila sa wala nagakulang nga dalangpan. Ang lya pangamuyo sa lya mga gintutunan amo ini. “Wala ako nagapangayo nga kuhaon mo sila sa kalibutan, kundi nga apinan mo sila batok sa malaut.” Juan 17:15. “ang kalibutan.” siling Niya, “nagaantus sa inyo pero magpakaisug kamo: Gindaug ko ang kalibutan.” Juan 16:33. [122]

Sa lya wali sa bukid, si Cristo nagtudlo sa lya mga gintutunan sang bahandianon nga ma tulun-an nahanungod sang kinatianglanon sa pagtuo sa Dios. Ining mga tulun-an gintuyo sa pagganayat sa mga anak sang Dios sa paagi sa tanan nga mga kaliwatan kag naganpanaug sa aton panahon puno sang pagtudlo kag katawyahan. Ang Mnaluluas nagtudlo sa lya mga sumulonod sa mga pispis sa taliwala sang sa nagaambahanon sila sang ila mga pagdayaw, nga ang ila kaisipan hilway sa pagkabalaka. bangud “Wala sila nagasab-og sing binhin ukon nag-ani,” apang ang inyo Amay sa langit nagapakaon sa ila! “Kag walay sapayan ang halangdon nga Manugsangkap sang mga kinahanglanon sang tawo nagahatag sa ila. Ang Manluluas nagapamangkut, “Indi bala mahal pa kamo sa ila?” Mateo 6:26. Ang halandon nga Manugsangkap sa tawo kag sapat nagabukas sang lya kamut kag nagahatag sa tanan sang lya mga tinaga. Ang mga pispis sa taliwala indi sa idalum sang lya pagtalupangud. Indi Sia nagahulog sang pagkaon sa ila mga tuktuk, apanga nagahimo Sia sang panigana para sa ila mga kinahanglanon. Dapat sila magtipon sang mga uyas nga ginlipta Niya para sa ila. Dapat nila ihanda ang kasangkapan para sa ila mga gamay nga pugad. Dapat sila magpakaon sang ila mga peso. Nagapadayon sila sa pag-amba sa ila pagpangabudlay. bangud “ang imo langitnon nga Amay nagapakaon sa ila.” Kag “indi bala mahal pa kamo sa ila? Indi bala kamo maalam, kag balaanon nga manugsimba, nga labing daku ang bili sang sa mga pispis nga nagalupadlupad sa palibut? Indi bala ang Manugdihon sa aton, ang Manug-amlig sang aton kabuhi, ang Amo [123]

nga nagbuhat sa aton, sa lya langitnon nga dagway, magpasangkap sang aton mga kinahanglano kon kita nagasalig sa lya?

Si Cristo, sa lya mga gintutun-an nagtamud sa mga bulak sa talamnan. nagatubo sa magayon nga kadayaga. kag maliwanag sa bunayag nga katahum nga ang langitnon nga Amay gindulot sa ila, subong sang isa ka pagpahibalo sang lya gugma sa tawo. Nagsiling Sia, “Tan-awa bala ko daw ano ang pagtubo sang mga bulak sa latagon.” Ang katahum kag kabunayon sang sining kinatubo nga bulak nagapangngibabaw sing labi sa ila pagpaindisindis sa kagayon ni Solomon. Ang labing makahalawlaw nga ingusuklob nga napatubas sang kasampaton sang kinaadman indi makahawid sing katulad sa kinabun-ag nga bugay kag masili nga katahum sang bulak nga ginlalang sang Dios. Si Jesus nagapamangkot, “Ang Dios amo nagapabay sang hilamon nga ngatubo karon kag buas idap-ong lamang sa kalayo. Indi bala Sia magpabay sa inyo? Ang kadiutay sang inyo pagtuo!” Mateo 6:28,30. Kon ang Dios ang langitnon nga gumulua, naghatag sa ahaw nga bulak nga nagalaya sa sulod sang isa ka adlaw ang ila alamligan kag ilasari-sari nga mga duag, daw ano ka labi pa kadaku ang lya pagamlig sa ila nga gintuga Niya sa lya larawan? Ining tulun-an ni Cristo isa ka pagsaway sa mabinalakon nga panghunahuna, ang palaligban kag pangduhaduha, sang tagipusoon nga walay pagtuo.

Ang Ginoo maluyag nga ang tanan nga lya nga anak nga mga lalake kag mga anak nga babae malipayon, mahidaeton, kag masulondon. Si Jesus nagsiling, “Ang paghidaet ginhatag ko sa inyo. Ginhatag ko ini sa inyo indi subong sang paghatag sang kalibutan. Indi kamo magpalinug. magkatublag, indi kamo magkahadluk.”

[124] Juan 14:27 “Ginasugid ko sa inyo agud ang Akon kalipay manginyara sa inyo, kag ang inyo kalipay manginbugos.” Juan 15:11.

Ang kalipay nga ginlaghap gikan sa malugus nga tinutuyo luas sa banas sang katungdanan, amo ang kuiang-kulang ang timbang nga matalagsahon, kag umalagi; ini nagalabay, kag ang kalag napun-an sang kapung-aw kagkasubo; apang may yara nga kalipay kag kabulusgon sa pagalagad sa Dios; ang Cristiano indi ginapabay-an sa pagpanglakaton sa walay kapat-uran nga mga dalanon, sia indi ginapabay-an sa walay pulos nga mga pagkanugon kag kalugaw-an. Kon indi kita makaangkon sang mga handum sining

kinabuhi mahimo nga magmanginmahimaya-on kita sa paglantaw sang kinabuhi sa ibabaw.

Apang bisan diri ang mga Cristipno mahimo nga makahigagum sang himaya sa pagpakighinu-anon sa kay Cristo; ayhan sila makaangkon man sang kapawa sang lya paghigugma, nga among walay katapusan nga paghidaet sa lya atubang. Ang tagsa ka tikang sa aton kinabuhi mahimo makadala sa aton sa labing malapit sa kay Jesus, mahimo maghatag sa aton sang tuman kadulum nga gindangat sang lya paghigugma nga makadala sa aton isa ka tikang nga labing malapit sa mahimaya-on nga puluy-an sang paghidaet. Sa sini nga tion indi naton pag itagbong ang aton pagsalig kundi maghupot sang mapagon nga pamatuod, dugang pa kalig-on sang gihapon sadto.

“Ang Ginoo nagbulig sa aton, tubtub nakalambut kita diri.” I Samuel 7:12. kag magbulig Sia sa aton tubtub sa katapusan. Naglantaw kita sa talandaang batungdaan nga mga haligi.nagapahanumdum sa aton kon ano ang nahimo sang Dios sa pagsulhay kag pagluas sa ato sa kamut sang manuglaglag. Ihup-tan sing lab-as sa aton panumduman, ang tanan nga malum-ok nga kaluoy nga ginapangita sang Dios sa aton — ang mga luha nga ginpahid Niya, ang mga kasakitan nga lya ginpaumpawan, ang mga paalaligban nga ginlubad, mga kakugmat nga ginatabug, ang mga handum nga ginpun-an, ang mga pagkamaayo nga gindulot. — nga amo ang nagapabaskug sa aton sa tanan nga aton ginaatubang sa panahon nga nabilin sa aton matinuohon nga panlaktan.

[125]

Indi mahimo nga indi kita makalantaw sa unhan sa bag-o nga mga palaligban sa magaabut nga kinagamo, apang mahimo nga magtan-aw kita kon ano ang sa nagligad katulad man sang akon ano ang palaabuton, kag magmitlang, “Ang Ginoo nagbulig sa aton tubtub nakalambot kita diri.” I Samuel 7:12. “Kabay nga magpuyo sia sa gihapon nga malig-on.” Deuteronomio 33:25. Ang pagtilaw indi maglabaw sa ikasarang nga ihatag sa aton pagpas-an sina. Sa sina nga tion batunon naton ang aton buluhaton karon sa diin makitiatiaton, nagatuo nga bisan ano ang mahanabu, ang ikasarang nga nagakaigo sa pagtilaw igahatag sa aton.

Kag sa dugay-dugay ang ganhaan sang langit mabuksan sa pagbaton sang mga anak sang Dios, kag gikan sa mga bibig sang Hari sang himaya, ang panamuyo sa pagtakup mahulog sa ila dalunggan subong sang labi katahum nga lanton, “Kari kamo nga gina-

pakamaayo sang akon Amay, panubli-a ninyo ang Ginharian nga gin-aman sa inyo halin pa sa pagtuga sang kalibutan.” Mateo 25:34-

[126] Madason sina ang mga natubus pagabatunon sing malipayon sa mga puluy-an nga ginahanda tungod sa ila. Didto ang ila mga kaupod indi ang mga mahigko sang kalibutan, mga butigon, manugsimba sa dios-dios, ang mga mahigko kag di-tumuluo; apang magsimpon sila sa iban nga nakadaug sa kay Satanas, kag sa paagi nga langitnon nga bugay nakadagway sang himpit nga mga kin-augali. Ang tagsa ka huyog nga malauton, ang tagsa ka kakulangan nga nagahatag kalisud sa ila diri, ginkuha sa dugo ni Cristo, kag ang paghimpit kag pagkasili sang Iya himaya, tuhay ka labaw sang kasanag sang adlaw, ginhatag sa ila. Kag ang tawonhon nga katahum, ang kahimpitan sang Iya kinaugali nagasilak paagi sa ila, sa bili nga tuhoy ka labaw sa sining kagayunan sa gua. Sila wala sing saiawayon sa atubangan sang halangdong nga put-ting lingkuran sang Dios nagapakigbahin sang pagkadungganon kag ang mga kalabihan sang mga manununda.

Sa pagtan-aw sang makasililaw nga panubli-on nga basi mangin-iy, “Ano bala ang makuha sang tawo kon maangkon niya ang bug-os nga kalibutan kag madula niya ang iya kabuhi?” Mateo 16:26. Ayhan kubos sia, walay sapayan, nagaangkon sia sa iya kaugalingon isa ka manggad kag pagkadungganon nga ang kalibutan in id makahatag. Ang kalag nga natubos kag natinlu-an gikan sa sala, kaupod sang tanan niya nga mga halangdon nga mga kagamhanan ginahalad sa pagalagad sa Dios, isa ka labaw nga takus; kag may yara kinalipay sa langit sa atubangan sang Dios kag sa mga balaan nga nga manununda bangud sa isa ka kalag nga natubos, ang kinalipay nga ginasaysay sa mga ambahanon sang balaan nga pagdaug sang Langit.

— Katapusan —